



უნივერსიტეტი

1
დაკავშირებული,
სუთხაბათი,
2016 წ., №14

ნომერი

■ რეკტორის კომენტარი
თსუ-ში მიმდინარე
მოვლენებზე **გვ. 2**

■ საპარლამენტო კომიტეტის თავმჯდომარის
ინადადავა სტუდენტებს
კანონები შესატან
ცვლილებებზე **გვ. 5**

■ როგორ იქცა ლევილი
სამეცნიერო-
კულტურულ ცენტრად?



გვ. 7

■ საიუბილეო კრებული
„თელმ ნინიკა — 65“



გვ. 11

■ მათთვის, ვისაც
სწორად წერა და
მეტყველება სურს



გვ. 12

■ ქართული ენა
პირველ ქართულ
უნივერსიტეტში აღარ
არის პრიორიტეტი?
გვ. 14

■ ქალი, ფემინიზაცია და
გლობალიზმი



გვ. 13



სტუდენტური
თვითმმართველობის
არჩევნები-2016



„აუდიტორია 115“-ის საპროტესტო აქცია



შეხვედრა პარლამენტის
განათლების
კომიტეტის თ.-რასთან
მარიამ ჯაფარიძე

აქციების ფონზე გამართული არჩევნები და მიღწეული შედეგები

„აუდიტორია 115“-ის საპროტესტო აქციების ფონზე მიმდინარე თსუ-ის სტუდენტური თვითმმართველობის არჩევნები ლეგიტიმურად გამოცხადდა. მიუხედავად იმისა, რომ სტუდენტურმა გაერთიანებებმა კენჭისყრის პროცესი 9 საარჩევნო უბანზე რამდენიმე საათით შეწყვიტა, არჩევნებზე ხმის მიცემა 20 615 ამომრჩევლიდან 2436 მოახერხა, რაც მინიმალურ ზღვარზე – 10%-ზე მეტია. „აუდიტორია 115“-მა შეხვედრები გამართა

თსუ-ის რექტორთან გიორგი შარვაშიძესთან და პარლამენტის განათლების, მეცნიერებისა და კულტურის კომიტეტის თავმჯდომარესთან მარიამ ჯაფარიძესთან. შეთანხმება სტუდენტთა თანასწორობის, ფინანსური რესურსების თანაბრად გადანაწილების და უნივერსიტეტის საფაკულტეტო საბჭოებში სტუდენტთა პირდაპირი წესით არჩევის პრინციპებზე მიღწეულია. პარლამენტის განათლების, მეცნიერებისა და კულტურის კომიტეტის გაფართოებული

სხდომა 5 დეკემბერს ჩაინიშნა, სადაც მხარეები „უმალესი განათლების შესახებ“ კანონში ცვლილებების შეტანის შესახებ იმსჯელებენ. თუმცა, პროტესტის მონაწილე სტუდენტები თსუ-ის მე-6 კორპუსის პიკეტირებას ამ დრომდე არ წყვეტენ. „აუდიტორია 115“ თსუ-ის მე-6 კორპუსიდან გასვლის კონკრეტულ თარიღს ვერ ასახელებს. მოძრაობაში აცხადებენ, რომ ე.წ. ჟურნალისტების კორპუსში სასწავლო პროცესის აღდგენის საშუალებას არაფერს მისცემენ

მანამ, სანამ კონკრეტულ შედეგს არ დაინახავენ. პარლამენტის განათლების, მეცნიერებისა და კულტურის კომიტეტის თავმჯდომარესთან მარიამ ჯაფარიძესთან შეხვედრა გამართა თსუ-ის სტუდენტური თვითმმართველობის წარმომადგენლებმაც, რომლებიც, ასევე, ჩაერთვებიან საკანონმდებლო ცვლილებების შემუშავების პროცესში. „აუდიტორია 115“ მათთან თანამშრომლობას გამოიხატავს.

გვ. 3-4 გვ.

უნივერსიტეტი ჩემი პირადი ბიოგრაფიის ნაწილია



ინტელექტუალური პარლამენტის
თავმჯდომარესთან, თსუ-ის
პროფესორთან ნიკაპატი კობახიძესთან

— როგორი იყო თბილისის სახელმწიფო უნივერსიტეტი იმ დროს, როცა თქვენ სწავლობდით და როგორია ახლა, თქვენი აზრით?
— ამ წლების განმავლობაში სხვადასხვა მიმართულებით ვითარდებოდა უნივერსიტეტი. შეიძლება ითქვას, რომ წარ-

სულში, რაღაც კუთხით, ბევრი რამ უკეთესი იყო. მთლიანობაში, ამ წლების განმავლობაში, საერთო იმიჯი უნივერსიტეტისა არსებითად არ შეცვლილა. სასურველია, რომ ბევრი მი-

გვ. 2 გვერდზე

მორფოლოგიის ინსტიტუტში ხელოვნური გულ-ფილტვის აპარატის გამოყენების იდეაზე მუშაობენ

ეპროკაში გამოცემულ საერთაშორისო სამედიცინო ნაშრომში აღწერილია ცალკე თავი მიეძღვნა თსუ-ის მორფოლოგიის ინსტიტუტის მედიკოს-თანამშრომელთა ჯგუფის, პროფესორების ნოღა რეზინისა და ზურაბ ჩხაიძის გამოგონებას — „ხელოვნური სისხლმიმოქცევის აპარატი“ — და ამ აპარატის საშუალებით ექსპერიმენტებში მიღწეულ შედეგებს. ამერიკისა და იაპონიის წამყვანი მედიკოსების ნაშრომებთან ერთად დაიგეგმა ინფორმაცია ხელოვნური გულ-ფილტვის აპარატში საპროტოტი კონსტრუქციის ორიგინალური სისხლის ტუმბოს გამოყენების შესახებ, რომელიც დღეს არსებულ ანალოგებზე უკეთეს შედეგებს აჩვენებს. მორფოლოგიის ინსტიტუტის მკვლევართა ჯგუფის მიერ გამოქვეყნებული ნაშრომა-

ბითა და შექმნილი აპარატის მიზნობრივ ექსპერიმენტებში მიღწეული ეფექტებით, ცნობილი ესპანელი ტრანსპლანტოლოგი — ჰავიერ პადილო დაინტერესდა. ამ სამედიცინო იდეების გასაცნობად და აპარატის გამოსაცდელად ესპანელ სპეციალისტთა ჯგუფი საქართველოს 2014 წელს სტუმრობდა. ამის შედეგად ის ფაქტი, რომ დღეს, ქართველი და ესპანელი მკვლევრები, სპეციალური პროტატილი აპარატის გამოცდისა და ტრანსპლანტაციისთვის გამიზნულ ორგანოთა კონსერვაციის მიზნით, ხელოვნური სისხლმიმოქცევის აპარატის გამოყენების საკითხებზე ეპროკრანტის — „ჰორიზონ 2020“-ის ფარგლებში ერთობლივად მუშაობენ.

გვ. 9 გვერდზე



რექტორის კომენტარი თსუ-ში მიმდინარე მოვლენებზე

2017 წლიდან უნივერსიტეტში სტუდენტური პროექტების დაფინანსების ახალი წესი ამოქმედდება. თსუ-ის რექტორის გიორგი შარვაშიძის ინიციატივით, გამჭვირვალობის და პარიტეტის დასაცავად შეიქმნება სპეციალური საბჭო, რომელშიც არასამთავრობო და საერთაშორისო ორგანიზაციების წარმომადგენლები შევლენ. საბჭო შეიმუშავებს იმ კრიტერიუმებს, რის მიხედვითაც გაიცემა დაფინანსება სტუდენტური პროექტების განსახორციელებლად.

„2017 წლის პირველი იანვრიდან შეიქმნება კომპეტენტური საბჭო, რომელიც მიიღებს გადაწყვეტილებას, სხვადასხვა ჯგუფების მიერ განახილვებულ შემოტანილი პროექტების დაფინანსებაზე. ეს პროცესი იქნება გამჭვირვალე, ღია, ყველას ექნება მასში მონაწილეობის მიღების საშუალება, იქნებინ ცალკეული სტუდენტები, თუ სტუდენტური ჯგუფები“, — განაცხადა თსუ-ის რექტორმა გიორგი შარვაშიძემ. მისი თქმით, ინიციატივის საფუძველი გახდა უნივერსიტეტის სტრატეგიული განვითარების დოკუმენტზე სამუშაო ჯგუფის შეხვედრებზე სტუდენტების მიერ წამოყენებული მოსაზრება სტუდენტური პროექტების და ღონისძიებების დაფინანსების თანაბარი პირობების შექმნის შესახებ. დოკუმენტი საჯაროა და ღიაა მსჯელობისთვის (<https://www.facebook.com/TSUgandvirebisstrategia/>).

რექტორმა კომენტარი გააკეთა „აუდიტორია 115“-ის წევრების მოთხოვნებზე.

თსუ-ის რექტორის გიორგი შარვაშიძის ინიციატივით, გამჭვირვალე და პარიტეტის დასაცავად შეიქმნება სპეციალური საბჭო, რომელიც არასამთავრობო და საერთაშორისო ორგანიზაციების წარმომადგენლები შევლენ. საბჭო შეიმუშავებს იმ კრიტერიუმებს, რის მიხედვითაც გაიცემა სტუდენტური პროექტების განსახორციელებლად.

ნებთან დაკავშირებით. მისი განცხადებით, „მოთხოვნებს გავცენი, ყველა სტუდენტი თანასწორუფლებიანია — ვეთანხმები, რა თქმა უნდა; ავტონომია უნივერსიტეტს — ძალიან მომწონს ეს იდეა. რაც შეეხება იმას, თუ რა ფორმით არის ეს განხორციელებული, ეს უკვე გემოვნების საკითხია. არსებული ფორ-



მა არ მომწონს და, უპირველესად, არ მინდა ხელი შეეშალოს სასწავლო პროცესს. ავტონომიის დონე აუცილებლად გაიზარდება, რისთვისაც ყველა მზადაა, მათ შორის კანონმდებლებიც, საქართველოს პარლამენტიც, მზაობა მაღალია, თუმცა ფორმები არის სხვადასხვა“. უნივერსიტეტის რექტორს მიაჩნია, რომ კანონმდებლობით უნივერსიტეტს უნდა გადაეცეს ის უფლებები, რომელიც საშუალებას მისცემს უნივერსიტეტსა და სტუდენტებს განსაზღვრონ როგორი მოწყობა ურჩევნიათ. „ზაზი მინდა გავუსვა იმასაც, რომ პრივილეგირებული ჯგუფები უნივერსიტეტში არ იქნებიან“, — განაცხადა რექტორმა.

როგორც გიორგი შარვაშიძემ აღნიშნა, „აუდიტორია 115“ წევრების განცხადება საერთო საცხოვრებლის თემაზე ახალი არ არის. „საერთო საცხოვრებლების პრობლემა არსებობს, რომელიც

გუშინ არ გაჩენილა. უკვე დაწყებულია სველი წერტილების, კვების საკითხების მოგვარება, კეთდება უკაბელო ინტერნეტი, ასევე მივალნივთ შეთანხმებას, რომ უფასო იქნება საბაგირო გზა სტუდენტებისთვის, რომლებიც მაღლივ კორპუსში დადიან საერთო საცხოვრებლიდან. ამ პრობლემის მოგვარებას სჭირდება, რა თქმა უნდა, სახსრები, დრო და, რაც მთავარია, არის ნება, რომ მოწესრიგდეს ეს საკითხები“.

თსუ-ის რექტორის განცხადებით, თბილისის სახელმწიფო უნივერსიტეტი გახდება ნამყვანი კვლევითი ევროპული დონის სასწავლებელი. თსუ ითანამშრომლებს ყველასთან, რათა უნივერსიტეტში გარემო გაუმჯობესდეს, მათ შორის იმ მიმართულებით, რომ ყველას ჰქონდეს თანაბარი უფლებები.

ორი თვის განმავლობაში აქტიურად მიმდინარეობს მუშაობა უნივერსიტეტის სტრატეგიული განვითარების გეგმაზე, ყველას შეუძლია იხილოს უნივერსიტეტში განსახორციელებელი ცვლილებების პროექტის ბრძანება, რომელიც ღია სივრცეშია განთავსებული, ჩაერთოს მასში და თავისი წვლილი შეიტანოს მის გაუმჯობესებაში. სტრატეგიული გეგმის ფარგლებში ასევე განხილვება 2017 წლიდან სტუდენტური ღონისძიებების დასაფინანსებელი პროექტების სავარაუდო მიმართულებები, რომელიც ასევე შეგიძლიათ იხილოთ თანდართულ დოკუმენტში, გამოხატოთ თქვენი აზრი და შეიტანოთ ცვლილებები.

თსუ ურსდამთავრებული

უნივერსიტეტი ჩემი პირადი ბიოგრაფიის ნაწილია

ინტერვიუ პარლამენტის თავმჯდომარესთან, თსუ-ის პროფესორთან ირაკლი კობახიძესთან

პირველი გვერდიდან

მართლებით სწრაფი ტემპით განვითარდეს თსუ.

— **სტუდენტებს პრეტენზია სწავლის ხარისხზე აქვთ. დაგროვდა პრობლემები, რაზეც ბევრი პროტესტს გამოთქვამს...**

— იურიდიული ფაკულტეტის მაგალითზე შემიძლია უფრო კარგად ვისაუბრო, რადგან ისე კარგად არ ვარ ჩახედული სხვა ფაკულტეტების შიდა სამზარეულოში. რაც შეეხება იურიდიულ ფაკულტეტს, ბევრი ხარვეზი რჩება, მათ შორის, სწავლების ხარისხის კუთხით. მქონდა საშუალება, რომ გერმანიაში მიმელო განათლება და, ბუნებრივია, ამ გადმოსახედიდან ძალიან შორს ვართ სწავლების იმ ხარისხისგან, რაც დღეს გერმანიაშია. სხვადასხვა მიმართულებით სჭირდება ფაკულტეტს და, ზოგადად, უნივერსიტეტს განვითარება, მათ შორის, ერთ-ერთი პედაგოგების, პროფესორ-მასწავლებლების კვალიფიკაციის ამაღლება და ამ კუთხით სერიოზული პროგრესის მიღწევა. გვაქვს, აგრეთვე, სასწავლო ლიტერატურის კუთხით სერიოზული პრობლემები. არის მთელი რიგი საგნები, რის შესასწავლადაც საჭირო სახელმძღვანელოები ან საერთოდ არ არსებობს, ან არ არის სათანადო ხარისხის. გარდა ამისა, სტუდენტების სოციალური განვითარების საშუალებები ნაკლებია. მაგალითად, საზღვარგარეთ სტუდენტები ჩართულნი არიან სხვადასხვა ტიპის აქტივობებში — სპორტულ, კულტურულ და ა.შ. ღონისძიებებში. სამწუხაროდ, თსუ-ში, ამ კუთხით, ბევრი რამ არის გასავითარებელი. ინფრასტრუქტურის მხრივაც, ვიცით, რომ არის სირთულეები, ანუ ბევრი მიმართულება, სადაც ვგჭირდება პროგრესი. ნინსელის პოტენციალი არსებობს, მაგრამ, მთავარია, რომ მიზნობრივად დაიგეგმოს უნივერსიტეტის რეფორმა და შემდეგ თანმიმდევრულად განხორციელდეს იგი.

— **ქუთაისში ტექნოლოგიური უნივერსიტეტის გახსნის პერსპექტივა მართლაც მისაღწევადი და სასიხარულოა, მაგრამ ჯავახიშვილის უნივერსიტეტი, ალბათ, პრიორიტეტულ უმაღლეს სასწავლებლად უნდა მიიჩნე-**



ოდეს, რომელსაც საბაზისო დაფინანსება სჭირდება თუნდაც ინფრასტრუქტურული პროექტების განსახორციელებლად და სერიოზული რეფორმების გასატარებლად. რამდენად აუცილებელია, რომ ხელისუფლებამ, როგორც ნომერ პირველ უნივერსიტეტს, უფრო მიაქციოს ყურადღება?

— ერთი მიზანი მეორეს ხელს არ უშლის (ვგულისხმობ ქუთაისში ტექნოლოგიური უნივერსიტეტის გახსნას). თბილისის სახელმწიფო უნივერსიტეტი ნამდვილად არის პრიორიტეტი — თსუ არის არა მხოლოდ ერთ-ერთი სასწავლო დაწესებულება, არამედ ქართული კულტურის ნაწილიც. აქედან გამომდინარე, განსაკუთრებული ყურადღება მართლაც უნდა მიექცეს თბილისის სახელმწიფო უნივერსიტეტის განვითარებას. ტექნოლოგიურ უნივერსიტეტთან დაკავშირებით სხვა მიზნები არსებობს და ეს ხელს არ უშლის და ვერც შეუშლის თბილისის სახელმწიფო უნივერსიტეტთან დაკავშირებულ მიზნებს, რაც შეიძლება ჰქონდეს ხელისუფლებას. ანუ თსუ მრავალი მიმართულებით საჭიროებს განვითარებას. ამისთვის უნდა გაკეთდეს ბევრი რამ, დაწყებული ინფრასტრუქტურით და დამთავრებული სწავლების ხარისხის გაუმჯობესებით.

— **რამდენად შესაძლებელია საბაზისო დაფინანსება...**

— ეს კომპლექსური საკითხია. ზოგადად, როდესაც საბიუჯეტო დაფინანსებას ეხება საკმე, ეს ყველაფერი მომიჯნავე საკითხებთან არის დაკავშირებული, ანუ მარტივი არ არის ასეთი თემების გადაწყვეტა. თუმცა, თსუ არის პირველი და მაქ-

მზად ვარ, რომ მთელი ენთუზიაზმით ჩავერთო ნაბის-მიერ აქტივობაში, რაც დაკავშირებული იქნება თსუ-ის განვითარებასთან. უნივერსიტეტი ჩემი პირადი ბიოგრაფიის ნაწილია და, გუნებრივია, მისადმი განსაკუთრებული დამოკიდებულება მაქვს, არა მხოლოდ მე, არამედ თითოეულ კურსდამთავრებულს. აქედან გამომდინარე, პირადად მზად ვარ, რომ მაქსიმალური წვლილი შევიტანო უნივერსიტეტის განვითარებაში.

სიმაღლურად ყველაფერი უნდა გაკეთდეს, რომ ფინანსურადც იყოს უზრუნველყოფილი უნივერსიტეტის განვითარება.

— **აკადემიურ კონკურსებთან დაკავშირებით პრობლემას წარმოადგენს ახალი კვალიფიციური კადრების მოზიდვა. რას ფიქრობთ ამ მიმართულებით? ადრე თქვენც შეგეხებოთ ეს თემა, როცა ასოცირებული პროფესორი ვერ გახდით...**

— თსუ-ში რესურსი არის, მაგრამ, სამწუხაროდ, თითქოს ხელოვნურად ბარიერი შექმნილი ახალი კვალიფიციური კადრების მოზიდვისთვის წრეა თითქოს, ჩაკეტილი. პროფესორ-მასწავლებლების კვალიფიკაციის პრობლემა ნამდვილად დგას თსუ-ში, ეს იურიდიული ფაკულტეტის მაგალითზე შემიძლია გითხრა. ამ მიმართულებითაც საჭიროა გარკვეული ხედვის ჩამოყალიბება და ქმედებები, რათა აბსოლუტურად გამჭვირვალედ და სამართლიანად ჩატარდეს კონკურსები.



— **უნივერსიტეტი გეგმავს კურსდამთავრებულთა ასოციაციის და ფონდის შექმნას. როგორც უნივერსიტეტის წარმატებული კურსდამთავრებული და პროფესორი, საკუთარ თავს რა როლს მიანიჭებთ და რას გააკეთებთ თქვენი ალმა-მატერისთვის?**

— მზად ვარ, რომ მთელი ენთუზიაზმით ჩავერთო ნებისმიერ აქტივობაში, რაც დაკავშირებული იქნება თსუ-ის განვითარებასთან. უნივერსიტეტი ჩემი პირადი ბიოგრაფიის ნაწილია და, ბუნებრივია, მისადმი განსაკუთრებული დამოკიდებულება მაქვს, არა მხოლოდ მე, არამედ თითოეულ კურსდამთავრებულს. აქედან გამომდინარე, პირადად მზად ვარ, რომ მაქსიმალური წვლილი შევიტანო უნივერსიტეტის განვითარებაში.

— **მიუხედავად იმისა, რომ, როგორც პარლამენტის თავმჯდომარე, პოლიტიკაში დიდი დოზით ერთვებით, თუ აპირებთ უნივერსიტეტში დარჩენას?**

— აუცილებლად! უნივერსიტეტის გარეშე ვეღარც წარმომიდგენია ჩემი ცხოვრება. აქ ვასწავლი 2005 წლიდან და აუცილებლად გავაგრძელებ პედაგოგიურ საქმიანობას.

— **თქვენ ჩვენი გაზეთის რედკოლეგიის წევრი იყავით. რამდენად არის აუცილებელი, რომ გაზეთმა უნივერსიტეტის მემატეიანის როლი ბოლომდე შეასრულოს?**

— უნივერსიტეტის გაზეთის არსებობა ძალიან მნიშვნელოვანია — იგი ინახავს უნივერსიტეტის ისტორიას, მას უჭირავს ხელი უნივერსიტეტის პულსზე და როდესაც მე ვახერხებდი უფრო აქტიურად, ყოველდღიურ რეჟიმში უნივერსიტეტის ცხოვრებაში ჩართულობას, მუდმივად ვეცნობოდი დიდი ინტერესით ამ გაზეთს. მიმაჩნია, რომ მნიშვნელოვან საქმეს აკეთებთ.

ესაუბრა ნინო კაკულია

არჩევნები საპროტესტო აქციის ფონზე

„სუდიტორია 115“-მა საპროტესტო აქცია თსუ-ის სტუდენტური თვითმმართველობის არჩევნების წინა დღეს დაიწყო. 24 ნოემბერს სტუდენტებმა უნივერსიტეტის VI კორპუსი დაიკავეს. მობილიზებული იყო საპატრულო პოლიცია. „აუდიტორია 115“-ის წევრებმა უნივერსიტეტის ადმინისტრაციას, საქართველოს პარლამენტსა და მთავრობას პროტესტის შეწყვეტის წინაპირობად 7 პუნქტიანი მოთხოვნა წაუყენეს:

1. დაუყოვნებლივ დაიწყოს მუშაობა „უმალესი განათლების შესახებ კანონში“ 45-ე მუხლის გასაუქმებლად, რაც გულისხმობს თვითმმართველობის არსებული მოდელის გაუქმებას. შემუშავდეს საფაკულტეტო საბჭოში სტუდენტების არჩევის პირდაპირი წესი.

2. კონსტიტუციაში განისაზღვროს განათლებისა და მეცნიერების დაფინანსების ქვედა ზღვარი მთლიან შიდა პროდუქტთან შეფარდებით.

3. გამოიყოს თანხა უნივერსიტეტის საერთო საცხოვრებლის სრული რეაბილიტაციისთვის.

4. მოვითხოვთ სტუდენტური თვითმმართველობის არჩევნების გაუქმებას. საფაკულტეტო საბჭოს არჩევნები პირდაპირი წესით გაიმართოს მას შემდეგ, რაც მოხდება კანონის ცვლილება.

5. უნივერსიტეტის რექტორმა შეასრულოს წინასაარჩევნო დაპირება და სასწრაფო წესით დაინერგოს უნივერსიტეტში გარე რეფერირების მექანიზმი“, — აღნიშნულია სტუდენტების მიერ გავრცელებულ განცხადებაში.

„უნივერსიტეტში მიმდინარე პროცესებზე პასუხისმგებლობა ეკისრება მმართველ პოლიტიკურ ძალას და უნივერსიტეტის რექტორს. მიმდინარე წლის აპრილის მოვლენების დროს პრემიერ-მინისტრმა კვირიკაშვილმა მოგვცა პირობა, რომ სტუდენტური თვითმმართველობის რეფორმა დაიწყებოდა. თუმცა არჩევნები მაინც ტარდება. მოგვატყუა მმართველმა პოლიტიკურმა ძალამ. სანამ ხელშეახები ცვლილებები არ დაიწყება, თსუ-ის მე-6 კორპუსი დაკავებული გვექნება. შევეცდებით უნივერსიტეტში კრიზისული მდგომარეობა შევქმნათ და მოთხოვნების აქტუალიზაცია დავიწყოთ“, — განაცხადა „აუდიტორია 115“-ის წევრმა გიორგი ჩხლაძემ.

საპროტესტო აქციის დაწყებას გამოეხმაურა თსუ-ის სტუდენტური თვითმმართველობის წინა მოწვევის პრეზიდენტის მოვალეობის შემსრულებელი ბახვა კვირიკაშვილი: „ჩვენ დავანახოსეთ, რომ „აუდიტორია 115“ გეგმავდა კენჭისყრის პროცესის ჩაშლას. მათ ქმედებას შესაბამისი პასუხი უნდა გაეცეს საუნივერსიტეტო საზოგადოების მხრიდან. დაუშვებელია, სტუდენტთა ერთმა გაერთიანებამ მთელი უნივერსიტეტი „მძევლად აიყვანოს“.


25 ნოემბერს „აუდიტორია 115“-ის წევრთა ძალისხმევით თსუ-ის I, II და III კორპუსებში განთავსებულ 9 საარჩევნო უბანზე რამდენიმე საათით კენჭისყრის პროცესი შეწყდა. შექმნილი „დესტაბილიზაციის“ გამო არჩევნების დროებით შეჩერების გადაწყვეტილება საუბნო საარჩევნო კომისიების თავმჯდომარეებმა მიიღეს.

„გვინდა, რომ სტუდენტური თვითმმართველობის იერარქიული სისტემა თანასწორი წარმომადგენლობის სახით ჩავანაცვლოთ. თითოეულ სტუდენტს ექნება საკუთარი თავის წარდგენის შესაძლებლობა. II კორპუსში შესვლა ცოტა ხნით დაცვის წარმომადგენლებმა შეგვიზღუდეს, თუმცა მაინც მოვახერხეთ კენჭისყრის პროცესის შეჩერება“, — აღნიშნა „აუდიტორია 115“-ის წევრმა გიორგი სოფრომაძემ.

II კორპუსის პარალელურად ხმის მიცემის პროცესი შეწყდა III კორპუსში განთავსებულ საარჩევნო უბანშიც, სადაც ფსიქოლოგიისა და განათლების მეცნიერებათა ფაკულტეტის დეკანი თამარ გაგოშიძე გამოვიდა და სტუდენტებს მოლაპარაკების მაგიდასთან გადასაცვლება შესთავაზა. დეკანმა ასევე ისაუბრა თსუ-ის სტრატეგიული განვითარების გეგმით გათვალისწინებული ცვლილებების განხორციელების შესახებ.



მე-6 კორპუსის პიკეტირება
24 ნოემბერი, 2016



„აუდიტორია 115“-ის აქცია
25 ნოემბერი, 2016



თვითმმართველობის არჩევნები
25 ნოემბერი, 2016



საარჩევნო კომისიის პრეზიდენტი
25 ნოემბერი, 2016

„სტრატეგიული განვითარების გეგმა კარგია, მაგრამ ის ეხება მხოლოდ თბილისის სახელმწიფო უნივერსიტეტს. ჩვენ ვითხოვთ მასშტაბურ ცვლილებებს. მაგალითად, პირდაპირი საბიუჯეტო დაფინანსებისა და გარე რეფერირების საკითხები სახელმწიფო წესის გარეშე ვერ მოგვარდება“, — აღნიშნეს „აუდიტორია 115“-ის წარმომადგენლებმა.

საპროტესტო აქციებისა და შეჩერებული საარჩევნო პროცესის მიუხედავად ხმის მიცემა 10%-ზე მეტმა ამომრჩეველმა მოახერხა. შესაბამისად, თსუ-ის სტუდენტური თვითმმართველობის არჩევნების ცენტრალურმა საარჩევნო კომისიამ არჩევნები ლეგიტიმურად ცნო. არჩეულია 140 დელეგატი. მოქმედი კანონით გათვალისწინებული პროცედურების მიხედვით, არჩევნებიდან ერთი კვირის განმავლობაში ცესკო მოინვესტს სტუდენტური თვითმმართველობის პირველ სხდომას, სადაც

აირჩევა პრეზიდენტი, ორი ვიცე-პრეზიდენტი და დაინიშნებიან დეპარტამენტების ხელმძღვანელები.

„ცენტრალური საარჩევნო კომისიის გადაწყვეტილებით, სტუდენტური თვითმმართველობის არჩევნები ლეგიტიმურია. 2015 ამომრჩევლიდან საკუთარი პოზიცია 2436 სტუდენტმა დააფიქსირა, რაც კანონით განსაზღვრულ მინიმალურ ზღვარზე მეტია. ჩვენ გვაქვს დრო, რომ მივიღოთ და განვიხილოთ საჩივრები. ამ არჩევნებზე ყველა კანდიდატი დარეგისტრირებული იყო დამოუკიდებელი კანდიდატის სტატუსით.

13 უბნიდან შეუფერხებლად იმუშავა 4-მა, 8 უბანი რამდენიმე საათის განმავლობაში იყო ბლოკირებული. ეს არის გარკვეული ნესების დარღვევა. თსუ-ს აქვს დისციპლინური ნორმები, რომელიც ვრცელდება როგორც თანამშრომლებზე, ასევე სტუდენტებზე. მოსალოდნელია, რომ ზოგიერთი სტუდენტის საკითხი, რომელიც ხელს უშლიდა კენჭისყრის პრო-

ცესს, განიხილოს ეთიკის კომისიამ“, — განაცხადა არჩევნების შემაჯამებელ ბრიფინგზე თსუ-ის სტუდენტური თვითმმართველობის ცენტრალური საარჩევნო კომისიის თავმჯდომარემ დემეტრე ეგნატაშვილმა.

2015 ამომრჩევიდან საკუთარი პოზიცია 2436 სტუდენტმა დააფიქსირა, რაც კანონით განსაზღვრულ მინიმალურ ზღვარზე მეტია.

ცესკო-ს ოფიციალურ გადაწყვეტილებას „აუდიტორია 115“-ის წევრები საპროტესტო ტაშით შეხვდნენ. სტუდენტური მოძრაობის წარმომადგენლებმა საპასუხო ბრიფინგი გამართეს და პარლამენტის განათლების, მეცნიერებისა და კულტურის თავმჯდომარესთან შეხვედრა მოითხოვეს. ასევე, გამოთქვეს ვარაუდი, რომ სტუდენტური თვითმმართველობა ისევე აგრძელებს საქმიანობას, როგორც „ნაციონალური მოძრაობის“ ხელისუფლებაში ყოფნის დროს — პრივილეგიები პარტიული აქტივიზმის სანაცვლოდ.

„ჩვენ ვითხოვთ, რომ ყველა სტუდენტი თანაბარ სასტატუტო პირობებში იყოს, ჰქონდეს თანაბარი წვდომა ფინანსურ თუ სხვა რესურსებზე. ჩვენი პოზიცია ასეთია — არჩევნები არაღლეგიტიმურია. ცოტა ხნით თავი დავანებოთ კანონით გაწერილ ასპექტებს. ჩვენ ვერ ვალიარებთ არჩევნებს ლეგიტიმურად, როდესაც სტუდენტების საერთო რაოდენობა შეადგენს 20 615-ს და აქედან მხოლოდ 10% ცხადდება არჩევნებზე. ჩვენ ვთხოვთ შეხვედრას პარლამენტის განათლების, მეცნიერებისა და კულტურის კომიტეტის თავმჯდომარეს, განათლებისა და მეცნიერების მინისტრს, პრემიერ-მინისტრს — განახორციელონ ყველა დაპირება, რაც მოგვცეს. ტექნიკური მხარე მოგვარებულია, საჭიროა მხოლოდ პოლიტიკური ნება. „აუდიტორია 115“ მხოლოდ თსუ-ზე არ არის ორიენტირებული. ვითხოვთ, დაიწყოს განათლების ფუნდამენტური რეფორმა! ვიბრძვით უკეთესი სოციალური და ეკონომიკური პოლიტიკისთვის. გვინდა, რომ სტუდენტურ საერთო საცხოვრებელში გაუმჯობესდეს საცხოვრებელი პირობები. ჩვენი პოზიცია ურყევია, ვრჩებით მე-6 კორპუსში და უკეთესი განათლებისთვის ბრძოლას ვაგრძელებთ“, — განაცხადა „აუდიტორია 115“-ის წევრმა გიორგი ჩხლაძემ.

სტუდენტური თვითმმართველობის არჩევნების შესახებ საკუთარი პოზიცია დააფიქსირა სოციალურ და პოლიტიკურ მეცნიერებათა ფაკულტეტზე არჩეული დელეგატების იმ ნაწილმა, რომელიც ფაკულტეტის საბჭოს წევრიც გახდა. მათ აღნიშნეს, რომ ითვალისწინებენ სტუდენტთა უმრავლესობის პოზიციას, რომლებმაც საკუთარი არჩევანის დაფიქსირება ვერ შეძლეს და მზად არიან, არჩევნების ხელახლა გამოცხადების შემთხვევაში, კენჭისყრაში მონაწილეობა კიდევ ერთხელ მიიღონ.



„მეექვსე ჩვენი“

ლიალოვის რაჟიში გადასული სტუდენტები

საერთო მოთხოვნები, თუმცა განსხვავებული გამოხატვის ფორმა — ეს ის ძირითადი დილემა იყო, რის გამოც კვირის დასაწყისში თსუ-ის VI კორპუსმა კიდევ ერთხელ მიიპყრო მედიის ყურადღება.

ყველაფერი კი ასე დაიწყო: 24 ნოემბერს საღამოს აუდიტორია 115-ის წარმომადგენლებმა თსუ-ის VI კორპუსი დაიკავეს, რითაც მათ 25 ნოემბერს დანიშნული სტუდენტური თვითმმართველობის არჩევნები გააპროტესტეს.

VI კორპუსის პიკეტირებამ სასწავლო პროცესის შეფერხება გამოიწვია. ადმინისტრაციის გადანაცვლებით, ლექცია-სემინარები, რომლებიც VI კორპუსში უნდა გამართულიყო, სხვადასხვა კორპუსებში გადაიტანეს. ამ ფაქტმა თსუ-ის სოციალურ და პოლიტიკურ მეცნიერებათა ფაკულტეტის ჟურნალისტიკისა და მასობრივი კომუნიკაციის სტუდენტთა ნაწილის უკმაყოფილება და პროტესტი გამოიწვია.

პიკეტირების მე-4 დღეს, 28 ნოემბერს ისინი VI კორპუსის წინ შეიკრიბნენ და „აუდიტორია 115“-ის წევრებს მოლაპარაკების მაგიდასთან დასხდომა სთხოვეს. დიდხინი კამათის შემდეგ შეხვედრის და მოლაპარაკების ადგილად I კორპუსი შეირჩა.

აუდიტორიაში შეკრებილ ორივე მხარეს სიტყვით მიმართა ჟურნალისტიკის მიმართულების ლექტორმა თამარ ბელქანიამ, რომელმაც ყურადღება კონსერვის მნიშვნელობაზე გაამახვილა და ორივე მხარეს სიმშვიდისკენ და კეთილგონიერებისკენ მოუწოდა: „გასაგებია იდეა, რომელსაც ვიზიარებთ



და ვეთანხმებით, თუმცა ამ შემთხვევაში მნიშვნელოვანია კონსენსუსი. იდეას თანახმად გამოხატვის ფორმა, რაც არ უნდა იყოს რადიკალური და არ უნდა არღვევდეს სხვის უფლებებს. აუცილებელია საერთო ენის გა-

მონახვა, რადგან ეს უნივერსიტეტი ჩვენი — ყველასია“, — აღნიშნა მან.

შეხვედრაზე მომავალმა ჟურნალისტიკამ გამოთქვეს მოსაზრება, რომ ისინი სრულად იზიარებენ „აუდიტორიის 115“-ის წევრების მოთხოვნებს, თუმცა არ ეთანხმებიან ისეთ რადიკალურ ქმედებებს, როგორცაა სასწავლო კორპუსის პიკეტირება.

სოციალურ და პოლიტიკურ მეცნიერებათა ფაკულტეტის ჟურნალისტიკის და მასობრივი კომუნიკაციის მიმართულების სტუდენტმა ნინო ტაბალუამ პროტესტის პრინციპულ, მაგრამ არაძალადობრივ ფორმებს დაუჭირა მხარი: „ჩვენ არ ვართ წინააღმდეგნი, რომ უკეთეს გარემოში ვისწავლოთ და ამის საჭიროებას და აუცილებლობას ყველა ვხედავთ, მაგრამ ყველაფერს აქვს თავისი გამოხატვის ფორმა. ის, რომ ჩვენ სასწავლო პროცესში გვეშუქება ხელი, მიუღებელია. ვთავაზობთ მათ, რომ დავდგეთ ერთად, გავერთიანდეთ ერთი იდეის გარშემო, თუმცა, თავის მხრივ, მოხსნან პიკეტი, რომ ხელი არ შეეშალოს სწავლის პროცესს“, — განაცხადა მან.

„აუდიტორია 115“-ის მოთხოვნები იგივეა, რაც გაზაფხულზე იყო — უმაღლესი განათლების ძირეული რეფორმა და უმაღლესი განათლების შესახებ კანონში 45-ე მუხლის გაუქმება. აქციის მონაწილემ, „აუდიტორია 115“-ის წარმომადგენელმა ბექა ბუნიკაშვილმა სახელმწიფოს მხრიდან გამოჩენილ გულგრილობაზე ისაუბრა. მისი განმარტებით, ამგვარი რადიკალური გზებით ისინი ყურადღების მიპყრობას ცდილობენ: „ამ პიკეტის მიზანია ხმა გავაგროთ სახელმწიფოს და გავაგებინოთ, რომ უკეთესი განათლება გვჭირდება. პროტესტი გაგრძელდება მანამ, სანამ არ იქნება კონკრეტული ცვლილება. გასაგებია, რომ იმ მოთხოვნების დაკმაყოფ-

ილებას და რეფორმას საკმაოდ დიდი დრო სჭირდება, თუმცა ჩვენ გვჭირდება კონკრეტულად იმ ნაბიჯების დანახვა, რომელიც დაგვარწმუნებს, რომ ეს სასიკეთო ცვლილებები დაწყებულია“, — აღნიშნა მან.

28 ნოემბერს თსუ-ის ადმინისტრაციამ VI კორპუსის პიკეტირების გამო სტუდენტებს ახალი ცხრილი და სასწავლო აუდიტორიები შესთავაზა, რამაც პროტესტის ახალი ტალღა გამოიწვია. მათ ამჯერად სოც-პოლის დეკანთან და რექტორთან შეხვედრა მოითხოვეს. სტუდენტები აცხადებდნენ, რომ მათ არ შეუძლიათ მალევიდან III ან IV კორპუსებში სირბილი ლექციების შორის, გარდა ამისა, აერიათ უკვე დალაგებული და სამსახურებთან შეთავსებული სასწავლო გრაფიკიც. „ჩვენ არ ვსაუბრობთ ულტიმატუმების ენით. ჩვენ ვართ სტუდენტები და გვსურს სასწავლო პროცესის გაგრძელება ნორმალურ პირობებში, სწორედ ამიტომაც ვითხოვთ შეხვედრას დეკანთან და რექტორთან, რათა გავაპროტესტოთ მალევიში ლექციების გადატანა, რაც პრობლემებს უქმნის სტუდენტების წინასწარ შექმნილ და წვავილულ დალაგებულ გრაფიკს. ეს პროცესი საკმაოდ დიდ დროსთან არის დაკავშირებული“, — განაცხადა IV კურსის სტუდენტმა მარიამ ცისკარიშვილმა.

„მეექვსე“ კვლავ პიკეტირებულია. ტექნიკისა და აუცილებელი პირობების გარეშე დარჩენილი ჟურნალისტიკის მიმართულების სტუდენტებს კი უხდებათ დაელოდონ მოვლენების განვითარებას, რომლის ეპიცენტრშიც ახლა უკვე თავად არიან ჩართულები.

ანა ურუშაძე
სტუდენტი

საკარლამენტო კომიტეტის თავმჯდომარის წინადადება სტუდენტებს კანონში შესატან ცვლილებებზე

საკარლამენტო კომიტეტის განათლების, მეცნიერებისა და კულტურის კომიტეტის თავმჯდომარე მარიამ ჯაში თსუ-ის რექტორს გიორგი შარვაშიძეს, თსუ-ის სტუდენტური თვითმმართველობის წარმომადგენლებსა და „აუდიტორია 115“-ის წევრებს 28 ნოემბერს შეხვდა. შეხვედრის შედეგად შეიქმნა სამუშაო ჯგუფი, რომელიც უმაღლესი განათლების შესახებ კანონში შესატან ცვლილებებს მოამზადებს. ცვლილებები ორი პრინციპის — სტუდენტების თანასწორობის უფლების დაცვისა და საფაკულტეტო საბჭოებში სტუდენტების პირდაპირი წესით არჩევის მიმართულებით განხორციელდება. 5 დეკემბერს სამუშაო ჯგუფის პირველი შეხვედრა გაიმართება. უმაღლეს სასწავლებლებში სტუდენტური წარმომადგენლობის ოპტიმალური ფორმის შესარჩევად იგეგმება მსოფლიოში ნამყვანი უმაღლესი სასწავლებლების გამოცდილების შესწავლა, საერთაშორისო და არასამთავრობო ორგანიზაციების წარმომადგენლების მონაწილეობა. საკარლამენტო განათლების, მეცნიერებისა და კულტურის კომიტეტის თავმჯდომარე მარიამ ჯაში ვარაუდი გამოთქვა, რომ კანონში შესატან ცვლილებებს საკარლამენტო უკვე საგაზაფხულო სესიების დროს წარუდგენენ.



შეხვედრა „აუდიტორია 115“-ის წევრებთან

ერთაშორისო გამოცდილების და სხვადასხვა მოდელების ანალიზის ფონზე წარმართოს, რაც საკანონმდებლო ინიციატივის განხილვის კარგი პრეცედენტი გახდება. მანამდე კი ვთხოვ სტუდენტებს, გავაგრძელოთ კონსტრუქციული რეჟიმში მუშაობა, გარკვეული პაუზა აიღონ ან შეაჩერონ პროტესტი, რათა სტუდენტებს სწავლის შეუფერხებელი გაგრძელების საშუალება მიეცეთ.

აქვე დავამატებ, რომ არაერთი უმნიშვნელოვანესი ნაბიჯი უკვე გადაიდგა თსუ-ის რექტორატის მხრიდან, რომელიც დაკავშირებულია ფინანსური რესურსების მართვის ცვლილებებთან, შემუშავდა განვითარების სტრატეგიის უპრეცედენტო გეგმა, გარე რეფერირების კუთხით უკვე პროგრესული სიახლეებია... ზოგადად, სტუდენტების მხრიდან გაუფრთხილება თხოვნა, რომ არსებულ გადაწყვეტილებებში არ მოიცავდეს მხოლოდ კონკრეტულ უმაღლეს სასწავლებელს და რომ სტუდენტთა უფლებების დასაცავად გარანტიები საკანონმდებლო დონეზე შეიქმნას“, — განაცხადა საკარლამენტო განათლების, მეცნიერებისა და კულტურის კომიტეტის თავმჯდომარე მარიამ ჯაშიამ.

უმაღლესი განათლებისა და მეცნიერების შესახებ კანონში შესატან ცვლილებებზე მუშაობისას დაინტერესებული საზოგადოების წარმომადგენლების, სტუდენტების, ექსპერტების ფართო ჩართულობის გარდა, თსუ-ის რექტორის ინფორმაციით, იგეგმება სტუდენტური რეფერენდუმის ჩატარებაც,

რაც პროცესებში სტუდენტთა მაქსიმალურ ჩართულობას უზრუნველყოფს. გიორგი შარვაშიძემ, ასევე, იმედი გამოთქვა, რომ „აუდიტორია 115“ გადაინაცვლებს კონსტრუქციული მოლაპარაკებების ფორმატში და თსუ-ის მე-6 კორპუსში სასწავლო პროცესი აღდგება.

შეხვედრაზე სერიოზული საკითხები განვიხილეთ სტუდენტურ ჯგუფებთან ერთად. აქ საკამათო საკითხები ნაკლებად არის, პრინციპულ დონეზე ვთანხმდებით — ყველა სტუდენტს უნდა ჰქონდეს თანაბარი უფლებები და შესაძლებლობების რეალიზების თანაბარი საშუალება. რაც შეეხება იმას, თუ რა ფორმით განვახორციელებთ ამას, ეს არის ის საკითხი, რომელიც გაფართოებული კომიტეტის სხდომებზე განიხილება. არ ვსაუბრობთ მხოლოდ ერთ უმაღლეს სასწავლებელზე, საუბარია რეფორმაზე, რომლის განხორციელებაშიც მაქსიმალურად უნდა ჩაერთონ სტუდენტები, საერთაშორისო ორგანიზაციების წარმომადგენლები, სამოქალაქო სექტორი... ეს გახლავთ აუცილებელი და კარგი პრაქტიკა.

ჟურნალისტიკის მიმართულების სტუდენტებს თეორიული ლექციები უტარდებათ სხვა აუდიტორიებში. თუმცა, მე-6 კორპუსში განთავსებულია რამდენიმე აუდიტორია, რომლებიც სპეციალურად პრაქტიკული კურსების შესასწავლად არის აღჭურვილი და იმედა, „აუდიტორია 115“ მოხსნის პიკეტს და ასეთი აუდიტორიების დანიშნულების შე-

საბამისად გამოყენება მალე გახდება შესაძლებელი“, — განაცხადა თსუ-ის რექტორმა გიორგი შარვაშიძემ.

საკარლამენტო განათლების, მეცნიერებისა და კულტურის თავმჯდომარესთან შეხვედრის ორგანიზება 26 ნოემბერს თსუ-ის რექტორისა და „აუდიტორია 115“-ის შეხვედრაზე გადაწყდა. შეხვედრა მე-6 კორპუსში გაიმართა, სადაც სტუდენტები გიორგი შარვაშიძეს უნივერსიტეტში არსებული პრობლემების, საკანონმდებლო ცვლილებების აუცილებლობის შესახებ ესაუბრნენ. თავის მხრივ, თსუ-ის რექტორმა „აუდიტორია 115“-ის წევრებს იმ ცვლილებების შესახებ მიანოდა ინფორმაცია, რომელიც უნივერსიტეტში უკვე დაწყებულია. იგულისხმება აკადემიური კონკურსების ჩატარების ახალი წესი, რომელიც 2017 წლიდან ამოქმედდება და რომელიც პირდაპირ კავშირშია უნივერსიტეტში სწავლების ხარისხის ზრდასთან.

შეთანხმების მიუხედავად, „აუდიტორია 115“-მა თსუ-ის მე-6 კორპუსის დატოვების გადაწყვეტილება არ მიიღო. სტუდენტები პიკეტს მხოლოდ მას შემდეგ მოხსნიან, თუ ცვლილებების განხორციელება რეალურად დაიწყება.

შეხვედრის შედეგები ასეთია: ქალბატონი მარიამ ჯაში ეთანხმება ჩვენს მოსაზრებას იმის შესახებ, რომ საუნივერსიტეტო ფინანსებზე ყველა სტუდენტს თანაბარი წვდომა უნდა ჰქონდეს. 1 იანვრიდან თსუ-ში ყველა სტუდენტს ექნება შესაძლებლობა — საუნივერსიტეტო გრანტი მოიპოვოს ნებისმიერი ტიპის პროექტისთვის. თანხებს ადმინისტრაცია პრივილეგიურულად აღარ გასცემს (ფორმალურად მაინც). კომიტეტის თავმჯდომარე ემხრობა ამ პრინციპის ეროვნულ კანონმდებლობაში ასახვასაც. ასევე, მთელი მსოფლიოს მსგავსად, გვეთანხმება, რომ ფაკულტეტის საბჭოს წევრები სტუდენტებმა თანასწორი მონაწილეობისა და პირდაპირი კენჭისყრის გზით უნდა აირჩიონ. ვთანხმდებით, რომ კანონში ამ მიმართულებითაც ცვლილებები განსახორციელებელი. 5 დეკემბერს გაიმართება საკომიტეტო მოსმენა სტუდენტთა საუნივერსიტეტო პროცესებში მონაწილეობის ფორმებისა და საკანონმდებლო ცვლილებების შესახებ. სხდომაში ყველას, გარეშე პირებსაც ექნებათ მონაწილეობის მიღების უფლება. მთავარი პრობლემა: ქალბატონ მარიამ ჯაში მიანოდა, რომ კომიტეტის ეგიდით უნდა შეიქმნას სამუშაო

მე-5 გვირგვინი



საკარლამენტო კომიტეტის თავმჯდომარის წინადადება სტუდენტებს კანონში შესატან ცვლილებებზე

მეოთხე გვერდიდან

ჯგუფი, რომელიც მოუსმენს ყველას და შე-
ისწავლის საერთაშორისო გამოცდილებას.
სამუშაო ჯგუფის მრავალთვიანი საქმიანო-
ბის შემდეგ არსებობს შანსი, რომ საგაზაფ-
ხულო სესიაზე ცვლილებები შევიდეს კა-
ნონში. დღეს არავინ იცის, ეს ცვლილებები
როგორ იქნება, — აცხადებს „აუდიტორია
115“-ის წევრი ლევან ლორთქიფანიძე.

ამავდროულად, „აუდიტორია 115“ გა-
მორიცხავს თსუ-ის სტუდენტური თვით-
მმართველობის წარმომადგენლებთან თა-
ნამშრომლობას: „საბოლოოდ შევთანხმდით,
რომ 5 დეკემბერს გაიმართება კომიტეტის
ფართო სხდომა „უმალესი განათლების
შესახებ“ კანონში ცვლილებების შეტანის
თაობაზე, რომელიც გაცნობილი ხასიათის
იქნება. განხილვა მოენწყობა საჯაროდ, სა-
დაც ნებისმიერ დაინტერესებულ მხარეს
შეეძლება დასწრება. თუმცა, უშუალოდ
მოლაპარაკებების პროცესი წარმართება
„აუდიტორია 115“-სა და კომიტეტს შორის,
რაც გამორიცხავს ჩვენი და სტუდენტური
თვითმმართველობის თანამშრომლობას“, —
აღნიშნულია „აუდიტორია 115“-ის მიერ გავ-
რცელებულ განცხადებაში.

თსუ-ის სტუდენტური თვითმმართვე-
ლობის წარმომადგენლებმა საკანონმდებლო
ინიციატივების შემუშავებაში მონაწილე-
ობისა და ნებისმიერ დაინტერესებულ მხა-
რესთან თანამშრომლობისთვის მზადყოფნა
გამოთქვეს, თუმცა მიიჩნევენ, რომ ის, რაც
შეიძლება შიდა დებულების დონეზე უკვე გა-
დაწყვეტილია, ხელახალი განსჯის საგანი არ
უნდა გახდეს.

„ჩვენი მიზანია, შევქმნათ უფრო ჯანსაღი
გარემო სტუდენტური ცხოვრებისთვის, რა-
შიც იგულისხმება მეტი საგანმანათლებლო



შეხვედრა სტუდენტური თვითმმართველობის წევრებთან



პროექტი, რითაც შევქმნით მეტ პრაქტიკას,
მეტ გამოცდილებას და გვექნება პროფესი-

ულად განვითარების უკეთესი შესაძლებ-
ლობა. კიდევ ერთხელ აღვნიშნავ, რომ ჩვენ

მზად ვართ ნებისმიერ ადამიანთან საქმიანი
დიალოგისთვის, რომლის მიზანიც იქნება შე-
დეგზე ორიენტირებული სამომავლო საქმი-
ანობა და არა პოპულიზმი. მნიშვნელოვანია
ის, რომ სამუშაო რეჟიმში არ უნდა მოხდეს
იმ საკითხებზე მსჯელობა, რომელიც უკვე
შეცვლილია, მაგ: დაფინანსების თანაბარი
სისტემის დეკლარირების პროცესი, რომე-
ლიც უმოკლეს ვადაში დაიწყებს ფუნქციო-
ნირებას; საფაკულტეტო საბჭოში არჩევის
პირდაპირი წესი, რის საფუძველზეც ჩატარ-
და მე-6 მონვევის სტუდენტური თვითმმარ-
თველობის არჩევნები და სხვა. კარგი იქნება,
თუ გავითვალისწინებთ ერთ მომენტს — რო-
დესაც გვინდა ცვლილება და კონკრეტული
შედეგი შეიძლება უფრო მარტივი გზებით
დადგეს, არ უნდა ვეძებდეთ რთულს გზას,
რათა ძირითად მიზნად გამოჩნდეს საქმე და
არა პოპულიზტური განცხადებები“, — აღ-
ნიშნა ბაგვა კვირიკაშვილმა.

ნათო ოზოლაძე

საჯარო ლექცია



„ხუმრობით სერიოზულზე და სერიოზულზე ხუმრობით“

ილია თავხელიძის საჯარო ლექცია მათემატიკაში

18 ნოემბერს სტუდენტთა ის ნაწილი, რომელსაც მათემატიკისა და მოვლენათა
კანონზომიერებებისადმი განსაკუთრებული ინტერესი აქვს, პირველი კორპუსის
214-ე აუდიტორიაში შეიკრიბა „ხუმრობით სერიოზულზე და სერიოზულზე ხუმ-
რობით სასაუბროდ“, — სწორედ ასე ერქვა საჯარო ლექციას, რომელიც სტუდენტებისთვის
უნივერსიტეტის ზუსტ და საბუნებისმეტყველო მეცნიერებათა ფაკულტეტის ასოცირებ-
ულმა პროფესორმა, ფიზიკა-მათემატიკის დოქტორმა ილია თავხელიძემ წააკითხა.

საჯარო ლექცია თსუ-ის ზუსტ და სა-
ბუნებისმეტყველო მეცნიერებათა ფაკულ-
ტეტის სტუდენტური თვითმმართველობის
განათლებლისა და მეცნიერების დეპარტა-
მენტის ინიციატივით გაიმართა. როგორც
ერთ-ერთი ორგანიზატორი, მიხეილ იაკობი-
ძე ამბობს, მათ შეგებულად შეარჩიეს თსუ-
ის პროფესორი, რადგან საჯარო ლექციების
წასაკითხად, ძირითადად, გარედან იწვევენ
ლექტორებს და ის რესურსები, რაც უნი-
ვერსიტეტს გააჩნია, გამოუყენებელი რჩება:
„გადავწყვიტეთ, რომ სწორედ ეს რესურსი
გამოგვეყენებინა. პირველად პროფესორ
თენგიზ გორდეზიანის ლექცია — „დედამი-
ნის გარდაცვალების კანონზომიერებებიდან პარადოქ-
სებამდე“ ჩატარდა. ჩვენ ვნახეთ, რომ სტუ-
დენტთა ძალიან დიდი ნაწილისთვის ამგვარი
ლექციები საინტერესო აღმოჩნდა და ამი-
ტომ, მეორე ლექციისთვის ასევე ჩვენს პრო-
ფესორს, ილია თავხელიძეს მივმართეთ. მისი
საგანი „მათემატიკის ელემენტები ხელოვ-
ნებასა და ბუნებაში“ ძალიან პოპულარულია
სტუდენტებში და არჩევანიც არ გავგვირვე-
ბია. საუბრებმა „ხუმრობით სერიოზულზე
და სერიოზულზე ხუმრობით“, დიდი დაინტე-
რესება გამოიწვია“, — აღნიშნა მან.

ლექცია ეძღვნებოდა თემას: „მეზიუს-ლი-
სტინგის ზედაპირები და მასულები და მათი
„საოცარი“ გეომეტრიული თვისებები“. ეს
იყო მცდელობა, დემონსტრირება მომხდარი-
ყო ხუმრობით ამ უსერიოზულეს საკითხზე,
რომელსაც პროფესორი ილია თავხელიძე
1999 წლიდან უტრიალებს და, როგორც თა-
ვად ამბობს, „ზოგიერთ შეკითხვაზე პასუხს
პოულობს, ზოგიერთზე — ვერა.“

ზოგადად, ბუნებაში არსებული ფორმე-
ბი ძალზე შთაბეჭდილებით, როგორც სილამა-
ზით, ასევე მრავალფეროვნებით. დღემდე

დაუდგენელია, ეს ფორმები განსაზღვრავენ
მათთან დაკავშირებულ მოვლენებს თუ პი-
რიქით, ისინი წარმოადგენენ რაღაც მოვ-
ლენის „ბუნებრივ“ შედეგს. ამ უაღრესად
საინტერესო და გლობალური ამოცანების
შესწავლას მათემატიკა გეომეტრიული მიდ-
გომებით ახორციელებს.

ლექციაზე დაისვა კითხვა: ერთი ობი-
ექტის სრულად გაჭრის შემდეგ, რამდენ ობი-
ექტს მივიღებთ? მაგალითად, ერთ პურს თუ
სრულად გავჭრით, მივიღებთ პურის ორ ნა-
ჭერს. ასევე — თუ ჩვენ გვაქვს სხეული, რო-
მელიც მარტივად იქმნება ფურცლის ზოლის
(ფირფიტის) გადაკეცვით და შენებებით და
ამ სხეულს შუაზე გავჭრით, მივიღებთ ორ ნა-
წილს. მაგრამ იგივე ფურცლის ერთ მხარეს
თუ ერთხელ გადავატრიალებთ, შევანებებთ
და მიღებულ ფიგურას შუაზე გავჭრით,
უკვე მივიღებთ ერთ, მაგრამ განსხვავებულ
ფორმას. ამის შემდეგ კიდევ ისეთი კითხვა:
რა მოხდება თუ ფურცლის ერთ მხარეს არა
ერთჯერ, არამედ ორჯერ ან სამჯერ გადა-
ვატრიალებთ, შევანებებთ და ისე გავჭრით?
ანუ იწყება რაღაც მოვლენათა ჯაჭვის
შედეგადად, რომელიც საჭიროებს რაღაც კა-
ნონზომიერების პოვნას.

ამ საკითხებზე მუშაობა ახლა არ დანყე-
ბულა. XVII საუკუნის დასაწყისში იოჰან კეპ-
ლერისა და გალილეო გალილეის გამოკვლე-
ვებმა გამოკვეთა ძალზე მნიშვნელოვანი მო-
საზრება, რომ ბუნებრივი ობიექტების მოძ-
რაობის ტრაექტორიის შესწავლა მჭიდრო-
დაა დამოკიდებული „კლასიკური კონუსური
კვეთების“ (მეორე რიგის ნირები) ცოდნაზე.
ეს მოსაზრება კიდევ უფრო გამყარდა სერ
ისააკ ნიუტონის მიერ მსოფლიო მიზიდულო-
ბის კანონის აღმოჩენის შემდეგ. მოვლენის
შესწავლის ნიუტონისეული მიდგომა არსით



ილია თავხელიძე

გეომეტრიული იყო, მაგრამ მოკლე ხანში,
მექანიკასა და სხვა საბუნებისმეტყველო
მეცნიერებებში კვლევისას, დაიწყო ზოგა-
დად მათემატიკური (ალგებრის, ანალიზის,
ალბათობის თეორიის და სხვ.) მეთოდების
ფართოდ გამოყენება და ეს პროცესი დღემ-
დე ძალზე აქტიურად მიმდინარეობს. უნდა
აღინიშნოს, რომ ამ პროცესს ხელი შეუწყო
რენე დეკარტისა და ჰიერ ფერმას მიერ ანა-
ლიზური გეომეტრიის საფუძვლების ჩამოყა-
ლიბებამ, რამაც კიდევ უფრო გააფართოვა
გეომეტრიული მიდგომების გამოყენება და
შესაძლებელი გახდა ანალიზური ფორმე-
ლებით გეომეტრიული ფორმებისა და ობი-
ექტების მოძრაობის ტრაექტორიების ჩანერა.

თუ ცილინდრს სწავლობდა ანტიკური
მეცნიერება პლატონიდან და არისტოტელე-
დან მოყოლებული, ილია თავხელიძისთვის
საინტერესო ტიპის სხეული 1850-იან წლებში
გერმანელი მეცნიერის მეზიუსის მიერ იქნა
აღმოჩენილი. ლექციაზე პროფესორმა თა-
ვხელიძემ სტუდენტებს აუხსნა, როგორ
მივიღო იგი მეცნიერული ინტერესის ობი-
ექტამდე. „ეს ამოცანა — რა მოსდის დრეკად
ფირფიტას, თავიდან დაისვა ქართული მა-
თემატიკური მეცნიერების პატრიარქის, ნი-
კოლოზ მუსხელიშვილის მიერ. შემდეგ უკვე
ილია ვეკუამ შეცვალა ეს ფორმა და განიხი-
ლა ცილინდრი. მისი ფუნდამენტური ნაშრო-

მის დასათაურებაც სწორედ ამას ეხება: „(ცი-
ლინდრული გარსების თეორია“. ხოლო მე ამ
საკითხთან მოვედი მოსკოვის სახელმწიფო
უნივერსიტეტიდან, სადაც ვსწავლობდი დი-
ფერენციალური განტოლებების ყოფა-ქცე-
ვას სხვადასხვა არეობაში. დამაინტერესა —
როგორ იცვლება ამონახსნი გეომეტრიული
ფორმებიდან დამოკიდებულებაში. ანუ ნი-
კოლოზ მუსხელიშვილმა განიხილა დრეკად
ფირფიტა (ზოლი), ილია ვეკუა სწავლობდა
დრეკად ცილინდრს და დაავიწყდა — რა
მოხდება, თუ ცილინდრის ფორმას ამ ახალი
ფორმით შევცვლით. ამ კვლევამ გამიყვანა
უდიდეს ფრანგ მათემატიკოსზე გასპარ მონ-
ჟზე — ეს იყო საფრანგეთის რესპუბლიკის
ერთ-ერთი ფუძემდებელი, გეომეტრი, მისმა
ნაშრომებმა დიდი როლი ითამაშა იმპოში, რომ
ეს ფიგურები — განზოგადებული მეზიუს-
ლისტინგის სხეულები — ჩამოყალიბდა ფორმე-
ლების საშუალებით. ამ სხეულების სეპარა-
ციის, დანაწევრების იდეა სწორედ გასპარ
მონჟიდან წამოვიდა. თუმცა, აღმოჩნდა, რომ
თანამედროვე ანალიზი ამ ფორმის სხეუ-
ლებზე ვერ გადადის და მათზე ანალიზი სხ-
ვაგვარადაა შესაქმნელი, რადგან ამ გეომე-
ტრიულ ფორმებს თავისი შინაგანი თვისება
აღმოაჩნდა. როგორ შემოვიტყუოთ მასზე მა-
თემატიკური ანალიზი, ეს მომავლის საქმეა“, —
განაცხადა მან.

ეს თემა არა მხოლოდ მათემატიკის
კუთხიდანაა აქტუალური. ლექციაზე ით-
ქვა, რომ ამ საკითხების კვლევამ შექმნა
დიდი სამეცნიერო გაერთიანება, რომელიც
ქართველ მეცნიერებთან ერთად ჩართულია
იტალიელი, ბელგიელი, ფრანგი, იაპონელი,
პორტუგალიელი, პოლანდიელი და აზერბაი-
ჯანელი მეცნიერები. მაგალითად, ბელგიე-
ლი მეცნიერი იოჰან ჰილისი, ამ ფორმების
შესწავლასთან ბოტანიკიდან მოვიდა. იგი
დააკვირდა, რომ ყველა მცენარის ჭრილს
აქვს სიმეტრიული სკენ მიდრეკილი ფორმე-
ბი. მან შეძლო ე.წ. სუპერფორმულის და-

84-11 გვირგვინი



ერთი ნაბიჯით ახლოს აფხაზებთან

სიახლეები ქართულ-აფხაზურ სამეცნიერო ურთიერთობებში

სამომდევროდ, მთარგმნელობითი, საგანმანათლებლო, საზოგადოებრივი — თსუ-ის ქართულ-აფხაზურ ურთიერთობათა სამეცნიერო კვლევითი ცენტრში კომპლექსური მუშაობა აფხაზ სპეციალისტებთან ერთად მიმდინარეობს. აფხაზური ენციკლოპედია, რადიო, ბიბლიოთეკა, მუზეუმი... დაგეგმილია პროექტები, რომელიც აფხაზებთან ერთი ნაბიჯით გვაახლოებს. სიახლეებია სტუდენტებისთვისაც — თუ რატომ და როგორ შეიძლება ისწავლონ აფხაზური ენა.

ქართულ-აფხაზურ სამეცნიერო ურთიერთობებში არსებულ სიახლეებზე, ასევე, ხელის შემშლელ თუ ხელშემწყობ ფაქტორებზე თსუ-ის ქართულ-აფხაზურ ურთიერთობათა სამეცნიერო კვლევითი ცენტრის თანამშრომლებს ვესაუბრეთ.

? თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის სამუშაო პროგრამის ფარგლებში დაგეგმილია აფხაზური ენციკლოპედიის შექმნა. ამ დროისთვის რა ეტაპზე იმყოფებით?

ზურაბ შინგალია,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის დირექტორი:

— ჩვენ ახალი პროგრამის განხორციელება დაიწყეთ, რომლის მიზანია აფხაზური ენო-კულტურული სივრცის აღწერა, რაც აფხაზური ენციკლოპედიის შექმნის წინაპირობა გახდება. პროექტს ერთობლივად ახორციელებს თსუ-ის ქართულ-აფხაზურ ურთიერთობათა სამეცნიერო-კვლევითი ცენტრი, არასამთავრობო ორგანიზაცია „ქართულ-აფხაზურ ურთიერთობათა ინსტიტუტი“ და საქართველოს მეცნიერებათა ეროვნული აკადემიის აფხაზური ენისა და კულტურის კომისია. პროგრამაში მონაწილეობის სურვილი აფხაზური მხარის წარმომადგენლებსაც გამოთქვას და შეეთანხმებოდათ, რომ პრინციპზე — 1. თავდაპირველად ვიმუშავებთ ენციკლოპედიური დიქსიონარის, მაგალითად, აფხაზური ფოლკლორის ლექსიკონის გამოცემაზე. 2. იმ შემთხვევაში, თუ რაიმე საკითხთან დაკავშირებით განსხვავებული იქნება, ორივე ვარიანტს დავებჭდავთ, რომლებიც დასაბუთებული იქნება არგუმენტებითა და წყაროებით. აფხაზურ მივლინებით იმყოფებოდნენ ჩვენი თანამშრომლები თუ მოციხე და ესმა კოკოსკერია. მათ გიძიეს მასალები და უკვე წლის ბოლოსთვის გამოსაცემად ვამზადებთ ფოტოალბომს „აფხაზები ერმაკოვის შემოქმედებაში“. ასევე, ვგეგმავთ ლეო შერვაშიძის მიერ შექმნილი აფხაზ თავადაზნაურთა საგვარეულო გერბების ჯერ გამოფენას, შემდეგ კი გამოცემას. იგი გახლდათ საერთაშორისო თავადაზნაურთა საზოგადოების კანცლერი, რომელსაც უფლებას ჰქონდა შექმნა საგვარეულო გერბები, რასაც დიდი ადგილი უკავია მის შემოქმედებაში.

კარგი იქნება, თუ აფხაზური ენო-კულტურული სივრცის აღწერის პროექტზე მეტი მხარდაჭერა იქნება. სასურველია ამ პროგრამაში ქართული ენციკლოპედიის აქტიური მონაწილეობა, მისი მასალებისა და პოტენციალის გამოყენება. სანყენია, რომ მათგან (დირექტორი — პრემიერ-მინისტრის პირადი წარმომადგენელი რუსეთთან ურთიერთობის საკითხებში ზურაბ აბაშიძე) დაინტერესება არ ჩანს. ჩვენი მანძი ვაგრძელებთ მუშაობას, თუმცა მათი აქტიური თანამონაწილეობის შემთხვევაში პროგრამა გაცილებით სწრაფად ამუშავდებოდა.

? თქვენ, ასევე, მართლაც გამოფენებს აფხაზურ თემაზე, გეგმავთ თსუ-ში აფხაზური მუზეუმისა და ბიბლიოთეკის გახსნას. რა ექსპონატები გაქვთ და რა სახის ლიტერატურა იქნება აფხაზური ბიბლიოთეკის წიგნად ფონდში?

ზურაბ შინგალია,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის დირექტორი:

— შეიძლება წელსვე მოვახერხებთ „აფხაზური კუთხის“ დაფუძნებას, რომელიც „აფხაზური ოთახის“ შემდეგ კი აფხაზური მუზეუმის სახეს შეიქმნის. მუშაობა ამ მიმართულებით დაიწყეთ, უკვე

რომელმაც 2008 წელს შეწყვიტა ფუნქციონირება...

ნიმუ ბარკანიშვილი,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის დირექტორის მოადგილე:

— კონფლიქტის რეგულაციის პროცესში ერთ-ერთი მნიშვნელოვანი კომპონენტი საზოგადოების ინფორმირებაა, მათ შორის ენგურს მიღმა დარჩენილი საზოგადოებისაც. ჩვენ გვქონდა აფხაზურენოვანი რადიო და ვიცით, მას რამხელა ძალა აქვს. აფხაზი ხალხი უკვე წლებია იმყოფება რუსული პროპაგანდისტული წინების ქვეშ და ესეც ნათელს ხდის — მედიას რამდენად დიდი როლი აქვს საზოგადოებრივი აზრის ფორმირებაში.

ზურაბ შინგალია,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის დირექტორი:

— რადიო „ჰარა“-მ 2008 წელს ფუნქციონირება შეწყვიტა ობიექტური მიზეზების გამო. „ჰარა“ აფხაზური სიტყვაა და ნიშნავს „ჩვენი“. ახლა აფხაზებში უკვე არსებობს ინტერნეტი და ამჟამად ინტერნეტ-რადიოს გაკეთებას ვაპირებთ. აფხაზურ საზოგადოებას მივანდობთ ობიექტურ ინფორმაციას, რის ნაკლებობასაც ისინი განიცდიან. ეს იდეა მოენონა საქართველოში ევროკავშირის მონიტორინგის წარმომადგენლებს და რადიოსთვის საჭირო ტექნიკის გადმოცემას შეგვპირდნენ. საგარეულოდ, აპარატურას წელსვე მივიღებთ.

? კონფლიქტის კვალი იმყოფება თქვენ ჩაატარებულ ტრენინგ ქართველი ჟურნალისტებისთვის. რომელი მედიასაშუალებების წარმომადგენლებმა მიიღეს მონაწილეობა და როგორ წარიმართა ტრენინგი?

ნიმუ ბარკანიშვილი,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის დირექტორის მოადგილე:

— კონფლიქტის გაშუქებას სჭირდება გარკვეული ცოდნა და გამოცდილება. ქართველი ჟურნალისტები საკმაოდ სერიოზულ შედეგებს უშვებდნენ მოვლენების შეფასებისას. ჩვენ და „საქართველოს რეფორმათა ასოციაციამ“ ერთობლივად გადაწყვიტეთ ტრენინგის ჩატარება, რომელსაც თითქმის ყველა მედიასაშუალებების წარმომადგენელი ესწრებოდა, იყვნენ ბლოგერებიც. თემა გახლდათ — „კონფლიქტი აფხაზებში და მისი ისტორია“. ტრენინგი მსათვის განმავლობაში მიმდინარეობდა. ჟურნალისტებს მივანოდეთ ინფორმაცია ქართულ-აფხაზური კონფლიქტის ისტორიის, აფხაზური ენის, ეთნოსის, ტრადიციების და ა.შ. შესახებ. მზარდი ინტერესის გამო მეორე ტრენინგიც ჩავატარეთ. ტრენინგის მასალები „საქართველოს რეფორმათა ასოციაციის“ ვებ-გვერდზეა განთავსებული.

? თსუ-ის ქართულ-აფხაზურ ურთიერთობათა სამეცნიერო-კვლევითი ცენტრი სავან-მანათლბო საქმიანობასაც ეწევა. რამდენად დიდია ინტერესი აფხაზური ზეპირმეტყველების კურსების მიმართ?

ლეილა აპიკა,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის უფროსი სპეციალისტი:

— აფხაზური ზეპირმეტყველების კურსებზე მიღება წელიწადში ერთხელ ცხადდება. კურსები უფასოა და ნებისმიერ მსურველს შეუძლია დასწრება. მიუხედავად აფხაზური ენის სირთულისა, საზოგადოებაში დიდი დაინტერესებაა. სხვათა შორის აფხაზური ენა საინტერესო აღმოჩნდა განსხვავებული პროფესიის ადამიანებისთვის.



ზურაბ შინგალია



ნიმუ ბარკანიშვილი

ვის. ფილოლოგებისა და ლინგვისტიკის გარდა, დაინტერესდნენ საერთაშორისო ურთიერთობებისა და ინფორმაციის მიმართულებით სტუდენტებიც. კურსებისთვის სპეციალურად გამოვეცით აფხაზური ზეპირმეტყველების გაკვეთილები აუდიო ვერსიასთან ერთად. კურსდამთავრებულების ნაწილს კავშირი აქვს აფხაზ თანატოლებთან. რა თქმა უნდა, აფხაზების რეაქცია არაერთგვაროვანია — არის ნეგატიურიც, ნეიტრალურიც, თუმცა, ნებისმიერი ადამიანისთვის სასიამოვნოა, როდესაც მშობლიურ ენაზე ესაუბრები.

აფხაზური ზეპირმეტყველების კურსებთან დაკავშირებით არასამთავრობო ორგანიზაცია „ჩაიხანა“-ს ფარგლებში რუსეთში მათი გიგანტური დოკუმენტური ფილმი „აფხაზური გაკვეთილები“ მოამზადა.

? ცენტრის ფარგლებში რა მთარგმნელობითი სამუშაოები მიმდინარეობს?

ესმა კოკოსკარია,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის უფროსი სპეციალისტი:

— თითქმის ყველა სახელმწიფო უწყების ვებ-გვერდი ქართულ, ინგლისურ და აფხაზურ ენებზე მუშაობს. ჩვენ უზრუნველყოფთ აფხაზურ ენაზე თარგმნას. ასევე, საქართველოს სახალხო დამცველის ვებ-გვერდზე განთავსებულ ინფორმაციასაც აფხაზურ ენაზე ვთარგმნით. პარალელურად მე და ლეილა აპიკა საზოგადოებრივი მაუწყებლის აფხაზურენოვანი „მოამბის“ მთავარი რედაქტორები ვართ.

? საერთაშორისო დონეზე თანამშრომლობის მხრივ რა სიახლეებია?

ლეილა აპიკა,
თსუ-ის ქართულ-აფხაზურ ურთიერთობათა სამეცნიერო-კვლევითი ცენტრის უფროსი სპეციალისტი:

— წელს მოლდოვაში ვიმყოფებოდით მე და ესმა კოკოსკე-

რია, სადაც აფხაზ მწერლებსა და ლინგვისტებს შევხვდით. მივლინება არასამთავრობო ორგანიზაცია „სამოქალაქო ინტეგრაციის და ეროვნებათმორისი ურთიერთობების ცენტრის“ ფარგლებში განხორციელდა. შეხვედრის მიზანი პროექტის — „აფხაზური ენის დაცვა აფხაზების და ქართველების მიერ“ — განხორციელება, რომელიც ორი ნაწილისგან შედგება — აფხაზური ენის კორპუსის შექმნა და ქართული და აფხაზი მწერლების ესეების ორენოვანი კრებულის გამოცემა.

ასევე, ემონანილოვდით სემინარში „კავკასიურ ენათა ლექსიკური და ტიპოლოგიური მრავალფეროვნება“. მოცულობითი მონაცემთა ბაზის კოდირების მეთოდები და მოდელები, რომელიც შევქმენით ლუნდის უნივერსიტეტის ენისა და ლიტერატურის ცენტრსა და მალმოს უნივერსიტეტის ენისა და ლინგვისტიკის (კავკასიათმცოდნეობა) განყოფილებაში გაიმართა. შედეგად შეიქმნა აფხაზური ენის მცირე ბაზა, რომელიც ლუნდის უნივერსიტეტის ვებ-გვერდზეა განთავსებული.

აღსანიშნავია ევროსაბჭოს პროექტი „სინქრონული თარგმანის ტრენინგი სპეციალისტებისთვის თბილისიდან და სოხუმიდან“. აფხაზური ენის 5-მა სპეციალისტმა თბილისიდან და 5-მა სპეციალისტმა სოხუმიდან ამ მიმართულებით კვალიფიკაციის ასამაღლებელი კურსები გავიარეთ. აფხაზური ენის სინქრონული თარგმანის სპეციალისტების მოძიება რთულია, ამიტომ ასეთი სახის პროექტებს დიდი მნიშვნელობა აქვს. ზოგადად, ცდილობთ, ჩვენი მოღვაწეობის არეალი გავაფართოვოთ. სასიამოვნოა, რომ ჩვენი ცენტრის შესახებ იციან და გვიწვევენ მსგავსი პროექტების განხორციელებისას.

მოამზადა
ნატო ოზოლაქაძე



როგორ იქცა ლევილი სამეცნიერო-კულტურულ ცენტრად?

17 ნოემბერს ივანე ჯავახიშვილის სახელობის თბილისის სახელმწიფო უნივერსიტეტმა დიასპორას საკითხებში საქართველოს სახელმწიფო მინისტრის აპარატის ორგანიზებით გამართულ კონფერენციას, „ქართული დიასპორა — დღევანდელი და გამომავალი“ — უმასპინძლა. ფორუმის მუშაობაში მონაწილეობდნენ საქართველოს მთავრობის, დიპლომატიური კორპუსის, საპატრიარქოსა და ქალაქ თბილისის მერიის წარმომადგენლები, უცხოელი სტუმრები.

მანია ტორაძე

კონფერენციის მიზანი იყო საზოგადოების ყურადღების მიპყრობა დიასპორას წინაშე არსებულ პრობლემებზე. ფორუმის მონაწილეებმა სხვადასხვა თემატურ ჯგუფებში ისაუბრეს დიასპორებთან ეფექტურ თანამშრომლობაზე, განათლებისა და მეცნიერების საკითხებისადმი ახალგაზრდობის დამოკიდებულებაზე, სხვადასხვა ქვეყანაში არსებული ქართული საკვირაო სკოლების სტრატეგიულ მნიშვნელობაზე ეროვნული იდენტობის შენარჩუნებისთვის, ქართული ენის სწავლების საკითხებზე უცხოეთში. ფორუმის მონაწილეებმა ასევე იმსჯელეს უცხოეთში მცხოვრებ ქართველ მეცნიერებთან ერთობლივი სამეცნიერო კვლევების მნიშვნელობაზე, საქართველოს საინვესტიციო გარემოსა და დიასპორასთვის ამ გარემოში დამკვიდრების შესაძლებლობებზე.

ფორუმის მონაწილეებს მიესალმნენ თსუ-ის რექტორი გიორგი შარვაშიძე, დიასპორას საკითხებში სახელმწიფო მინისტრი გელა დუმბაძე, საქართველოს საგარეო საქმეთა მინისტრი მიხეილ ჯანელიძე, მიგრაციის საერთაშორისო ორგანიზაციის (IOM) მისიის ხელმძღვანელი საქართველოში პოლიანა დერილოვა და მიგრაციის პოლიტიკის განვითარების საერთაშორისო ცენტრის (ICMPD) წარმომადგენელი საქართველოში ზურაბ ყორღანაშვილი.

თსუ-ის რექტორმა გიორგი შარვაშიძემ ლევილის მამულის საქართველოსათვის გადმოცემაში შეტანილი წვლილისთვის და უნივერსიტეტის წინაშე განუწელი განსაკუთრებული დამსახურებისთვის ივანე ჯავახიშვილის მედლებით სახელმწიფო მინისტრი დიასპორას საკითხებში გელა დუმბაძე და საქართველოს იუსტიციის მინისტრი თეა წულუკიანი დააჯილდოვა.

„მადლიერებით აღვნიშნავ, რომ უნივერსიტეტს რამდენიმე უნიკალური კოლექცია გადმოეცა. მათ შორის, უნდა გამოვყო ბატონი ტიერი ბერიშვილი, რომლის ძალისხმევითაც უნივერსიტეტს გადმოეცა მამამისის, მამია ბერიშვილის არქივი, რომელიც საშუალებას მისცემს ჩვენს დოქტორანტებსა და მკვლევრებს, რომ ღრმად შეისწავლონ ის უახლესი ისტორია, რომელიც გაგვაჩნია. ჩვენ კიდევ ერთი ვალი გვაქვს გადასახდელი ამ ადამიანების წინაშე — ჩვენი მკვლევრები და ისტორიოგრაფები ჩაებმებიან იმ პროცესში, რასაც ჰქვია საბჭოთა ისტორიოგრაფიის კლიშეების მოცილება პირველი რესპუბლიკის მთავრობის წარმომადგენლებისთვის, რითაც აღდგება ისტორიული სამართლიანობა“, — აღნიშნა გიორგი შარვაშიძემ.

განსაკუთრებით საინტერესო იყო ფორუმის ის სექცია, რომელზეც ისაუბრეს ლევილის მამულის საქართველოსთვის გადმოცემაზე და მის მომავალზე.

ლევილი — ქართული კულტურის მცველი

საფრანგეთში, პარიზიდან 26 კილომეტრში მდებარეობს ულამაზესი სოფელი ლევილი-სიურ-ორჟი, იგივე ლევილი.

ეს ადგილი გასული საუკუნის 20-იან წლებში საქართველოს

პირველი რესპუბლიკის დევნილი მთავრობის თავშესაფარი და ძვალთშესალაგი გახდა. აქ ინახებოდა საქართველოდან 1921 წელს გატანილი განძეულობის ნაწილი, მათ შორის ბორჯომის და ლიკანის სასახლეებიდან წაღებული უძველესი სურათები, რომლებიც ამჟამად საქართველოს ხელოვნების მუზეუმშია დაცული, აქ ცხოვრობდა „გრაალის მცველი“ ექვთიმე თაყაიშვილი, აქ დაიდო ბინა ქართულმა სულმა მას შემდეგ, რაც სამშობლოდან გადახვეწილმა და განდევნილმა ადამიანებმა თავშესაფარი ჰპოვეს.

ამ ადგილს თავისი ისტორია აქვს. 1922 წელს პარიზში მყოფმა საქართველოს დევნილმა მთავრობამ საკუთარ სახელზე, მაგრამ სახელმწიფოს სახსრებით, ლევილში მამული შეიძინა და იქ დასახლდა. მამულის ცენტრალურ ადგილას დგას 3 სართულიანი შატო (ციხე-სიმაგრე), სადაც ცხოვრობდნენ ნოე ყორღანია, ნოე რამიშვილი, ქაქუცა ჩოლოყაშვილი, აკაკი ჩხენკელი, ექვთიმე თაყაიშვილი და სხვა გამოჩენილი ქართველები.

ლევილის მამული, მიუხედავად იმისა, რომ საქართველოს სახელმწიფო თანხებით იყო შექმნილი, ძალიან დიდხანს იყო კერძო მფლობელობაში, რადგან, საბჭოთა კავშირი პრეტენზიას აცხადებდა მის მიერ ოკუპირებული რესპუბლიკების კერძო საკუთრებებზე მსოფლიოს მასშტაბით. დევნილმა ხელისუფლებამ, იმის მოლოდინში, რომ ოდესმე საქართველო თავად შეძლებდა საკუთარი ტერიტორიის განკარგვას, მამული გააფორმა, როგორც კერძო საკუთრება, რამაც ეს ტერიტორია გადაარჩინა და საქართველოს შემოუნახა.

ნოე ყორღანიას გარდაცვალების შემდეგ დანარჩენმა მფლობელებმა გადაწყვიტეს, რომ მამული აუცილებლად გადმოეცემოდა საქართველოს მას შემდეგ, რაც საქართველო დამოუკიდებლობას მოიპოვებდა. ამ ფაქტის დამადასტურებლად არსებობს მათი ანდერძიც, რომელსაც ხშირად „სინდისის ანდერძსაც“ უწოდებენ. თავდაპირველად ლევილს 7 მფლობელი ჰყავდა. ბოლო დროს კი იგი 5 ოჯახის მფლობელობაში იყო.

25 წლის წინ დაიწყო მოძრაობა მამულის დასაბრუნებლად. ჩატარდა სადიაგნოსტიკო სამუშაოები, რომელიც საქართველოს მთავრობამ დააფინანსა.

2011 წლის 23 მაისს საზეიმოდ მოეწერა ხელი მემორანდუმს „ლევილის მამულის საქართველოსთვის გადაცემის შესახებ“. ამ მემორანდუმით საქართველოს მთავრობამ ვალდებულება აიღო, რომ ლევილი, როგორც კულტურულ-ისტორიული ცენტრი, უფრო მეტად განავითაროს და არ შეუცვალოს კულტურული ცენტრის დანიშნულება.

2016 წლის 23 სექტემბერს მამული ოფიციალურად გადმოეცა საქართველოს. გადმოცემის აქტს საქართველოს მთავრობის მხრიდან ხელი მოაწერა დიასპორას საკითხებში საქართველოს სახელმწიფო მინისტრმა გელა დუმბაძემ, ხოლო ფრანგული მხარისგან ხელმოწერა იყვნენ საქართველოს დემოკრატიული რესპუბლიკის (1918-1921) მთავრობის წევრთა ოჯახების წარმომადგენლები — ნოე ყორღანიას, ნოე რამიშვილის, აკაკი ჩხენკელის, სამსონ ფირცხალავას,



ლევილის მამული

ეკვანი გეგაჭკორის შთამომავლები. ისტორიული აქტის ხელმოწერის ცერემონიას საქართველოს იუსტიციის მინისტრი თეა წულუკიანი, საქართველოს საგარეო საქმეთა მინისტრის მოადგილე გიგი გვიგაძე, საქართველოს საგანგებო და სრულუფლებიანი ელჩი საფრანგეთის რესპუბლიკაში — ეკატერინე სირაძე-დელონე, საქართველოს საგანგებო და სრულუფლებიანი დესპანი საფრანგეთში — გოჩა ჯავახიშვილი, ქ. ლევილის მერიისა და ქართული დიასპორას წარმომადგენლები ესწრებოდნენ.

გადაწყდა, რომ საფრანგეთის ქართული მინა ხელმისაწვდომი იქნება სტუდენტების, მეცნიერებისა და მკვლევარებისთვის. ამავ ტერიტორიაზე იქნება ბიბლიოთეკა, არქივი და მუზეუმი, რომელიც მომავალ თაობებს 1918-1921 წლების პირველი რესპუბლიკის ისტორიას გააცნობს. აქვე შეიქმნება ქართული აკადემია, რომლის ფარგლებშიც ქართველ მეცნიერებს ექნებათ საშუალება — დაჰყონ იქ გარკვეული დრო.

„მკვლევარებისთვის, სტუდენტებისთვის, მხატვრებისთვის, მუსიკოსებისთვის გამოყოფა განსაზღვრული სივრცე. მათ შორის საცხოვრებელი ოთახები, სადაც შეეძლება, რომ დარჩნენ და იმუშაონ. ამას ექნება ძალიან დიდი მნიშვნელობა საფრანგეთსა და საქართველოს შორის კულტურული, მეცნიერული და სხვა მიმართულებით თანამშრომლობის განვითარებისთვის“, — განაცხადა მამულის გადმოცემის შემდეგ მედიასთან საუბარში საქართველოს პრემიერ-მინისტრმა გიორგი კვიციანიშვილმა.

„ჩვენ იმ დოკუმენტში, რომელსაც ხელი მოვანერეთ, ჩვენ ვერეთ, რომ ლევილში არ იქნება არავინ, გარდა მეცნიერებისა, სტუდენტებისა და ხელოვნებისა, რომლებიც ჩვენ, იცხოვრებენ როტაციის პრინციპით მათთვის გამოყოფილ ოთახებში და იმუშავებენ იმ მდიდარ არქივზე, რომელიც ლევილში ინახება. მის მართვაში კი, საქართველოს მთავრობასთან ერთ-

ად, ჩართული იქნებიან ქართული დიასპორას წარმომადგენლები — ქალბატონი ირენ ციციშვილი და ბატონი ტიერი ბერიშვილი, რომლებმაც დიდი წვლილი შეიტანეს მამულის საქართველოსთვის გამოცემის საქმეში“, — აღნიშნა თეა წულუკიანი, რომელმაც დიასპორას სხვა წარმომადგენლებთან ერთად განსაკუთრებული მადლობა გადაუხადა ლევილის მერს ერიკ ბრევის და საქართველოს საგანგებო და სრულუფლებიანი დესპანს საფრანგეთის რესპუბლიკაში გოჩა ჯავახიშვილს.

ლევილი — ხიდი საქართველოსა და საფრანგეთს შორის

შატო ლევილის გადმოცემას მნიშვნელოვან მოვლენად აფასებენ როგორც ქართული დიასპორას, ასევე დიპლომატიური კორპუსისა და ფრანგული მხარის წარმომადგენლებიც.

ტიარი ბარიშვილი, ქართველ ხალხთან მეგობრობის ფრანგული კულტურის ასოციაციის — „გაუმარჯოს საქართველოს“ — პრეზიდენტი, საზოგადოება „ქართული კერას“ თავმჯდომარის მოადგილე, ლევილის მამულის გადმოცემასთან დაკავშირებით ყველაზე ძველი ხელმოწერი:

— ჯერ კიდევ 90-იან წლებში მამამა გადმოსცა საქართველოს 450 კგ. არქივი, ახლა მე გადმოვეცი უნივერსიტეტს 130 კგ. დარჩენილი არქივი, ეს ძალიან მნიშვნელოვანია, რადგან ამან საშუალება მისცა უნივერსიტეტს გაეხსნა პირველი რესპუბლიკის კვლევითი ცენტრი. ეს არქივები კარგად არის დაცული და ხელმისაწვდომია დაინტერესებული პირებისთვის. ბედნიერი ვარ, რომ გმუშაობ ამ კვლევითი ცენტრის თანამშრომლებთან. მათთან ურთიერთობაში მეც ახალგაზრდა მგონია თავი.



პარიზი, ლევილის მერი:

— ლევილის საქართველოსთვის დაბრუნებას ქართულ-ფრანგული ურთიერთობის გამყარებისთვის გადადგმულ კიდევ ერთ ნაბიჯად მივიჩნევ. ისტორიულმა პიროვნებებმა, რომლებიც 1921 წელს საქართველოდან ლევილში ჩამოვიდნენ, ძალიან მჭიდრო ურთიერთობები დაამყარეს ლევილის მცხოვრებლებთან და ეს ადგილი დღემდე ინახავს მათ ხსოვნას. შატოს დაბრუნებაში, საქართველოს მთავრობასთან ერთად, დიდი წვლილი შეიტანა ლევილის მერიამ და ფრანგულმა მხარემაც. ამ ურთიერთობებიდან გამომდინარე, მივიჩნევ, რომ ლევილი დარჩება როგორც ქართული, ისე ფრანგულ ნაწილად, რაც ამ ორი ქვეყნის ისტორიისთვის მნიშვნელოვანია. აქ დაგეგმილია არაერთი საინტერესო პროექტის განხორციელება, რაშიც ჩვენი სკოლების მოსწავლეები და ფრანგული მხარეც ჩაერთვება. ხაზგასმით უნდა აღვნიშნოთ, რომ ლევილი მოსახლეობისთვის ღიაა და ის ფუნქციას არ შეიცვლის. ჩვენთვის ლევილი არის ხიდი ფრანგებსა და ქართველებს შორის.

გოჩა ჯავახიშვილი, საქართველოს საგანგებო და სრულუფლებიანი დესპანი საფრანგეთის რესპუბლიკაში:

— როგორც იცით, ლევილის მამულის მესვეურთა სურვილი იყო, რომ ის საქართველოს სამსახურში ჩამდგარიყო და მის ცხოვრებაში ჩართული ყოფილიყო თბილისის სახელმწიფო უნივერსიტეტი.

რაც შეეხება უნივერსიტეტს, ვფიქრობთ, რომ გავმართოთ ერთობლივი კონფერენციები და ღონისძიებები, რომლებიც ხელს შეუწყობს არა მხოლოდ ფრანგულ-ქართული ურთიერთობების გამყარებას, არამედ ქართული ისტორიისა და კულტურის პოპულარიზაციას. ჩვენ ვეროპას უნდა ვუთხრათ, რომ დემოკრატია არც გუმინ და არც 90-იან წლებში არ დაგვინყია. გვექონდა პირველი რესპუბლიკა, რომელიც ეყრდნობოდა გარკვეულ ტრადიციებს და მან დატოვა ისეთი მემკვიდრეობა თავისი რეფორმებით, კონსტიტუციით, ინსტიტუტებით, რომელიც დღესაც აქტუალურია ევროპულ დემოკრატიულ კონტრუქტებში, მათ შორის, აგრარული რეფორმა, ქალებისთვის საარჩევნო ხმის უფლების მიცემა, უმცირესობათა საკითხი და ბევრი სხვა.

ფორუმმა — „ქართული დიასპორა — დღევანდელი და გამომწვევები“ — მუშაობა დაასრულა.

იწყება ლევილის რეაბილიტაციის რეალური გზა და ინსტრუქტაჟი ასპარეზო ქართული მეცნიერებისა და კულტურის მოღვაწეებისთვის.



გამოფენა „ლევილ-სიულ-ორჟის ქართული მამული 1922-2016“

თსუ-ში 17 ნოემბერს გამოფენა „ლევილ-სიულ-ორჟის ქართული მამული 1922-2016“ გაიხსნა, რომლის ორგანიზატორია თსუ-ის ბიბლიოთეკის საქართველოს დემოკრატიული რესპუბლიკის შემსწავლელი ცენტრი. ექსპოზიციაზე წარმოდგენილია ბიბლიოთეკაში დაცული დოკუმენტები, რომლებიც ასახავს ლევილის მამულის საქართველოს დემოკრატიული რესპუბლიკის მთავრობის მიერ შესყიდვას, მემკვიდრეობისა და მართვა-გამგებლობის საკითხებს, საქართველოს დემოკრატიული რესპუბლიკის მთავრობის წევრთა წერილებსა და პირად დოკუმენტებს, ფოტოკოლაჟს ლევილის მამულისა და იქ მცხოვრები ქართველი პოლიტიკური ემიგრანტების შესახებ.

თამარ ღაღინი

ფოტოსურათები ჩვენს თვალწინ აცოცხლებს ლევილის მამულის გადმოცემასთან დაკავშირებულ ცერემონიას (2016 წ), აქვეა მამულის დაბრუნებისთვის წარმოებულ მოლაპარაკებებისა და მისი წევრების, ასოციაცია „ქართული კერას“ პრეზიდენტების ფოტოები. ასევე გამოფენილია საქართველოს დემოკრატიული რესპუბლიკის მთავრობის არქივის დაბრუნების ცერემონიის ამსახველი ფოტოები, ლევილში გამართული ღონისძიებების და დღესასწაულების, ლევილის მამულში მცხოვრები პოლიტიკოსთა ოჯახების, ლევილის მამულის მფლობელების ფოტოსურათები.

გამოფენის გახსნაზე თსუ-ის რექტორს გიორგი შარვაშიძეს ასოციაცია „გაუმარჯოს საქართველოს“ (საფრანგეთი) პრეზიდენტმა, „ქართული კერას“ წევრმა ტიერი ბერიშვილმა მამამისის, საქართველოს დემოკრატიული რესპუბლიკის მთავრობის არქივის შემსახველი კომისიის წევრის, მამია ბერიშვილის არქივიდან რამდენიმე უნიკალური დოკუმენტი და ქართული პოლიტიკური ემიგრაციის წარმომადგენლების 70-ზე მეტი ფოტო გადასცა. ტიერი ბერიშვილის თქმით, გადმოცემულ მასალებში, „სოციალ-დემოკრატიული პარტიის საზღვარგარეთის ოფისის“ 1957 წლის ოქმებია წარმოდგენილი. ასევე არის უამრავი ძველი და ახალი ფოტო.

„სულ ცოტა ხნის წინ თბილისის სახელმწიფო უნივერსიტეტის მუზეუმში „პირველი რესპუბლიკის მუზეუმი“ და „პირველი რესპუბლიკის კვლევითი ცენტრი“ გაიხსნა, რომელიც გზას გაუხსნის ქართველ მკვლევრებს საფუძვლიანად შეისწავლონ საქართველოს ისტორიის ურთულესი პერიოდი. ჩემთვის დიდი მნიშვნელობა აქვს დემოკრატიული რესპუბლიკის კვლევით ცენტრთან ურთიერთობას. სწორედ ამ ცენტრის მეშვეობით ითარგმნა ჩემი წიგნი — „1880-1953 წლების ქართული სოციალ-დემოკრატია“, — განაცხადა ტიერი ბერიშვილმა.

„როგორც ლევილის მერი, ჩემი მისიაა, ყველაფერი გავაკეთო, რათა დავეხმარო საქართველოსა და ლევილის ქართულ კერას მათი სურვილის განხორციელებაში, ისე რომ არ დაიკარგოს ფრანგული ისტორიის კვალი“, — განაცხადა ჩვენთან საუბარში ქალაქ ლევილის მერმა ერიკ ბრევემ.

ქართული დიასპორას პრობლემებსა და მათი გადაწყვეტის გზებზე გვესაუბრა მიგრაციის საერთაშორისო ორგანიზაციის (IOM) მისიის ხელმძღვანელი ილიანა დერილოვა, რომელმაც ხაზი გაუსვა საზღვარგარეთ მყოფთა მხარდაჭერის აუცილებლობას, მათი პოტენციალის ეფექტურ გამოყენებას ქვეყნის განვითარების მიმართულებით. „ქართულ ემიგრაციას უფრო მეტად სოციალური ხასიათი აქვს, რისი მიზეზიც გახდა საქართველოში არსებული პოლიტიკური კრიზისი, ეთნოკონფლიქტებით და გარდამავალი ეტაპით გამოწვეული სოციალურ-ეკონომიკური პრობლემები.

დღეისთვის მსოფლიოს ათობით ქვეყანაშია ქართული დიასპორა. უცხოეთში მცხოვრები ქართველების დიდი ნაწილი აქტიურად არის ჩართული მიმდებარე ქვეყნის საზოგადოებრივ და პოლიტიკურ ცხოვრებაში, ამავე დროს, აქტიურ მონაწილეობას ეწევა ქართული კულტურის პროპაგანდისა და განვითარებისთვის, იქმნება კულტურის ცენტრები, აყალიბდებიან ენის შემსწავლელ წრეებს, შემოქმედებით გაერთიანდებიან და ა.შ.



მნიშვნელოვანია მიგრანტული და დიასპორული ორგანიზაციების განვითარების პოტენციალის გამოვლენა, რაც გულისხმობს დიასპორული ორგანიზაციების მიზნობრივ მხარდაჭერას და დაფინანსებას, კონტაქტების დამყარებას იმ ქალაქების და რეგიონების ადგილობრივ ხელისუფლებასთან, სადაც იმყოფებიან საქართველოს მიგრანტები და დიასპორული ორგანიზაციები, რათა მოხერხდეს ამ ორგანიზაციათა მხარდაჭერის ერთობლივი უზრუნველყოფა. უნდა შევიქმნათ რეკომენდაციები, რომელიც გააძლიერებს საზღვარგარეთ მყოფთა მხარდაჭერას და მათი პოტენციალის გამოყენებას ქვეყნის განვითარების საქმეში“, — განაცხადა ილიანა დერილოვამ.

გამოფენა თსუ-ში დიასპორას საკითხებში საქართველოს სახელმწიფო მინისტრის აპარატის მიერ ორგანიზებული კონფერენციის

„ქართული დიასპორა — დღევანდელი და გამოწვევები“ ფარგლებში გაიმართა. ამავე ღონისძიების ეგიდით, უნივერსიტეტის სააქტო დარბაზის ფოიეში აფხაზეთიდან დევნილი მხატვრების: დავით ბაძაღუას, ნუგზარ მგალობლიშვილის, დავით ჭყდიას შემოქმედება გამოიფინა.

„ამ გამოფენით ჩვენ ვადასტურებთ, რომ აფხაზეთი კვლავ ცოცხალია. ჩვენ ვიყავით მეგობრები, ვართ და ვიქნებით! სულ ცოტა ხნის წინ გამოვეცი ორი ალბომი, სადაც ქართველ მხატვრებთან ერთად აფხაზი მხატვრებიც არიან წარმოდგენილი. მართალია, დღეს აფხაზ კოლეგებთან კომუნიკაცია მხოლოდ სოციალური ქსელებით გვაქვს, მაგრამ, იმედა, მომავალში უფრო მჭიდროდ ვითანამშრომლებთ“, — განაცხადა მხატვარმა, საქართველოს პარლამენტის წევრმა ნუგზარ მგალობლიშვილმა.

სამაგისტრო პროგრამა: ევროპული ინტეგრაცია და შრომითი ურთიერთობები

„საქართველოს წარმატებულ ევროინტეგრაციას, შრომითი ურთიერთობების სფეროში უმაღლესი აკადემიური ცოდნის მქონე სპეციალისტთა მომზადებასა და მკვლევარული შრომითი რეზულტატების საერთაშორისო სტანდარტების დანერგვას ემსახურება თბილისის სახელმწიფო უნივერსიტეტის, კავკასიის უნივერსიტეტის და ქართულ-ამერიკული უნივერსიტეტის ერთობლივი სამაგისტრო პროგრამა: ევროპული ინტეგრაცია და შრომითი ურთიერთობები, რომელიც 2013 წლიდან წარმატებით ფუნქციონირებს“, — იმთავითვე 25 ნოემბერს თბილისის სახელმწიფო უნივერსიტეტში გამართულ პროგრამის განახლებაზე პრეზენტაციაზე.

როგორც ღონისძიებაზე აღინიშნა, სამაგისტრო პროგრამა — „ევროპული ინტეგრაცია და შრომითი ურთიერთობები“ ინტერდისციპლინური და ინტერსაუნივერსიტეტო პროგრამაა, რომლის ძირითადი მიმართულებებია: ეკონომიკის პოლიტიკა, დასაქმების პოლიტიკა ევროკავშირში, კეთილდღეობის სახელმწიფო ევროპული მოდელები, შრომითი ურთიერთობები და სოციალური დიალოგი, ევროპის საკანონმდებლო რეგულაციები ადამიანის უფლებათა და შრომით ურთიერთობებში და სხვა.

პროგრამის კოორდინატორის, თსუ-ის სოციალურ და პოლიტიკურ მეცნიერებათა ფაკულტეტის პროფესორის იაგო კაჭკაჭიშვილის ინფორმაციით, ამ უნივერსიტეტებში პროგრამის განხორციელება შესაძლებელი გახდა ევროკომისიის ტემპუს-ტასისის პროგრამის ფინანსური ხელშეწყობით, რომლის პირველი ეტაპი წარმატებით დასრულდა და ხელი მოეწერა ახალ შეთანხმებას.

„ეს პროგრამა უნიკალურია იმიტომ, რომ იგი საქართველოში შრომითი ურთიერთობების თანამედროვე ევროპული

პოლიტიკის დანერგვას უწყობს ხელს, ამასთან, ეს არის ინტერდისციპლინური, და რაც მთავარია, ინტერსაუნივერსიტეტო ერთობლივი პროგრამა, რაც პირველი პრეცედენტია საქართველოში. უნდა ითქვას, რომ პროგრამას აკრედიტაციის, მისი ხარისხის შემოწმების თუ ადმინისტრირების თვალსაზრისით სირთულეებიც ახლავს, მაგრამ ამ პრობლემების მოგვარებისკენ ნაბიჯები უკვე გადაიდგა და იმედი გვაქვს, რომ ამ სამი უნივერსიტეტის თანამშრომლობა მომავალში უფრო ნაყოფიერი გახდება. დღეს, ასევე, მოვანერეთ ხელი მომავალი სამწლიანი თანამშრომლობის შესახებ ახალ ხელშეკრულებას, რომლის თანახმად, თბილისის სახელმწიფო უნივერსიტეტი კავკასიის უნივერსიტეტთან და ქართულ-ამერიკულ უნივერსიტეტთან ერთად ვაღდებულებს იღებს, რომ ამ ურთიერთთანამშრომლობის ხარისხი ინსტიტუციურად გამყარდეს“, — განაცხადა იაგო კაჭკაჭიშვილმა.

განახლებული პროგრამის პრეზენტაციას დაესწრნენ პარტნიორ უნივერსიტეტების წარმომადგენლები და პროგრამის უცხოელი კურატორები, რომლებმაც ერთობლივად დაუჭირეს მხარი ურთიერთთანამშრომლობის გაგრძელებას და საქართველოში შრომის პოლიტიკის ევროპული მოდელების სწორ და თანმიმდევრულ შემუშავებას.

სამაგისტრო პროგრამის მნიშვნელობაზე თავიანთი მოსაზრება სტუდენტებმაც გაავიზიარეს.

ოთარ ბრიგოლია, მაგისტრანტი:

— ჩემთვის ეს პროგრამა წარმატებული აღმოჩნდა, როგორც სწავლის, ასევე დასაქმების კუთხითაც. თბილისის სახელმწიფო უნივერსიტეტში და ბულგარეთის უნივერსიტეტში მიღებული ცოდნა გახდა იმის გარანტი, რომ ამჟამად დასაქმებული ვარ ჯანდაცვის სამინისტროში, შრომის ინსპექციაში, სადაც ჩემი სპეციალობით ვმუშაობ.



მარიამ ოთიაშვილი, ევროპული ინტეგრაციისა და შრომითი ურთიერთობების მაგისტრი:

— საინტერესო იყო სწავლის პროცესი, განსაკუთრებით გამოვყოფდი გაცვლით კომპონენტს — მე ბულგარეთის ეკონომიკის სკოლაში გავიარე სასწავლო კურსი, სადაც მაღალკვალიფიციური სპეციალისტები გვიკითხავდნენ ლექციებს. მნიშვნელოვანია, რომ ამ პროგრამაზე სწავლება ქართულენოვანია და, სხვა მიმართულებებისგან განსხვავებით, ნათარგმნი სახელმძღვანელოებიც გვექონდა, თუმცა, პრეზენტაციები ინგლისურად გავაკეთეთ და კვლევის ნაწილიც ინგლისურად დავწერეთ, კვლევა საქართველოშიც ჩავატარეთ. სწორედ ამ სასწავლო პროგრამის ფარგლებში საქართველოს 5 რეგიონი მოვიარე. ჩემი კვლევა ახალგაზრდობის დასაქმების პრობლემებს ეხებოდა და საინტერესო მასალაც დავაგროვე. ჩემთვის მნიშვნელოვანია, რომ ამ პრობლემაზე დღევანდელ პრეზენტაციაზე ქართულ-ამერიკული უნივერსიტეტის პრეზიდენტმა მაიკლ ქაუგილმაც ისაუბრა. მიხარია, რომ პროექტი გრძელდება და მომავალში სხვა სტუდენტებსაც მიეცემათ საშუალება ამ საინტერესო სამაგისტრო პროგრამაში ჩაერთონ და თავიანთი გამოცდილება პრაქტიკულად განახორციელონ.

შურთსია ბაროშვილი



მორფოლოგიის ინსტიტუტი ხელოვნური გულ-ფილტვის აპარატის გამოყენების იდეაზე მუშაობენ

ინოვაცია

პირველი გვერდიდან

თსუ-ს მორფოლოგიის ინსტიტუტში ხელოვნური გულ-ფილტვის ახალი აპარატი შეიქმნა, რომელიც გულის უეცარი გაჩერების შემთხვევაში ადამიანის ორგანიზმში სისხლის მიმოქცევას უზრუნველყოფს. აპარატის მთავარი უპირატესობა მისი ორიგინალური კონსტრუქციის სისხლის ტუმბოა, რომელიც ვენური სისხტიდან მიღებული სისხლის ჟანგბადით გამდიდრების შემდეგ არტერიულ კალაპოტში გადატანის გულის ფუნქციას ასრულებს. მსოფლიოს მასშტაბით ანალოგიური აპარატების საკმაოდ ბევრი მოდელი არსებობს, თუმცა ჩატარებული ცდების შედეგად დადგინდა, რომ მორფოლოგიის ინსტიტუტში შექმნილ აპარატს უკეთესი მედიკო-ბიოლოგიური მახასიათებლები გააჩნია. მაგალითად, ტუმბოში გავლისას გამოირიცხება სისხლზე ტრავმული ზეგავლენა, ტუმბოს გააჩნია როგორც ვენური, ისე არტერიული სისხლნაკადის წარმოქმნის შესაძლებლობა, რომელთა პარამეტრები ორგანიზმში სისხლის მიმოქცევის ფიზიოლოგიურ მახასიათებლებთან მაქსიმალურად მიახლოებულია. ტუმბოს კონსტრუქციაზე გაცემული საქართველოს პატენტის ავტორები არიან მორფოლოგიის ინსტიტუტის წამყვანი მეცნიერთანამშრომლები, პროფესორები ნოდარ ხოდელი და ზურაბ ჩხაიძე. აღსანიშნავია, რომ საქართველოში ხელოვნური სისხლის, ხელოვნური გულის, ხელოვნური სისხლმიმოქცევის აპარატების შემუშავების პრობლემაზე მუშაობა ჯერ კიდევ საბჭოთა კავშირის პერიოდში მიმდინარეობდა კ. ერისთავის სახელობის ექსპერიმენტული და კლინიკური ქირურგიის ინსტიტუტში. მოსკოვში ამ პრობლემაზე მომუშავე ორ ცენტრთან ერთად ქართველ მეცნიერთა მიღწევები იმდენად შთამბეჭდავი გახლდათ, რომ 1979 წელს ხელოვნური გულის თემატიკით ჩატარებული საბჭოთა კავშირისა და აშშ-ის პირველი სიმპოზიუმში თბილისში გაიმართა. იდეები, რომლებსაც ახლა მორფოლოგიის ინსტიტუტის მეცნიერ-თანამშრომლები ახორციელებენ, სათავეს სწორედ ამ პერიოდიდან იღებს.

ექსპერიმენტული ნიმუში

ორიგინალური ხელოვნური გულ-ფილტვის აპარატის საცდელი ნიმუში შოთა რუსთაველის სამეცნიერო ფონდის საგრანტო დაფინანსებით, 2012-2014 წლებში შეიქმნა. პროექტი პროფესორებმა ნოდარ ხოდელმა და ზურაბ ჩხაიძემ მორფოლოგიის ინსტიტუტის თანამშრომელთა ჯგუფთან ერთად წარადგინეს. აღსანიშნავია, რომ ეს გახლავთ ექსპერიმენტული აპარატი, ანუ მედიკოსებმა იტვირთეს ინჟინერ-მექანიკოსების ფუნქციაც.

„ეს აპარატი ექსპერიმენტული ნიმუშია, რომელსაც სხვადასხვა სახის ცხოველებზე (ბოცრებზე, ძაღლებზე, ცხვრებზე) დაავადებების და მკურნალობის მეთოდების მოდელირებისას ვიყენებთ. ექსპერიმენტის დროს ხდება ცხოველის გულს გაჩერება 10-15 წუთამდე, შემდეგ სტანდარტული, სასწრაფო მეთოდით, სპეციალური კანულებით ხორციელდება აპარატის მიერთება ცხოველის გულ-სისხლძარღვთა სისტემასთან და იწყება სისხლის ხელოვნური მიმოქცევა. ამით, გაჩერებული გულის პირობებში, ხელოვნური სისხლმიმოქცევა უზრუნველყოფს სასიცოცხლო ორგანოების (პირველ რიგში თავის ტვინის) სათანადო ენერგოუზრუნველყოფას. ასეთ პირობებში შესაძლებელია გულის მუშაობის სპონტანური აღდგენა. ამ დროისთვის ჩატარებული ექსპერიმენტები ადასტურებს ჩვენს მიერ შემუშავებული ხელოვნური გულ-ფილტვის აპარატის და ხელოვნური სისხლმიმოქცევის უპირატესობებს კლინიკაში საყოველთაოდ მიღებულ, რეანიმაციის სტანდარტულ მეთოდებთან შედარებით“, — განაცხადა პროფესორმა ნოდარ ხოდელმა.

კვლევისთვის მზადება

მორფოლოგიის ინსტიტუტის მეცნიერთა ჯგუფი, ნოდარ ხოდელისა და ზურაბ ჩხაიძის ხელმძღვანელობით, ხელოვნური გულ-ფილტვის აპარატის პრეკლინიკური კვლევებისთვის მზადებას იწყებს. კვლევების შედეგების სარწმუნოების სათანადო დონის მისაღწევად აუცილებელია ექსპერიმენტების უზრუნველყოფა მონაცემთა მონიტორინგის უახლესი ხელსაწყოებითა და საკმაოდ ძვირადღირებული აპარატურით. ამიტომ, დღეს, კვლევების ფინანსური უზრუნველყოფის დაბალი დონე მნიშვნელოვნად აფერხებს პრობლემის კლინიკურ რეალიზაციას. თუმცა, მორფოლოგიის ინსტიტუტის ხელმძღვანელობამ სათანადო აღჭურვილობის ნაწილი უკვე შეიძინა, მაგრამ ეს კვლევების კომპლექსური განხორციელებისთვის მანაც არასაკმარისია. ამავე დროს, პრობლემათა შემუშავებული აპარატის, თანამედროვე სტანდარტების შესაბამისად, ტექნოლოგიური სრულყოფის საკითხიც. მიუხედავად ამისა, მეცნიერები, საქართველოს პირობებში, აპარატის დახვეწას პრეკლინიკური კვლევების დონემდე შესაძლებლად მიიჩნევენ.

რაც შეეხება საქართველოს პატენტის საერთაშორისოდ აღიარებას და შესაბამისი იურიდიული დაცვის უზრუნველყოფას, იგი საკმაოდ მნიშვნელოვან ფინანსურ ხარჯებთან არის დაკავშირებული. „საზღვარგარეთის პატენტის მოპოვება, დაახლოებით, 60-70 ათასი ევრო ჯდება და პროცედურას 3 წელი სჭირდება. ორიგინალური ხელოვნური სისხლმიმოქცევის აპარატის საზღვარგარეთ გატანა და პატენტის



მოპოვება, მცირე დაფინანსების გამო, გაცილებით რთულია, ვიდრე აპარატის მუშაობასთან დაკავშირებული სამეცნიერო იდეების რეალიზაცია, რის გამოც, ეს მიმართულება ჩვენთვის უფრო პრიორიტეტულია. პრობლემურია, აგრეთვე, აპარატის ცოცხალ ორგანიზმებზე გამოცდაც, რადგან ექსპერიმენტული კვლევა სათანადო ზომისა და წონის საცდელი ცხოველებით უზრუნველყოფას მოითხოვს. სამეცნიერო კვლევებში ბიოეთიკური საკითხების აქტუალიზაცია ახალ პრობლემებს ბადებს. ცხოველების შექმნასთან დაკავშირებით ყოველთვის წინააღმდეგობა იქმნება. ეს საკითხი სახელმწიფოს მხრიდან არ რეგულირდება. საერთოდ კი, მეცნიერების ჯერ კიდევ შემორჩენილი კერების შესანარჩუნებლად საჭიროა სახელმწიფოებრივი ხედავ, შესაბამისი მარეგულირებელი და აღმასრულებელი ორგანოების ნება, რომ არსებული მიმართულებები პერმანენტულად ვითარდებოდეს“, — აღნიშნა პროფესორმა ზურაბ ჩხაიძემ.

ახალი განაცხადი

კვლევების გაგრძელებისთვის საჭირო დაფინანსების მოსაპოვებლად მორფოლოგიის ინსტიტუტის მეცნიერ-თანამშრომელთა ჯგუფს შოთა რუსთაველის ეროვნულ სამეცნიერო ფონდში ახალი საგრანტო განაცხადი აქვთ წარდგენილი, რომელიც ეხება ხელოვნური სისხლმიმოქცევის ორიგინალური აპარატის (ტუმბოს) გამოცდას კრიტიკულ სიტუაციებში ორგა-



ნიზმის რეანიმაციის მიზნით (მათ შორის, სავლე პირობებშიც). „უკანასკნელი წლების განმავლობაში, ჩვენი ჯგუფი სწორედ ამ თემატიკაზე მუშაობს. გვაქვს იდეა, რომ შეიქმნას მცირე ზომის მაღალეფექტური, პორტატული, ტრანსპორტაბელური ხელოვნური სისხლმიმოქცევის ხელსაწყო, რომელიც სავლე პირობებშიც უზრუნველყოფს ადამიანის ორგანიზმში სისხლის მიმოქცევას. დღეს, გულის უეცარი გაჩერების დროს, მსოფლიოს უმეტეს ქვეყნებში გამოყენებადი რეანიმაციის სტანდარტული ლონისიდეები – გულის დაზურული მასაჟი, პირით პირში ხელოვნური სუნთქვა და მედიკამენტოზური ინტერვენცია — ოპტიმალური სისხლმიმოქცევის მხოლოდ 5%-ს უზრუნველყოფს. ამიტომ, ასეთი რეანიმაციის შედეგად გადარჩენილთა პროცენტული მაჩვენებელი მხოლოდ 10-15%-ს აღწევს. ხელოვნური სისხლმიმოქცევის აპარატის გამოყენების შემთხვევაში კი ეს მაჩვენებელი 40% და მეტია. იმ შემთხვევებშიც კი, თუ პაციენტის გულის დამოუკიდებელი (სპონტანური) შეკუმშვები ჩატარებული ხელოვნური სისხლმიმოქცევის შედეგად არ აღდგა, ჩვენ ვთავაზობთ ამ პროცედურის განგრძობას (პროლონგირებას) პაციენტის კლინიკაში გადასაცემად. ჩვენ ვთვლით, რომ ექიმების კონსილიუმი კლინიკაში უნდა წყვეტდეს დაზარალებულის თავის ტვინის ფაქტიურ, ფუნქციურ მდგომარეობას. მხოლოდ თავის ტვინის „სიკვდილის“ დადასტურების შემთხვევაში, კონსილიუმში იურისტების და პაციენტის ნათესავების მონაწილეობით შეიძლება გადაწყდეს დაზარალებულის პოტენციური დონორად ცნობა. ამ შემთხვევაში, ხელოვნური სისხლმიმოქცევის აპარატის პროლონგირებული ფუნქციონირება აღნიშნული პროცედურებისთვის დროის მოგებისა და ამ პერიოდში დონორული ორგანოების ადეკვატური სისხლმომარაგების შენარჩუნების საშუალებას იძლევა. საჭირო აღარ იქნება გადანერგვამდე ორგანოთა კონსერვაცია გაყინვის მეთოდებით და მათი ვარგისიანობის ალბათობა გაიზრდება. ვფიქრობთ, რომ ასეთი

მიდგომა ტრანსპლანტოლოგიაში არსებულ პრობლემას მნიშვნელოვანწილად მოაგვარებს, რადგან, დღეისათვის, დონორული ორგანოების რაოდენობა საგრანტობლად ჩამოუვარდება სატრანსპლანტაციოდ მოთხოვნილ ორგანოთა რაოდენობას. ამ შემთხვევაში, არ ვსაუბრობთ საქართველოზე, სადაც დონორული ორგანოების გამოყენების პრობლემა არც საკანონმდებლო და არც მორალურ-ეთიკური თვალსაზრისით გადაწყვეტილი არ არის. ლაპარაკია ამ თვალსაზრისით ცივილურ ქვეყნებზე, რომელთა რიცხვსაც, ჯერჯერობით, არ მივყუთვებით“, — აღნიშნა პროფესორმა ნოდარ ხოდელმა. აპარატის გამოყენებით მიღწეულ ეფექტებს ემყარება კონცეფცია, რომლის თანახმადაც, გულის უეცარი გაჩერების დროს, ეფექტური რეანიმაციის შედეგად გაიზრდება გადარჩენილ პაციენტთა რიცხვი, ხოლო წარუმატებელი რეანიმაციის შემთხვევაში, ხელოვნური სისხლმიმოქცევის პროლონგირების პირობებში, მიიღწევა პოტენციური დონორის ორგანიზმში ორგანოთა სრულყოფილი ჰემოდინამიკური დაცვა, ანუ ოპტიმალური კონსერვაცია ამ ორგანოების გადანერგვამდე. პროფესორების — დიმიტრი კორძაიას, ნოდარ ხოდელის და ზურაბ ჩხაიძის თაოსნობით, ორი წლის წინ ქართულ-ესპანური კვლევითი ჯგუფი შეიქმნა. ჯგუფს ესპანეთის მხრიდან სევილიის საუნივერსიტეტო კლინიკის ქირურგიისა და ტრანსპლანტაციის სამსახურის ხელმძღვანელი, პროფესორი ჰაიკერ პადილო უდგას სათავეში. წინასწარი კვლევების საფუძველზე გამოთქმულია ვარაუდი, რომ ქართველ მეცნიერთა მიერ შეთავაზებული მეთოდის ეფექტიანობა ცნობილი ანალოგების ეფექტიანობას უნდა აღემატებოდეს. პროექტი ევროკავშირის სამეცნიერო გრანტების „ჰორიზონ 2020“-ის კონკურსზე დაფინანსების მოსაპოვებლად 2016 წლის ნოემბრის დასაწყისშია წარდგენილი.



შორეული აღმოსავლეთი: ისტორიულ-კულტურული მემკვიდრეობა და ახალი გამოწვევები

17-18 ნოემბერს თსუ-ში ჰუმანიტარულ მეცნიერებათა ფაკულტეტის აღმოსავლეთმცოდნეობის ინსტიტუტის შორეული აღმოსავლეთის რეგიონმცოდნეობის მიმართულების ინიციატივით II სამეცნიერო კონფერენცია — „შორეული აღმოსავლეთი: ისტორიულ-კულტურული მემკვიდრეობა და ახალი გამოწვევები“ — გაიმართა, რომელზეც თსუ-ის მეცნიერებმა და სტუდენტებმა ამ რეგიონთან დაკავშირებით საკმაოდ საინტერესო თემატიკა წარმოადგინეს.

როგორც კონფერენციის ხელმძღვანელმა, თსუ-ის ჰუმანიტარულ მეცნიერებათა ფაკულტეტის აღმოსავლეთმცოდნეობის ინსტიტუტის შორეული აღმოსავლეთის რეგიონმცოდნეობის მიმართულების ხელმძღვანელმა ნანა გელაშვილმა აღნიშნა, კონფერენციის მიზანია იაპონიის, ჩინეთის, კორეის და აზიის სხვა ქვეყნების ისტორიის, კულტურის, რელიგიის შესწავლა წარსულსა და აწმყოში. ამასთან, საქართველოსა და აზიის სახელმწიფოების ურთიერთობების წარმოჩენა საერთაშორისო სფეროში და ინტერდისციპლინური ურთიერთთანამშრომლობის გაღრმავება. მნიშვნელოვანია, რომ ამ კონფერენციაში მონაწილეობის სურვილი გამოთქვეს საქართველოს სხვადასხვა უნივერსიტეტებში შორეული აღმოსავლეთის რეგიონის საკითხებით დაინტერესებულმა მკვლევრებმა და სტუდენტებმა, რაც ხელს შეუწყობს საქართვე-

ლოში შორეული აღმოსავლეთის რეგიონმცოდნეობის, როგორც დარგის, პოპულარიზაციას. ნანა გელაშვილის თქმით, სამეცნიერო კონფერენციას დიდი მნიშვნელობა აქვს იმ კუთხითაც, რომ აქ წარმოდგენილმა კვლევებმა წარმოაჩინა შორეული აღმოსავლეთის რეგიონის თანამედროვე გლობალურ პროცესებში ჩართულობა. „ჩვენი მიმართულების ინიციატივით სამეცნიერო კონფერენცია თსუ-ში მეორედ გაიმართა და მას უკვე საკმაოდ კარგი რეზონანსი მოჰყვა ჩინეთისა და იაპონიის საელჩოს მხრიდან. აღსანიშნავია, რომ შორეული აღმოსავლეთის რეგიონმცოდნეობის მიმართულება ჩვენს უნივერსიტეტში სრულიად ახალი დარგია და მას განვითარება და ხელშეწყობა სჭირდება. ამ კუთხით უკვე პოზიტიური ნაბიჯებიც გადაიდგა იაპონიის საელჩოსა და თსუ-ის ჰუმანიტარულ მეცნიერებათა ფაკულტეტის ხელმძღვანელობის მხ-



რიდან. მნიშვნელოვანია, რომ შორეული აღმოსავლეთის ქვეყნების უნივერსიტეტების მეცნიერები და მკვლევრები ხშირად სტუმრობენ თბილისის სახელმწიფო უნივერსიტეტს და მასტერკლასებს კითხულობენ, ამასთან, იაპონიისა და ჩინეთის უნივერსიტეტებში სწავლას აგრძელებენ ჩვენი მაგისტრანტები. სწორედ ამ ურთიერთთანამშრომლობის შედეგია დღევანდელი კონფერენციაც“, — აღნიშნა ნანა გელაშვილმა. საქართველო — შორეულ აღ-

მოსავლეთის ურთიერთობების შესახებ საინტერესო ნაშრომები წარმოადგინეს მეცნიერებმა და სტუდენტებმა. მათ შორის მნიშვნელოვანი იყო თსუ-ის პროფესორის ნიკო ჯავახიშვილის მოხსენება: „იაპონია ქართველ მოღვაწეთა ნააზრევში“, სადაც ავტორი საქართველოსა და იაპონიის ურთიერთობებზე საუბრობს. საქართველო-იაპონიის ურთიერთობების შესახებ საინტერესო მასალები წარმოადგინა იაპონისტმა თამაზ რურუამ, რომელმაც იაპონურ საბრძოლო

ხელოვნების საიდუმლოებების თაობაზე ისაუბრა. თსუ-ის პროფესორ ნანა გელაშვილის ნაშრომი კი შორეულ აღმოსავლეთში რელიგიათმორის დიალოგის მნიშვნელობას მიეძღვნა. კონფერენციის მონაწილეები დიდი ინტერესით გაეცნენ სოციალურ მეცნიერებათა დოქტორის არჩილ კალანდიასა და ეკონომიკის დოქტორის მარინა დუდუაშვილის მოხსენებებს თანამედროვე აბრეშუმის გზის შესახებ. კონფერენციის მუშაობაში ჩაერთნენ თსუ-ის სტუდენტებიც, რომლებმაც ერთნაირი სტაჟირება გაიარეს ჩინეთის უნივერსიტეტში. დოქტორანტების ვაჟა ქორიძისა და კახაბერ ჭაფოძის ნაშრომები იაპონური საბრძოლო ხელოვნებისა და ცენტრალურ აზიაში ჩინეთის ენერჯეტიკული და ეროვნული უსაფრთხოების ინტერესებს შეეხებოდა. მნიშვნელოვანია, რომ კონფერენციის მოხსენებების თემატიკა საკმაოდ ფართო სპექტრით იყო წარმოდგენილი: ისტორია, პოლიტიკა, განათლება, რელიგია, ლიტერატურა, ხელოვნება, ფილოსოფია, საერთაშორისო ურთიერთობები, ეკონომიკა, სოციალური და გენდერული საკითხები და სხვა.

შურთხია ბაროშვილი

გლობალიზაციის გამოწვევები ეკონომიკასა და ბიზნესში

თბილისის სახელმწიფო უნივერსიტეტის ეკონომიკისა და ბიზნესის ფაკულტეტის ორგანიზებით 11-12 ნოემბერს გაიმართა საერთაშორისო-სამეცნიერო კონფერენცია თემაზე — „გლობალიზაციის გამოწვევები ეკონომიკასა და ბიზნესში“. კონფერენციის მიზანი იყო ეკონომიკისა და ბიზნესის სფეროში ჩატარებული მეცნიერული კვლევების შედეგების და გამოცდილების ურთიერთგაზიარება.

კონფერენციაში მონაწილეობა მიიღო 130-მდე ქართველმა და უცხოელმა მეცნიერ-ეკონომისტმა, მათ შორის 10-მდე სხვადასხვა ქვეყნიდან და უნივერსიტეტის წარმომადგენელმა გერმანიიდან, პოლონეთიდან, რუსეთიდან, ჩეხეთიდან, რუმინეთიდან, ლატვიიდან და სხვ. მუშაობდა 7 სექცია: თეორიული ეკონომიკა, მაკროეკონომიკა, ეკონომეტრიკა — (სექციის ხელმძღვანელი — პროფესორი ელგუჯა მექვაბიძე); მიკროეკონომიკა, რეგიონული ეკონომიკა — (სექციის ხელმძღვანელი — პროფესორი ეთერ ხარაიშვილი); ეკონომიკური და სოციალური სტატისტიკა — (სექციის ხელმძღვანელი — პროფესორი სიმონ გელაშვილი); საერთაშორისო ეკონომიკა, ეკონომიკურ მოძღვრებათა ისტორია, ეკონომიკური პოლიტიკა — (სექციის ხელმძღვანელი — აკადემიკოსი, პროფესორი ავთანდილ სილაგაძე); საერთაშორისო ბიზნესი, მენეჯმენტი, მარკეტინგი, ეკონომიკური ინფორმაციკა — (სექციის ხელმძღვანელი — პროფესორი ნუგზარ თოდუა); ფინანსები, სა-

ბანკო საქმე, ბუღალტრული აღრიცხვა და აუდიტი — (სექციის ხელმძღვანელი: ასოცირებული პროფესორი მიხეილ ჩიკვილაძე); ტურიზმი და არასანარმოო სფერო — (სექციის ხელმძღვანელი — პროფესორი იოსებ ხელაშვილი). პლენარული სხდომა გახსნა ეკონომიკისა და ბიზნესის ფაკულტეტის დეკანმა, პროფესორმა თეიმურაზ ბერიძემ, რომელმაც აღნიშნა, რომ „საქართველო თავისი ეკონომიკური პოტენციალით, ტერიტორიით მცირე ქვეყანაა, ამიტომ საქართველოს პოლიტიკა იმ კუთხით უნდა წარმართოს, რომ თავისი ადგილი ნახოს გლობალურ ეკონომიკურ მასშტაბებში, რაც არც თუ ისე მარტივია“, — აღნიშნა პროფესორმა თეიმურაზ ბერიძემ. მისასალმებელი სიტყვით გამოვიდნენ ასევე ქალაქ თბილისის მერი, პროფესორი დავით ნარმანია, აკადემიკოსები ვლადიმერ პაპავა და ავთანდილ სილაგაძე. თბილისის მერმა, თსუ-ის პროფესორმა დავით ნარმანიამ განაცხადა, მისასალმებელია, საერთაშორისო კონფერენცია

თბილისის სახელმწიფო უნივერსიტეტში ტრადიციულად რომ იქცა. „საკითხები რომელიც ამ კონფერენციაზე გამოდის არა მარტო საქართველოში, მსოფლიოშიც აქტუალურია. ეკონომიკური ამინდი სწრაფად იცვლება, რომელიც გამოწვეულია სხვადასხვა ეკონომიკური ფაქტორებით. ასევე მნიშვნელოვანია ისიც, რომ ეს კონფერენცია გამოცდილების გაცნობისა და ურთიერთგაზიარების საშუალებას გვაძლევს. ჩვენი ქვეყნის ეკონომიკა არის ღია და მსოფლიო ეკონომიკის შემადგენელი ნაწილი. ბუნებრივია, მსოფლიოში მიმდინარე ეკონომიკური პროცესები, თავისებურ გავლენას ახდენს ეკონომიკის განვითარებაზე. გლობალიზაციის გამოწვევებს ადეკვატური რეაგირება და გადაწყვეტა სჭირდება. საქართველო, როგორც სატრანზიტო, ტურისტული, საინვესტიციოდ მიმზიდველი ქვეყანა, ამ ფონზე განსაკუთრებული განხილვის საგანია“, — განაცხადა დავით ნარმანიამ.

თსუ-ის პროფესორმა ავთანდილ სილაგაძემ ხაზგასმით აღნიშნა, რომ თბილისის სახელმწიფო უნივერსიტეტი კვლავაც იქნება ცენტრი ასეთი წარმომადგენლობითი ფორუმების ჩატარებისა, ვინაიდან ეკონომისტების ძირითადი ბირთვი თავს სწორედ უნივერსიტეტის სივრცეში იყრის. „დღეს, როდესაც ასე აქტუალურია ევროკავშირთან ინტეგრაცია და მჭიდრო ურთიერთობების დამყარება, ამ თვალსაზრისით საინტერესო იქნება ქართველი და უცხოელი კოლეგების გამოცდილების, მოსაზრებების, ხედვების გაზიარება“, — აღნიშნა ავთანდილ სილაგაძემ. კონფერენციის პლენარულ სხდომაზე, აკადემიკოსმა ვლადიმერ პაპავამ საინტერესო მოხსენება წარმოადგინა: „რეტროეკონომიკა-ნეკროეკონომიკის გლობალიზაციის ნინაპირია“, სადაც მსმენელებს ნეკროეკონომიკის შესახებ ახალი ხედვა გაცანო. როგორც მომხსენებელ-




მა აღნიშნა, კვლევის მიზანია იყო აეხსნა — თუ რატომ გამოიყენება ბევრ უაღრესად ღარიბი ქვეყნის ეკონომიკაში მოძველებული ტექნოლოგიები. მეცნიერის აზრით, სწორედ ამის შედეგია ის, რომ ყველა ამ ქვეყანას რეტროეკონომიკა აქვს. „ეკონომიკის ზომბიფიცირების პროცესის ტექნოლოგიურ განახლებას უქმნის ბარიერებს. სახელმწიფოს როლი კი ტექნოლოგიური ჩამორჩენილობის დაძლევაში ძალზედ მნიშვნელოვანია“, — აცხადებს იგი და რეტროეკონომიკის შექმნის 5 მნიშვნელოვან ფაქტორს განიხილავს. კონფერენციის პლენარულ სხდომაზე მოხსენებით გამოვიდა თსუ-ის პროფესორი ელგუჯა მექვაბიძე (თემა — „მოდერნიზაციული ავტორიტარიზმის ეკონომიკური მიზანობა: საქართველოს გამოცდილება“). ნაშრომში განხილული იყო მოდერნიზაციის მსოფლიო გამოცდილება, მოდერნიზაციის ეტაპები და ფორმები. რა გავლენას ახდენს გლობალიზაცია საქართველოს საზოგადოებაზე — ამ საკითხის შესახებ ისაუბრა თსუ-ის პროფესორმა ნუგზარ თოდუამ, რომელმაც ცხადყო, რომ საერთო მსოფლიო გლობალური პროცესების გათვალისწინების გარეშე არ არსებობს ეროვნული ეკონომიკის პროგრესი. პლენარულ სხდომაზე მოხსენებებით გამოვიდნენ ასე-

ვე: ბიზნესისა და ეკონომიკის საერთაშორისო აკადემიის (IABE) ვიცე-პრეზიდენტი, პროფესორი გავრილტეა დან მაროუსი, (თემა — „საავიაციო რისკები და ტერორიზმი“), პოლონეთის საზღვაო აკადემიის პროფესორი იგორ არეფიევი, (თემა — „საინფორმაციო საზოგადოების განვითარებისა და შეფასების მეთოდები რისკების პირობებში“), ციტაუ-გორლიცის გამოყენებითი მეცნიერებების უნივერსიტეტის პროფესორი მათიას ფოგტი (თემა — „როდის დაიწყო გლობალიზაცია?“). მომხსენებლებმა განიხილეს მიმდინარე ეკონომიკური საკითხები, გლობალური ეკონომიკის გამოწვევები, ეკონომიკის განვითარების ძირითადი ტენდენციები. კონფერენცია, პრაქტიკულად, ყველა იმ საკითხს მოიცავდა, რაც კი აქტუალურია ეკონომიკაში ბოლო პერიოდში. პლენარული სხდომის შემდეგ კონფერენციის მონაწილეებმა მუშაობა სექციებში განაგრძეს. კონფერენციის მთავარი მიზანი — მომხდარიყო ეკონომიკისა და ბიზნესის სფეროში ჩატარებული მეცნიერული კვლევების შედეგებისა და გამოცდილების ურთიერთგაზიარება, მიღწეული იქნა. კონფერენციაზე წარმოდგენილი მასალების მიხედვით მომზადდა და გამოიცა სამეცნიერო კრებული.

თამარ ღაღაიანი



საინჟინერო კრებული „თედო ნინიძე — 65“



ნიერს, რომელმაც მთელი თავისი ცოდნა მიუძღვნა საინჟინერო-ტექნიკური განათლებას, იურისპრუდენციას, მისი კოლეგები მას უძღვნიან კრებულს ნიშნად იმ დამსახურებისა, რომელიც ამ ადამიანმა გააკეთა ქვეყნისა და განათლებისთვის. ბატონი თედო არის სწორედ ასეთი ადამიანი – ძალიან ბევრის, მათ შორის, ჩემი მასწავლებელი და ჩვეულებრივად ვართ იმის მომხრე, თუ როგორ გენერირდება ის ცოდნა, ფილოსოფია და გამოცდილება, რომელიც მას წლების განმავლობაში აქვს დაგროვებული ახალ თაობაში“, – აღნიშნა შესავალ სიტყვაში იურიდიული ფაკულტეტის დეკანმა ირაკლი ბურდულაძემ.



სამართალი, უპირველეს ყოვლისა, კულტურული ფენომენია და ღირებულებათა წესრიგის განსაზღვრაში უდიდეს როლს თამაშობს – ასეთია იურისპრუდენციისა და სამართლის ხედვა პროფესორ თედო ნინიძისთვის და სწორედ ამის მიტანას ცდილობს იგი საკუთარ სტუდენტებამდე. ბატონი თედო იმ ადამიანთა რიცხვს ეკუთვნის, რომლებიც დამოუკიდებელი საქართველოს სათავეებთან იდგნენ და საკუთარი ცოდნითა და გამოცდილებით პირველ აგურებს აწყობდნენ იმ სფეროებში, რომელთა განვითარების გარეშეც წარმოუდგენელია ნებისმიერი სახელმწიფოს შენება. წარსულში ქვეყნის გენერალური პროკურორი, იუსტიციის მინისტრი, იუსტიციის უმაღლესი საბჭოს წევრი, სრულიად უნიკალური აკადემიური განათლებითა და ფართო სამეცნიერო ხედვით – ასეთი გამოცდილებით ზრდიდა და დღემდე ზრდის თედო ნინიძე იმ ადამიანებს, რომელთა პროფესიაც ღირებულებების სამართლიანობასთან შესაბამისობაში მოყვანა, ამ ყველაფრის კანონში გადატანა და შემდეგ ამ კანონების დაცვა-აღსრულებაა.

კრებულში თავმოყრილია სამართლის საკითხებზე ახალგაზრდა მკვლევრების მიერ სხვადასხვა დროს შექმნილი ნაშრომები და წერილები. კრებული იურიდიული ფორმა „ჯეი ენდ თი ქონსალტინგისა“ და „დეკრეტ საქართველოს“ ინიციატივითა და ფინანსური მხარდაჭერით გამოიცა.

„ყველამ ვიცით, რომ საბჭოთა ინერციიდან გამომდინარე, ჩვენში დღემდე არსებობს იურიდიული პრაქტიკისა და თეორიის თანხვედრის პრობლემა. ჩვენი სტუდენტებიდან მოყოლებული, ბევრი სახელმძღვანელო შემოიღია გავისხენო, რომელიც პრაქტიკაში აღარ გამოგვდგომა. თავის დროზე შედარებითი სამოქალაქო სამართალი იყო ახალი საგანი, რომლის სწავლებაც თბილისის სახელმწიფო უნივერსიტეტში დაიწყო პირველად და ამ საგნის სალექციო კურსი ბატონ თედოს აყვანილი ჰყავდა ხელოვნების სიმბოლურ მიუხედავად იმისა, რომ ბატონი თედო არასოდეს ყოფილა ადვოკატი, თუმცა კი ნამუშევარი აქვს ყველა უმაღლეს იურიდიულ თანამდებობაზე, ის იძლევა უნიკალურ შესაძლებლობას, რომ ცოდნა, რომელსაც გადასცემს სტუდენტებს, მათ პრაქტიკაში გამოიყენონ“, – აღნიშნა გიორგი ცერცვაძემ, რომელიც კრებულის გამოცემის ერთ-ერთი ინიციატორი, ამჟამად თსუ-ის იურიდიული ფაკულტეტის ასოცირებული პროფესორი და პრაქტიკოსი ადვოკატია.

კრებულის გამოცემის და პრეზენტაციის შესახებ ინფორმაცია ბოლო დღეებამდე საიდუმლოდ ინახებოდა, რადგან,

ზოგადად, ბატონი თედოს დამოკიდებულება მსგავსი ღონისძიებების მიმართ ცნობილია და მისი აზრით, საინჟინერო თარიღებისთვის საქმიანი ადამიანები არ უნდა ცდებოდნენ. თუმცა, ღონისძიების ადრესატი ნამდვილად სასიამოვნოდ გაოცებული დარჩა იმით, რომ მსგავსი მაღალი დონის კრებული გამოიცა, საკუთარ პერსონას კი მხოლოდ ამ გამოცემის ინსპირატორად განიხილავს: „არაჩვეულებრივი ავტორები... მაღალი დონის პოლიგრაფია... მიუხედავად იმისა, რომ ეს მართლაც არის საინჟინერო კრებული, დღეს არც ჩემი იუბილეა და არც ბენეფისი, რადგან შარშან, როცა 65 წელი შემისრულდა, უნივერსიტეტის რექტორმა გადმოცა უნივერსიტეტის მედალი. ჯავახიშვილის უნივერსიტეტის მედალი და ამისთანა კრებული ერთი კაცისთვის საკმარისია დასაფასებლად. თუმცა, მაინც, მიმაჩნია, რომ დიდი არაფერი გამოკეთებია“, – აღნიშნა სიტყვით გამოსვლისას თედო ნინიძემ.


მოკლე და ლაკონური გამოსვლის მიუხედავად, თედო ნინიძემ მისთვის ჩვეული სიღრმით

ისაუბრა სამოქალაქო სამართლის, იგივე ცივილისტიკის განვითარების ისტორიაზე პოსტსაბჭოთა საქართველოში. მისი თქმით, ცივილისტიკა მეორეხარისხოვანი იყო კიდევ ორი ათეული წლის წინ. კერძო, იგივე სამოქალაქო სამართლის დავები თითქმის არ მიმდინარებდა საბჭოთა სისტემაში, სადაც ყველაფრის მესაკუთრე სახელმწიფო იყო. „ის ულამაზესი კონსტრუქციები, რაც ცივილისტიკას აქვს რომის სამართლიდან მოყოლებული დღემდე, სულაც ზედმეტი იყო საბჭოთა კავშირისთვის და უსარგებლო საგანსაც ეძახდნენ. ვიცით, რომ საბჭოთა სამართალი არ აღიარებდა კერძო საკუთრებას და, შესაბამისად, ის იყო საჯარო და სისხლის სამართალზე ორიენტირებული. დრომ და პოლიტიკური სისტემის ცვლამ მოიტანა სამოქალაქო სამართლის განვითარება, რადგან ადამიანის კერძო ცხოვრება გახდა დასაცავი და, საერთოდაც, სამართლის ყველა დარგის მთავარი სუბიექტი არის ადამიანი და მისი კერძო ცხოვრება“, – აღნიშნა ბატონმა თედომ. მისივე თქმით, საქართველომ

ველომ პოსტსაბჭოთა ქვეყნებს შორის ყველაზე ადრე გააკეთა ადეკვატური სვლა და მოძებნა კერძო სამართლის ადგილი სწავლების სისტემაში, რამაც უკვე გამოიღო შედეგი და დღეს ქართული სამოქალაქო სამართალი როგორც პრაქტიკაში, ისე მეცნიერებაში სათანადოდ პასუხობს თანამედროვეობის გამოწვევებს. „როცა ადამიანს შეუძლია მასთან საუბრით გაგხადოს უკეთესი, ეს არის მაქსიმუმი, რაც ადამიანს შეუძლია და ამას იქით აღარ არსებობს სიმაღლე, ძალიან დიდი მადლობა ბატონ თედოს ამ ყველაფრისთვის!“, – ეს ბატონი თედოს ერთ-ერთი ყოფილი სტუდენტის სიტყვებია და ის საუკეთესოდ გამოხატავს ნებისმიერი სწავლების მიზანს და ყველაზე მთავარს პროფესორისა და სტუდენტის, მასწავლებლისა და მოსწავლის ურთიერთობაში და, შესაბამისად, იმ ღვაწლსაც, რომელიც თედო ნინიძეს ქართულ იურიდიულ განათლებაში უდევს.

მომზადდა
ლელა კურდღელაშვილმა

საჯარო ლექცია



„სუმრობით სერიოზულზე და სერიოზულზე სუმრობით“

ილია თავხელიძის საჯარო ლექცია მათემატიკაში

მეხუთე გვერდიდან

წერა, რომელსაც პარამეტრების ცვლილებით შეუძლია ამ ფორმების მიღება. ამ რთული ობიექტების წარმოდგენასა და შესწავლაში ასევე ჩართულია იტალიელი მეცნიერი პაოლო რიჩი. ამ საკითხებთან ახლოსაა ასევე ქართველი მეცნიერი მამანტი როგავა, ცნობილი ექიმი, რომელსაც აქვს იდეა, რომ ადამიანის მთავარი სასიცოცხლო ორგანო – გული, არის არა ცილინდრული კამერა, არამედ მებრუნის ლოგიკით დახვეული მრავალმხრივი გარსული ტიპის რთული სხეული. ერთობლივ სამეცნიერო სამუშაოში საინტერესო კუთხითაა ჩართული ასევე ვილნიუსის უნივერსიტეტის პროფესორი ვილია თარგამაძე,

რომელიც განათლების მეცნიერების მიმართულებით მუშაობს და ინტერესდება, როგორ შეიძლება გამოიყენოს რთული ობიექტების კვლევა პედაგოგიაში პრობლემაზე ორიენტირებული სწავლის მეთოდოლოგიის თვალსაზრისით. ლექციის შემდეგი ნაწილი დაეთმო იმაზე მსჯელობას, თუ რატომ არ თუ ვერ მიდიან უნივერსიტეტის კურსდამთავრებულები სკოლებში მასწავლებლებად? როგორ უნდა მოხერხდეს, რომ, მაგალითად, მათემატიკის მიმართულების კურსდამთავრებული ბანკში კი არა, სკოლაში წავიდეს და მაღალდონეზე ასწავლოს საგანი? დარბაზში გამოითქვა მოსაზრება, რომ აუცილებელია შეიკრიბოს საზოგადოების რაღაც ნაწილი და მიმართოს

სათანადო ორგანოებს, რომ უნივერსიტეტის კურსდამთავრებულებს მიეცეთ მასწავლებლობის უფლება, მანამდე კი ჩაიდოს სასწავლო პროგრამაში ის საგნები, რომელიც მათ ამის უფლებას მისცემს. ლექციის დასასრულს, პროფესორმა ილია თავხელიძემ კმაყოფილება გამოთქვა, რომ სტუდენტებს მოუწიათ საჯარო ლექციის მოსმენა მათემატიკაში: „სიტყვა „მათემატიკოსი“ გახადეს სამიში და საძულველი ტერმინი. მათემატიკოსობა გააიგივეს დიდი რიცხვების შეკრებასთან ან გამრავლებასთან, დიდი რიცხვებიდან ფესვის ამოღებასთან და რთული და გრძელი ფორმულების დამახსოვრებასთან. ეს არის მცდარი წარმოდგენა. ანტიკური

მნიშვნელობით, მათემატიკოსი ნიშნავს ცოდნის მოყვარულს. მართალია, სიახლე ყველას უყვარს, მაგრამ მათემატიკოსი, განსხვავებით ყველასგან, მოვლენათა ჯაჭვში ეძებს კანონზომიერებას. შეიძლება ამ კანონზომიერებამ ზოგჯერ ფიზიკური შინაარსი შეიძინოს. თუ ამ კანონზომიერებას ფორმულის სახე მიეცემა, ამბობენ, რომ მას მიეცა მათემატიკური ფორმულის სახე. ეს საჯარო ლექცია, და ჩემი სიტყვით, მათემატიკოსობა იმას, რომ მოიხსნას სტერეოტიპი მათემატიკის შიშისა. მოგვებზრდა მათემატიკოსებს ასეთი კლიშეები. მათემატიკა უნდა იყოს კვლევების დამხმარე იარაღი და არა მარტო გამოცდების ჩასაბარებელი დამორგუწველი საგანი. ბედნიერი ვარ,

რომ ამ ლექციაზე სხვადასხვა ფაკულტეტის სტუდენტები ინტერესით მისმენდნენ და ჩემთან ერთად მსჯელობდნენ სხვადასხვა საკითხზე“, – აღნიშნა მან. მსგავსი საჯარო ლექციები ზუსტ და საბუნებისმეტყველო მეცნიერებათა ფაკულტეტზე კვლავ გაიმართება, მანამდე კი ილია თავხელიძე ყველა ფაკულტეტის სტუდენტებს იწვევს საგანზე „მათემატიკის ელემენტები ხელოვნებასა და ბუნებაში“ და ჰპირდება, რომ ისე ასწავლის და შეაყვარებს მათ მათემატიკას, რომ არც ერთი ფორმულის დაზეპირება არ დასჭირდებათ.

მანია ტორაძე

მათვის, ვისაც სწორად წერა და მეტყველება სურს

გამოცემა „მართლწერის ლექსიკონი მედიისათვის“

ენა ცოცხალი ორგანიზმია, ლექსიკონი კი ამ ორგანიზმის სიჯანსაღეს უნებობს ხელს, რადგან წლიდან წლამდე ნებისმიერ ენაში მკვიდრდება ახალი სიტყვები და გამოთქმები, რომელთა სწორად წარმოთქმა და წერა დამოკიდებულია იმაზე, თუ რამდენად ყურადღებით ეკიდებიან ადამიანები საკუთარი ენის სინამდისს და რამდენად აქტიურად ადევნებენ თვალს ენაში მიმდინარე ცვლილებებს ენათმეცნიერები. დღეს, იმ ფონზე, როცა ქართველ ტელეჟურნალისტებს მოძალეტული ბარბარისმადობისა და ჟარგონის გამო მეტყველებას სამართლიანად უწუნებენ, ხოლო პრესის ჟურნალისტები ხშირად იმტყვევენ თავს – როგორ დაწერონ სწორად ესა თუ ის უცხოური და ახლად დამკვიდრებული ტერმინი, სწორედ რომ დროული იყო მართლწერის ლექსიკონის შექმნა სპეციალურად მედიის წარმომადგენლებისთვის.

18 ნოემბერს თბილისის წიგნის დღეებზე თსუ-ის გამომცემლობის მიერ გამოცემული წიგნის — „მართლწერის ლექსიკონი მედიისათვის“ — პრეზენტაცია გაიმართა. ლექსიკონი თსუ-ის არნოლდ ჩიქობავას სახელობის ენათმეცნიერების ინსტიტუტის ქართული მეტყველების კულტურის განყოფილებამ სპეციალურად მედიის სფეროში მოღვაწეთათვის მოამზადა იმ შეცდომების (თუ უზუსტობათა) გათვალისწინებით, რომლებიც ყველაზე ტიპობრივი ჩანს მათი ზეპირი თუ წერილი მეტყველებებისას.

წიგნის რედაქტორია თამარ ვაშაძე, კონსულტანტი — აკადემიკოსი ავთანდილ არაბული, რეცენზენტები — გიორგი გოგოლაშვილი და ვაჟა შენგელა. ლექსიკონზე მუშაობდნენ არნოლდ ჩიქობავას სახელობის ენათმეცნიერების ინსტიტუტის ქართული მეტყველების კულტურის განყოფილების წევრები: თეა ბურჭულაძე, მარკა ლაბარტყავა, ვახტანგ მალროძე, თამარ მახარაძე, თეა ტეტელაშვილი და ნინო ჯორბენაძე (პასუხისმგებელი მდივანი). სალექსიკონო მასალის შეგროვებაში მონაწილეობდნენ ასევე ქართულ-ამერიკული უნივერსიტეტის ფილოლოგიის ფაკულტეტის IV კურსის სტუდენტები.

„თანამედროვე ქართული სალიტერატურო ენა, ფაქტობრივად, ყოველდღიურად ივსება უცხო ცნებების აღმნიშვნელი სიტყვებით და გამოთქმებით, ასევე სხვადასხვა დარგისთვის დამახასიათებელი ტერმინოლოგიით, რომელთაგანაც ერთი ნაწილი ბარბარისმადობის წარმოადგენს, ხოლო ნაწილი არასწორად დაწერილი მკვიდრდება. შესაბამისად, არნოლდ ჩიქობავას სახელობის ენათმეცნიერების ინსტიტუტის ქართული მეტყველების კულტურის განყოფილებამ საჭიროდ მიიჩნია აღწერა ახლად გამოვლენილი ენობრივ-სტილისტიკური შეცდომები და ტელე-რადიო ჟურნალისტებისა და ქართული პრესის წარმომადგენელთათვის მოემზადებინა მართლწერის ლექსიკონი, რომელშიც, რა თქმა უნდა, არა მხოლოდ უცხო სიტყვებისა წარმოდგენილი, არამედ სხვა სახის შეცდომებიც“ — განაცხადა წიგნის წარმომადგენელთა თამარ ვაშაძემ.

მისი თქმით, ლექსიკონში ორთოგრაფიულ-გრაფიკული და ხშირად სტილისტიკური შეცდომები მინოდებულია ისე, რომ მომხმარებელს შესაძლებლობა აქვს, საინტერესო სიტყვა იპოვოს არა მხოლოდ სწორი, არამედ უმართლებლო ფორმის მიხედვითაც. მაგალითად, ასო-ბგერა ტ-ზე მოცემულია:

ლია: ტრილარი და არა ტრილირი, ხოლო ასო-ბგერა თ-ზე — ტრილერი კი არა, ტრილერი... ან კიდევ, ასო-ბგერა ტ-ზე: **ტოქ-შოუ და არა ტოქ-შოუ**; ხოლო ასო-ბგერა თ-ზე: თოქ-შოუ კი არა, ტოქ-შოუ;

თუ მართებული და უმართებულო სიტყვების დასაწყისი ასოები ერთმანეთს ემთხვევა და ეს სიტყვები ლექსიკონში ერთმანეთის ახლოს აღმოჩნდებიან, ასეთ შემთხვევაში სალექსიკონო ერთეული წარმოდგენილია მხოლოდ ერთი აკრძალვით. მაგალითად, **სპრტი-ფიკატი და არა სპრტიფიკატი**, სერტიფიცირებული და არა სერტიფიცირებული.

ლექსიკონი სიახლეს წარმოადგენს იმ თვალსაზრისით, რომ მასში პირველად არის გათვალისწინებული ბევრი ახალი ლექსიკონი ერთეული და ტერმინი, რომელთაგანაც ერთი ნაწილი ბარბარისმად არის მიჩნეული. მაგალითად **სანსიტი-ური პი არა, მარკოპოლოზო-ტი, გრანოპოტი, ფაქიზი** (გააჩნია კონტექსტს); **სტაპლარი პი არა – სპირიტუალი; ქსაროქსი პი არა, ასსლადამაქსი; „ბასანოქი“ კი არა – მახი** და ა.შ. ტერმინები, რომლებიც, ფაქტობრივად, უკვე დამკვიდრებულია ენაში, ლექსიკონში წარმოდგენილია შესაბამისი ორთოგრაფიით.



მაგალითად, პენიტენციური და არა პენიტენციული, ინტერაქტიური და არა ინტერაქტიული, ვიზალიზირებული და არა ვიზალიზირებული ერთად და არა დეფისით, როგორც ეს ხშირად წარმოდგენილია პრესაში.

ლექსიკონი ორიგინალურია იმ თვალსაზრისითაც, რომ მასში პირველად შეიცვალა ბევრი სიტყვის დაწერა. მაგალითად, დღემდე მართებულ ფორმად იყო მიჩნეული სიტყვები: არა მარტო, არა უადრეს, არა უგვიანეს, არა უმეტეს (ცალცალკე) და ა.შ. დღეს ეს სიტყვები უკვე ერთ სიტყვას წარმოადგენს და ინერება ერთად: არამარტო, არაუადრეს, არაუგვიანეს, არაუმეტეს და ა.შ.

სიახლეა ისიც, რომ ძალიან ბევრ სიტყვას მოესწა აკრძალვა. მაგალითად, დღემდე ერთადერთ სწორ ფორმად იყო მიჩნეული სიტყვა მინახავხარ (მინახიხარ შეცდომად იყო მიჩნეული). სიტყვას კვადრატულ ფორმებში, პარალელურ ვარიანტად აქვს მიწერილი მინახიხარ; ან კიდევ: შივა გაყვანილობა, რომელსაც ასევე ახლავს პარალელური ფორმა — შიდაგაყვანილობა და სხვ.

ლექსიკონში ასევე გათვალისწინებულია სინტაქსური და სტილისტიკური შეცდომებიც (კონტექსტის მიხედვით). სიახლეა კუმშვა-კვეციის თვალსაზრისითაც.


ზოგჯერ ორმაგი უარყოფის შიშით ჟურნალისტები არასწორ ფრაზებსაც იყენებენ. მაგალითად: არავითარ შემთხვევაში მოვიდა, არაფრის დიდებით დაგვეთანხმება და ა.შ. ამ სახის სიტყვები ლექსიკონში ანბანის მიხედვითაა განლაგებული და მრგვალ ფორმებში აქვს მიწერილი, რომ მოითხოვს ორმაგ უარყოფას (არავითარ შემ-

თხვევაში არ მოვიდა, არაფრის დიდებით არ დაგვეთანხმება და ა.შ.).

ლექსიკონში მოცემულია 18 ათასამდე ერთეული. მათ შორის არის ყველაზე ხშირი შემთხვევები, რაც კი თანამედროვე ჟურნალისტების ენაში დაფიქსირებულია, თუმცა, ეს მეთაფიცი კი არაა იმისა, რა პრობლემებიც არსებობს. ამიტომ მის შესავსებად თსუ-ის არნოლდ ჩიქობავას სახელობის ენათმეცნიერების ინსტიტუტი მუშაობას აგრძელებს. როგორც ლექსიკონის კონსულტანტმა, აკადემიკოსმა ავთანდილ არაბულმა ჩვენთან საუბარში აღნიშნა, უკვე მზადაა და გამოვა ქართული ენის განმარტებითი ლექსიკონის ატლამეული, თუმცა სანამ განმარტებითი ლექსიკონის ბაზა ბოლომდე არ იქნება მიყვანილი, სრული ორთოგრაფიული ლექსიკონის გაკეთება შეუძლებელია.

„ქართულ ენაში ძალიან ბევრი უცხო სიტყვა შემოდის და მკვიდრდება. მაგალითად, ჩვენ უნდა ბარბარისმად მიგვაჩნდა „ტრაქიტი“ და „ტრაქინოქსი“, დღეს კი მას განათლების სპეციალისტებიც კი იყენებენ, მაშინ, როცა ქართულში არსებობს შესატყვისი — **მსომი, მსომიანი...** ასევე დამკვიდრდა სიტყვა — **„პრაქსანტაქსი“**, რაც სხვა არაფერია, თუ არა **წარდგინება** და სხვ. ქართული ენა სიტყვით წარმოებისა და ფორმათწარმოების მხრივ ძალიან მდიდარია და უნდა შევვლოთ, რომ ასე განუკითხავად არ გავავსოთ უცხო სიტყვებით და გამოთქმით“ — აღნიშნა მან.

აქვე ითქვა ისიც, რომ ენის ნორმების დადგენაში თვითშემოქმედება არ შეიძლება. სხვადასხვა ნორმის მომხრე ენათმეცნიერებმა



უნდა მიაღწიონ შეთანხმებას და დადგინდეს მართებული ფორმები, რომ სწორად ვწეროთ და ვიმეტყველოთ.

„ჩვენ გვსურდა სწორედ ჟურნალისტებისთვის გამოგვეცა ეს ლექსიკონი, რადგან ძირითადად მათ უსმენს საზოგადოება. ამიტომ ვფიქრობთ, რომ თუ ჟურნალისტი გამოასწორებს მეტყველებას, ეს საზოგადოებაზეც იმოქმედებს. არნოლდ ჩიქობავას სახელობის ენათმეცნიერების ინსტიტუტი არის ის დაწესებულება, სადაც წლების განმავლობაში მზადდებოდა და ახლაც მზადდება სალიტერატურო ენის ნორმათა პროექტები (ძირითადად ქართული მეტყველების კულტურის განყოფილებაში) და ის გადაწყვეტილება, რომელსაც ენათმეცნიერების ინსტიტუტის სამეცნიერო საბჭო მიიღებს, ყველა დანარჩენი ჯგუფისთვის უნდა იყოს გასათვალისწინებელი. ჩვენ ვხვდებით ჩვენს კოლეგებს, ვმსჯელობთ თითოეულ ტერმინსა და გამოთქმას, საბოლოოდ კი ყველა აზრი განიხილება ინსტიტუტის სამეცნიერო საბჭოზე (რადგან ენის ნორმების დამდგენი კომისია ჯერ არ არსებობს) და ისეთ ვარიანტს ვარჩევთ, რომელიც ყველაზე მისაღებია“ — განაცხადა ლექსიკონის რედაქტორმა თამარ ვაშაძემ.

ენათმეცნიერების ინსტიტუტი განაგრძობს ლექსიკონებზე მუშაობას. აპრილში გამოიცემა ოფიციალურ საქმიან სფეროსთან დაკავშირებული ქართული ენის ლექსიკონი და აბრევიატურითა ლექსიკონი. ლექსიკონები მოემსახურება ყველას, ვისაც სურს სწორად წერა და მეტყველება.

მანა ტორაძე

ივანე ჯავახიშვილის დაბადებიდან 140 წლის იუბილესადმი მიძღვნილი გამოფენა



24 ნოემბერს 12:00 საათზე ივანე ჯავახიშვილის სახელობის თბილისის სახელმწიფო უნივერსიტეტში გაიმართება ივანე ჯავახიშვილის დაბადებიდან 140 წლის იუბილესადმი მიძღვნილი გამოფენა „ივანე ჯავახიშვილის მიერ ევროპული საგანმანათლებლო პრინციპების დანერგვა თბილისის სახელმწიფო უნივერსიტეტში 1918-1926 წლებში“, რომელსაც თსუ რექტორი გიორგი შარვაშიძე, აკადემიური წრეების წარმომადგენლები და სტუდენტები დაესწრებოან.

გამოფენაზე წარმოდგენილი იქნება ხელნაწერთა ეროვნულ ცენტრსა და თბილისის სახელმწიფო უნივერსიტეტის ფონდებში დაცული საარქივო მემკვიდრეობის უაღრესად საინტერესო ნაწილი. ამ მრავალრიცხოვანი ფოლიანტებიდან გამოფენისთვის

შეირჩა ქართული თავისუფალი უნივერსიტეტისა და დამფუძნებელი საზოგადოების კრების ოქმები, თბილისის სახელმწიფო უნივერსიტეტის ადმინისტრაციის ბრძანებები, უნივერსიტეტის ავტონომიის საკითხები, საგანმანათლებლო პროგრამები, სტიპენ-

დიატებთან არსებული მიმონერები, კერძოდ, კი შალვა ცინცაძის, მოსე შანიძის, გიორგი ნანუშვილის, ერეკლე ტატიშვილის, მოსე გოგიბერიძის, ბიძინა რამიშვილის, ნიკოლოზ ქოიავას, სიმონ ყაუხჩიშვილის, გიორგი ნორდინის, ალექსანდრე ჯანელიძის, კოტე ბაქრაძის, ივანე და ალექსანდრე ნიკურაძეების, რაჟდენ ხუციშვილის, ზურაბ ავალიშვილის, სვიმონ ჯანაშიას, გიორგი ნიკოლაძის, ვლადიმერ ემუხვარის, დავით იაშვილის და სხვათა ხელნაწერები, ფოტოები და მემორიალური ნივთები.

ქართული უნივერსიტეტის დაარსება მრავალი საუკუნისა და მრავალი თაობის ოცნების აღსრულება იყო, მაგრამ იგი უპირველესად დიდი ქართველი მეცნიერის, ივანე ჯავახიშვილისა და მის გვერდით მდგომი პატრიოტული სულისკვეთებით განმსჭვალული ახალგაზრდა მეცნიერთა ღვაწლისა და შრომის ნაყოფი გახლდათ.

რუსეთისა და ევროპის უნივერსიტეტებიდან დაბრუნებული ქართველი პროფესორა მშობლიურ უნივერსიტეტში ევროპული

განათლების დანერგვას ცხრაფოდა. ქართული უნივერსიტეტი ერის ინტერესების გამოხატველი უნდა ყოფილიყო. მას ქართული ახალგაზრდობა ეროვნული სულისკვეთებით უნდა აღეზარდა და საერთაშორისო საგანმანათლებლო სტანდარტების შესატყვისი სამეცნიერო-პედაგოგიური კადრებით მოემარაგებინა. ქართველი მოაზროვნე უნივერსიტეტის სასწავლო-სამეცნიერო გეგმის შედგენისას საზღვარგარეთის სამეცნიერო კერებში დადგენილი ტრადიციული განათლების შესატყვისი სასწავლო წესებით ხელმძღვანელობდნენ, რომელთა საუნივერსიტეტო ცხოვრებაში გატარებასაც, ივანე ჯავახიშვილი თავის თანამოაზრეებთან ერთად აქტიურად ცდილობდა. ევროპიდან და რუსეთიდან მის მიერ უნივერსიტეტში მოწვეული იქნენ ცნობილი პროფესორები: ალექსანდრე ნათისონი, რიხარდ ფოგელი, პრელი, მაქს მიულერი, დირრი, მ. დოვგორ-ზაპოლსკი, ჟან ლუი ჟირო, ე. ოეთელი, გუსტავ ჰასე, სტარკოვსკი, ბრიუნი, ი. კრილოვი, ს. პოკროვსკი და სხვანი.



ქალი, ფემინიზაცია და გლობალიზმი

საჯარო ლექსია

გლობალიზმმა და მისმა გამოწვევებმა ჯერჯერობით მხოლოდ ურთულესი შეკითხვები გააჩინა, მთავარი შეკითხვა კი ის არის, გადაფასებს თუ არა ახალი ეპოქა ცივილიზაციის მიერ ამ შეკითხვებზე კაცობრიობის მიერ უკვე გაცემულ პასუხებს?

გლობალიზმსა და მის გამოწვევებს შეეხებოდა ახალგაზრდულ კლუბ „გენერატორ 9.8“-ში კულტურის მკვლევრის, სოციალურ მეცნიერებათა დოქტორის ლელა ფირალიშვილის მიერ წაკითხული საჯარო ლექცია, რომლის სათაურმა — „ფემინიზმი, როგორც გლობალიზაციის ერთ-ერთი მითი“ — ბევრი აღაშფოთა, ბევრი დააბნია, ნაწილი კი, უბრალოდ, დაინტერესა.

„გლობალური ეპოქის პოსტ-კულტურული ვითარება, შესაძლოა, მხოლოდ შემდგენიერად აღწეროს: ტრანსკულტურული, ტრანსესთეტიკური, ტრანსრელიგიური, ტრანსმეცნიერული, ტრანსპერსონალური, ტრანსსექსუალური“, — მიაჩნია ლელა ფირალიშვილს. მისი დაკვირვებით, ყველაფერი ეს შედეგია იმ პროცესისა, რომელიც მოდერნიზმის ეპოქაში დაიწყო: „ღმერთი მოკვდა!“ — თქვა ფრიდრიხ ნიცშემ და ადამიანებმაც დაიჯერეს, რომ ღმერთი აღარ არის და ისინი საკუთარი თავისუფლების პირისპირ აღმოჩნდნენ, რასაც ყველა მანამდე არსებული ტაბუს რღვევა მოჰყვა“, — ამბობს მკვლევარი. საბოლოოდ, მივიღეთ ვითარება, სადაც ყველაფერი

არის ტრანს მდგომარეობაში და აღარ არსებობს ცალსახა და მკაფიო პასუხები ფუნდამენტურ შეკითხვებზე. სამაგიეროდ, არსებობს უკიდველური თავისუფლებები, რომელთაც ყველა უძველესი ტაბუ მოეხსნა.

„ძალზე ძნელია, ამ ყოველივეს კულტურის ახალი პარადიგმა უწოდო, რადგან იგი კულტურის პროტომდგომარეობის ახალ, ანტიკრონოტიკულ აღწერას უფრო ჰგავს“, — ამბობს ლელა ფირალიშვილი. კულტუროლოგი იმ წინაპირობებზე საუბრობს, რომელთაც მოიტანეს ახალი ვითარება, იყენებს სხვადასხვა ხალხების უძველეს მითოლოგიას, სადაც დაიღვწა კულტურის პირველი ნიშნები, პირველი პასუხები მთავარ შეკითხვებზე ყოფნისა და არყოფნის, მამაკაცურისა და ქალურის, ქაოსისა და კოსმოსის, ღმერთისა და ადამიანის ურთიერთდამოკიდებულების შესახებ; მოგვიანებით, უკვე საავტორო ეპოქაში, იმავე შეკითხვებზე კაცობრიობის საუკეთესო ავტორები ცდილობდნენ პასუხების გაცემას, სწორედ ამ ავტორთა აზრების სიმრავლემ და განსხვავებულობამ შექმნა დღევანდელი კულტურა თავისი მრავალფეროვნებით, თუმცა, იგივე განვითარების შედეგია დღევანდელი პროტოვითარება: „ადამიანის შემოქმედებით თავისუფლების მოპოვების წყევლა უძღები შვილის სრული კრახით დამთავრდა. სოციალური ცხოვრების წესი დემოკრატიულ ღირებულებებზე აიგო,

სადაც განმხოლოებისა და ინდივიდუაციის სურვილს ტრანსპერსონალური ღირებულებები ცვლის და სადაც იუნგისული არქეტიპული ფანტომები ახალმა კოლექტიურმა ფანტომებმა: დემოკრატია, კომუნიზმი, კანონმა, კონსტიტუციამ და ა.შ. ჩაანაცვლა. სადაც პერსონა მოქალაქეა და არა ადამიანი, რომელიც უკვე „სოციალური ცხოველია“ და რომელსაც სჯერა, რომ მზამზარეული „კანონთაგონი“ ახალ სამოთხემდე მიიყვანს. ამ სამოთხეში კი „გლობალიზაციის“ სული ტრიალებს — ტრანსპოლიტიკური, ტრანსესთეტიკური, ტრანსსექსუალური, კულტურისა და ყოველგვარი ინტენციისგან განძარცვული. ქალისა და კაცის კულტურის დაძაბულობაში მოქცეული ადამიანის საკრალური ყოფიერებისაგან თავისუფალი, შიშველი ანდროგენის სული“, — ამ მდგომარეობის აღწერის შემდეგ კულტუროლოგი სვამს შეკითხვას უშუალოდ ქალურობის და მამაკაცურობის შესახებ და ცდილობს გაარკვიოს, რა ნიშნებს იძლევა ამასთან დაკავშირებით ახალი ვითარება, რომელშიც ფემინიზაცია, იგივე ქალურის გააქტიურება ამკარავს.

„ფემინიზაციის უმთავრესი ნიშანი „ქალურობისაგან“, ხიზლისაგან, ცდუნების მაგიური უნარისგან ქალის ამოგდებაა. შედეგად, ის იქცევა ტიპურ სოციალურ ცხოველად, რომელიც მხოლოდ სქემებში მოიაზრებს თავს. ამ სქემების აღწერა შეიძლება ასეთი იყოს:



ლელა ფირალიშვილი

1. ქალურობად აღიქმება სექსუალობისაგან დაცლილი, „ბარბის“ მოდელის ლამაზმანი, რომელიც გარეგნული ნიშნებით ცდილობს ქალური სექსუალობის სივრცეში დარჩეს;
2. ლიდერი ქალები — ამ ტიპის ქალები საკუთარი ნებით ამბობენ უარს საკუთარ ქალურობაზე და სოციალური სივრცის ათვისების ხარჯზე ცდილობენ თვითრეალიზაციას. ისინი სოციალურ სტრუქტურებს მამაკაცური ფორმების ხარჯზე ცდილობენ;
3. ე.წ. რეველუციონერი ქალები, რომლებიც ქალთა უფლებებისათვის იბრძვიან და ამ უფლებების განხორციელებას მხოლოდ სოციალურ ველში ძალაუფლების მამაკაცური დისკურსის „ქალის“ ფიგურით ჩანაცვლებაში ხედავენ;
4. ე.წ. ინტელექტუალური ქალები, რომლებიც ხვდებიან რა, რომ ქალური სუფევა დაკარგეს, ისტერიულად ცდილობენ, ნიგნიერი ინტელექტუალის როლი მოირგონ, რითაც კიდევ უფრო


სცილდებიან საკუთარ ქალურობას“.

ასე აღწერს ფემინიზაციის შედეგად მოტანილ მდგომარეობას მკვლევარი: „სად არის ადგილი ქალურობისათვის, სად არის მისი სუფევა, ან ქალური ძალმოსილების ნება, რომელიც ყველა ლამაზმანის, ინტელექტუალის, ყველა ლიდერის, სოციალური მოღვაწის, რეველუციონერის საპირსწინედ ლეონარდოს ჯოკონდას აქვს?“ — სვამს კითხვას მკვლევარი და ფიქრობს, რომ „ქალურობა ყოველთვის ღვთაებრივია, ყოველთვის არსებული სტრუქტურის ბზარია, რომლიდანაც განზომილებათა უსასრულო პერსპექტივა იხსნება და ჩვენი დროის კულტურის ჩიხს სწორედ ამგვარი ქალურობის გამოიციხვა იწვევს“.

საჯარო ლექციის ფორმატში, ალბათ, შეუძლებელია სრულად ამოწერო კულტურის დღევანდელი გამოწვევების თემა, რომელთა პირისპირაც გლობალიზმმა მთელი პლანეტა და ცალკეული ინდივიდები დააყენა, თუმცა, ლელა ფირალიშვილის მიერ შემოტანილი ახალი დისკურსი იძლევა იმის საშუალებას, რომ განსხვავებული პასუხები გაჩნდეს უმთავრეს შეკითხვებზე, რომლებიც დღეს ჩვენშიც ხშირად გაისმის და არაერთი სიღრმისეული კონფლიქტის საფუძველი ხდება.

მომზადდა
ლელა კურდღელაშვილი

მერაბ მამარდაშვილი და ფილოსოფიის გარდაუვალობა



მერაბ გიგინეიშვილი

ფილოსოფიის საჯარო ლექციაზე თემაზე „მერაბ მამარდაშვილი და ფილოსოფიის გარდაუვალობა“ სტუდენტების დიდი ინტერესი გამოიწვია. აუდიტორია 214-ში, პირდაპირი მნიშვნელობით, ტყეა არ იყო, თუმცა, მიუხედავად ამისა, ახალგაზრდები ბოლო წუთამდე დარჩნენ ლექციაზე. საჯარო ლექცია თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის სტუდენტთა თვითმმართველობისა და განათლების დეპარტამენტის მიერ იყო ორგანიზებული.

ლექტორი შეეცადა ახალგაზრდებამდე ფილოსოფოსისა და მოაზროვნის მერაბ მამარდაშვილის სათქმელი მიეტანა, რომელსაც თავის დროზე მამარდაშვილი სწორედ საჯარო ლექციების ფორმით გადასცემდა უნივერსიტეტისა და ფილოსოფიის ინსტიტუტში შეკრებილ აუდიტორიას.

„მე კი აღარ ვაკეთებ ამას, არამედ ცოცხა, რომელიც ჩემშია. ჩემში შეიძლება მოქმედებ-

დეს ვიღაც სხვა. აქ არის ცნება საკუთარი აქტისა, ან უცხო აქტისა შენში. ჩვენ ვიყავით მარიონეტები ჩვენი საკუთარი აზრებისა, რომლებიც არ იყო ჩვენი აზრები. პავლე მოციქულის ტერმინოლოგიაში, ეს იქნება ცოდვის ხმა, რომელიც ჩვენ გვგონია ჩვენი საკუთარი ხმა. როგორ გავარჩიოთ ჩვენი ხმა სხვისი ხმისგან? რა არის თქვენს თავში თქვენი საკუთარი ხმა და რა არის, მაგალითად, იდეოლოგიის ხმა, რომელიც ჩამოკიდებულია სწორედ იმაზე, თუ რა გვანყობს ჩვენ, რა აწყობს ჩვენს სხეულს და რომელიც აარიდებს თავს ზღვრის სახეს, სიკვდილის სახეს? უნდა გავებდეთ და დავიწახოთ რეალობა: რეალობას ყოველთვის აქვს ხმა სიკვდილისა... სინამდვილეში ყველა ციხე ჩვენ მიერ არის აშენებული და ჩვენ საკუთარი თავის მონები ვართ — ესეიგი, მონა შეიძლება იყო სხვა ადამიანისა და იყო მონა შენი თავისა, როგორც ადამიანისა“, — ეს უშუალოდ მერაბ მამარდაშვილის სიტყვებია, რომელიც ერთ-ერთი ასეთი საჯარო ლექციის დროს არის ჩანერილი ვასული საუკუნის 80-90-იანი წლების მიჯნაზე.

„ვიცი, რომ მამარდაშვილზე საუბარი ნიშნავს იმას, რომ დიდ ფესვსაცემლში უნდა ჩავდგა საკუთარი ფეხი და ამას ვაკეთებ თავმდაბლობით და იმ შეგნებით, რომ გაცილებით მეტი უნდა ვიყოდე მამარდაშვილზე, რომ ადეკვატურად ვილაპარაკო მასზე“, — აღნიშნა ლევან გიგინეიშვილმა ლექციის დასაწყისშივე, თუმცა, გიგინეიშვილი ამჯერად არ საუბრობდა მამარდაშვილზე, როგორც მეცნიერ-ფილოსო-

ფოსზე, მან სცადა სტუდენტებამდე იმ ძირითადი სათქმელის მიტანა, რომელიც მამარდაშვილმა ყველას უთხრა. „მამარდაშვილისთვის ფილოსოფია არ იყო მხოლოდ პროფესიული დისციპლინა, ის მასში დებდა ადამიანური არსებობის მოდუსის აზრს. ჩვენ ვართ ფილოსოფიური არსებები, ჰომო ფილოსოფიკუსი, და ეს დიდი ტრადიციისაა ჯერ კიდევ ბერძნებიდან იღებს სათავეს“, — აღნიშნა ლექტორმა. ადამიანად ყოფნის მთავარი ინტრიგა არის დგომა სამყაროს იდუმალუბლის პირისპირ და მარადიული სურვილი — შეიცნოს, გაიგოს სამყაროს საიდუმლო. ასეთი ინტერესი და ცნობისმოყვარეობა კი უპირობოა, ყოველგვარი პრაქტიკული დანიშნულების გარეშე და ის ყველაზე კეთილშობილური ადამიანური თვისებაა — სწორედ ამ გაგებით არის ყველა ადამიანი ფილოსოფოსი და სწორედ ამგვარ ადამიანობას სცნობს მერაბ მამარდაშვილიც.

ფილოსოფოსი ვერასოდეს ამოხსნის სამყაროს საიდუმლოს, სწორედ ამიტომ იგი მუდმივად უკმაყოფილო იქნება, ამდენად, უკმაყოფილებაა ფილოსოფიის და, შესაბამისად, ადამიანად ყოფნის ფორმა. სწორედ ამიტომ მიაჩნდა მამარდაშვილს, სხვა დიდ ფილოსოფოსთა მსგავსად, კმაყოფილი ადამიანი არასრულად ადამიანად და სწორედ ამას გულისხმობდა „სხვის ხმისა და ცოდვაში, სულიერ პატიმრობასა და მონობაში“. სიკეთე არის რაღაც შეუცნობელის მონატრება, რომელიც გიბიძგებს ძიებებისა და ფილოსოფოსობისკენ, რომელიც


გაიძულებს, უკმაყოფილო იყო იმით, რასაც გაბატონებული იდეოლოგიები გთავაზობენ, სადაც ძალიან ადვილია გახდე კონფორმისტი და კმაყოფილი, თუკი დაკმაყოფილები იდეოლოგიათა მიერ შემოთავაზებული ცხოვრების ხედვით, გაიზიარებ ამ იდეოლოგიათა პოსტულატებს და მოერგები მათ; რაც მთავარია, აღარ დასვამ შეკითხვებს და არ შეეცდები მათზე პასუხების მოძებნას. სწორედ ამგვარ კმაყოფილებას ეძახდა მამარდაშვილი ცოდვას და აქედან გამომდინარე ამბობდა, რომ ნებისმიერი ადამიანი გარდაუვლად ფილოსოფოსია, რადგან მისი მთავარი თვისებაა — ეჭვი შეიტანოს, უკმაყოფილო იყოს არსებულთა და გამოუდუმებულად ეძებდეს და ენატრებოდეს უსასრულობა და მარადიული, ანუ ჭკმარითი, რომელიც არ ამოიხსნება და არ ითარგმნება ძალაუფლების სქემებსა და იდეოლოგიებში.

„ფიქრი საიდუმლო აქტია და რაღაცით ჰგავს შეყვარების მდ-

გომარეობას, აქ მხოლოდ ცოდვით ვერ მიხვალ, აქ საჭიროა მუხტი, რაღაც გაელვება, რომელიც ფიქრის მდგომარეობაში ჩაგაგდებას, თუმცა, როდის მოხდება ეს გაელვება, არავინ იცის. ამიტომ, როგორც მამარდაშვილს უყვარდა თქმა: იმუშავეთ სანამ ნათელია, რადგან არ გამოგეპაროთ ეს მომენტი“.

მამარდაშვილის თქმით: შრომა არის დრო, იგივე ძალისხმევა სიცოცხლეში — რამდენ ახალგაზრდამდე მიიტანა მამარდაშვილის ეს თეზა ლევან გიგინეიშვილმა ძნელი სათქმელია, თუმცა სტუდენტების ინტერესი, რომ გაიგონ და მოისმინონ რაღაც ახალი, სწორედ იმაზე მიანიშნებს, რომ ისინი მზად არიან ეძებონ და დაელოდონ იმპულსს, რომელიც სულ სხვაგვარი ფიქრის დაწყებისკენ უბიძგებს მათ, როგორც ადამიან-ფილოსოფოსებს.

მომზადდა
ლელა კურდღელაშვილი



ქართული ენა პირველ ქართულ უნივერსიტეტში ალარ არის პრიორიტეტული?!

2005 -2006 წლებში საუნივერსიტეტო სივრცეში რეფორმა ჩატარდა. ცვლილებები განსაკუთრებით მკვეთრად ჩვენს უნივერსიტეტს შეეხო, რამაც თავის დროზე მასობრივი პროტესტი გამოიწვია. ამის თაობაზე გვერდით ითქვა და დინარა. რეფორმის მათხრობები ცვლილებებს დადებითად აფასებდნენ; ჩვენ განსხვავებული აზრი გვქონდა. ახლახან თავი მოუყარათ ჩვენს თუ სხვის კუბიკაციებს ამ თემაზე და ერთ ნიშნად შევთავაზეთ მკითხველს („ღადა უნივერსიტეტის ქნაღაღოგის ჟამი. 2004-2013“, თბილისის უნივერსიტეტის გამომცემა, 2016 წ.). ამ ნიშნში რეფორმის ზოგად ასაქტებზე და მის შედეგებზე საუბარი; იმჟამინდელი საპროტესტო მოძრაოგის ისტორია გადმოცემული...

დღეს გვსურს კონკრეტული საუბარი იმაზე, თუ იმ „რეფორმა“ რა გავლენა იქონია სასწავლო პროცესზე; კარგოდ, რა მდგომარეობა შექმნა ქართულ ენას ამ ცვლილებებმა ჩვენს უნივერსიტეტში. ვისაუბრებთ მხოლოდ იმის თაობაზე, 2005 წლის შემდეგ რა შეიცვალა, როგორ და რა შედეგები მოჰყვა ამ ცვლილებებს.

2005 წლამდე ქართული ენა („ქართული მეტყველების კულტურა“) საუნივერსიტეტო საგანი იყო: ისწავლებოდა ყველა არაპუბლიცისტურ ფაკულტეტზე, ყველა სპეციალობაზე. მიაჩნდათ, რომ მაღალკვალიფიციური ქართველი სპეციალისტის აღზრდა ამის გარეშე ვერ მოხერხდებოდა (იგულისხმება ქართველი ეკონომისტი, ქართველი იურისტი, ქართველი ბიოლოგი და ა.შ.). 2005 წლიდან ეს საგანი ალარ ისწავლება. განმარტავენ, მას „აკადემიური წერა“ ჩაენაცვლაო. არ არის ასე: ჯერ ერთი, „აკადემიური წერა“ ყველა ფაკულტეტზე არ ისწავლება და, მეორეც, არაერთ სპეციალობაზე ამ საგანს არასპეციალისტები ასწავლიან; ე.ი. „აკადემიური წერა“ არ არის „ქართული მეტყველების კულტურის“ მონაცვლე...

გატარებული „რეფორმის“ „წყალობით“, მომავალ ფილოლოგებს არასრულყოფილ ცოდნას ვაძლევთ:

ა) ქართული ენისა და ლიტერატურის მომავალი სპეციალისტებისათვის ალარ არის სავალდებულო საგანი „ქართული დიალექტოლოგია“; იგი არჩევით საგანთა ნუსხაში შეიტანეს (სავალდებულოა მხოლოდ ერთი მცირერიცხოვანი ჯგუფისათვის — ქართველური ენების სპეციალისტებისათვის)... ეს იგივეა, მათემატიკოსის დიპლომი მივცეთ კაცს და არ ვასწავლოთ ალგებრა ან გეომეტრია...

ბ) დასავლეთ ევროპის ენების სპეციალობაზე დღიდან ამ დარგის შემოდებისა ერთ-ერთი ძირითადი საგანი იყო „ქართული ენა“. ცხადია, მშობლიური ენის მეცნიერული ცოდნის გარეშე ძნელია (თუ საერთოდ შესაძლებელია) უცხოური ენის მეცნიერული შესწავლა; ასე იყო და ასეა დღესაც: საბაკალავრო, სამაგისტრო და სადოქტორო შრომების თემატიკა ჩვეულებრივ ქართული ენის მეცნიერულ ცოდნას ითვალისწინებს; ეს თემატიკა გულისხმობს ინგლისურ-ქართული, გერმანულ-ქართული, ფრანგულ-ქართული და ა.შ. ენათა შეპირისპირებით კვლევას... რა გამოდის, ვთხოვთ მეცნიერულ ანალიზს ქართულისას და არ ვასწავლით ქართულ ენას!..

გ) იგივე ითქმის აღმოსავლეთმცოდნეობის სპეციალობაზეც: სომხურ-ქართული, თურქულ-ქართული, სპარსულ-ქართული, არაბულ-ქართული და ა.შ. ენობრივი ურთიერთობების კვლევა იყო და არის ერთ-ერთი ძირითადი მიზანი ამ ფაკულტეტის არსებობისა. ქართული ენა ამ ფაკულტეტზე იმ პროგრამით ისწავლებოდა, როგორც ქართული ფილოლოგიის ფაკულტეტზე (საგნები: ახალი ქართული ენა, ძველი ქართული ენა, ქართული დიალექტოლოგია, ენის ისტორია და სხვ.). დღეს აღმოსავლეთმცოდნეობის სტუდენტები ქართულ ენას ალარ სწავლობენ... არადა, საბაკალავრო, სამაგისტრო და სადოქტორო ნაშრომებში ქართული ენის აღმოსავლურ ენებთან მიმართებას კვლავ იკვლევენ... ანუ: ამ შემთხვევაშიც მეცნიერულ ანალიზს ვთხოვთ იმ ენისას, რომელსაც არ ვასწავლით...

დ) საქართველოს ისტორიის მომავალი სპეციალისტებისათვის ამ საუნივერსიტეტო დარგის არსებობის მანძილზე სავალდებულო საგნად ითვლებოდა „ძველი ქართული ენა“. დიდა ივანე ჯავახიშვილი-მა თურმე თვით აკაკი შანიძეს სთხოვა საქართველოს ისტორიის მომავალი სპეციალისტები ემეცადინებინა ძველ ქართულ ენაში... ეს ტრადიცია 2005 წლიდან წარსულს ჩაბარდა და საქართველოს ისტორიის მომავალი სპეციალისტები გამოიკვლევენ ძველქართულ საისტორიო წყაროებს ისე, რომ არ ეცოდინებათ ძველი ქართული ენა!... როცა არასრულყოფილი ცოდნის მიცემაზე ვსაუბრობდით, ამასაც ვგულისხმობდით...



ე) საგანგამოდ გვეჩვენება ის ვითარება, რაც კავკასიური ენების სპეციალობაზე შექმნილი. ქართული ძირითადი კავკასიური ენაა (არნ. ჩიქობავას დაარსებულ კავკასიურ ენათა განყოფილებაზე ასეთი საგანი ისწავლებოდა — „სემინარი ძირითად კავკასიურ ენაში“, იგულისხმებოდა ქართული ენა). კავკასიური ენების განყოფილებაზე „რეფორმამდე“ იკითხებოდა: „ახალი ქართული ენა“, „ძველი ქართული ენა“, „ქართული დიალექტოლოგია“, „ქართული ენის ისტორია“, „ქართული ენის პრაქტიკული სტილისტიკა“ და ეს ლოგოკურად იყო: ქართული ერთადერთი უძველესი წერილობითი ძეგლების მქონე კავკასიური ენაა; სხვა ენების შესწავლისა და კვლევისათვის ქართულის ცოდნის აუცილებლობა ფაქტია... დღეს? კავკასიური ენების სპეციალობაზე იკითხება ერთსემესტრიანი „ქართული ენა“... ესაა და ეს!.. ფაქტობრივ, ის ტრადიცია, რაც დაამკვიდრეს არნ. ჩიქობავამ, ვ. თოფურია, ს. ჯანაშიამ, ქ. ლომთათიძემ, გ. როგავამ და მრავალმა სხვამ, 2006 წელს წარსულს ჩაბარდა!.. ესაა „რეფორმის“ შედეგი!...

ორიოდე სიტყვას ვიტყვით საგანთა და სტრუქტურულ ერთეულთა შესახებაც:

ა) ქართული სალიტერატურო ენის განვითარებაში ორ ძირითად პერიოდს გამოყოფენ — ძველ ქართულ ენასა და ახალ ქართულ ენას; შესაბამისად, ტრადიციულად ორი საგანი ისწავლებოდა — „ძველი ქართული ენა“ და „ახალი ქართული ენა“. ქართული ფილოლოგიის სპეციალობაზე „ახალი ქართული ენა“ საგანთა ჩამონათვალში დღეს აღარაა; ჩაანაცვლეს „ქართული გრამატიკის საფუძვლებით“. განვიმარტავ: ეს იგივე საგანია, ვასწავლით ახალი ქართული ენის „ანბანს, ფონეტიკას, წარმოქმნას, თხზვას, სახელებს“ და ა.შ. საერთოდ ასეა: ანბანს პალეოგრაფია სწავლობს, ფონეტიკა ცალკე დარგია, წარმოქმნასა და თხზვას ლექსიკოლოგია სწავლობს... რა გამოვიდა? საგანს დაარქვეს გრამატიკა და ასწავლიან პალეოგრაფიას, ფონეტიკას, ლექსიკოლოგიასა და

გრამატიკას... ეს იგივეა, საგანს დავარქვით გეომეტრია და ვასწავლით ალგებრა, ზოგადი მათემატიკა და ა.შ. ფაქტობრივ დაირღვა მიმართება საგნის სახელწოდებასა და მის შინაარსს შორის... თანაც, „გრამატიკის საფუძვლები“ ზოგადი საგანია და ვერ იქნება „ახალი ქართულის“ მონაცვლე... კურორტულად უღერეს ეს ცვლილება... და ეს ხდება საქართველოს უპირველეს უმაღლეს სასწავლებელში, რომელიც მაგალითის მიმცემია სხვათათვის!.. ესა ცვლილება ცვლილებისათვის...

ბ) „რეფორმატორებმა“ გადანყვიტეს, ფეხი აეწყო იმჟამინდელი პოლიტიკური მოძრაობისათვის (გავიხსენოთ ლოზუნგები: „ისტორია იწყება ჩვენგან“... „პირველად ისტორიაში“...) და წერტილი დაუსვეს აკაკი შანიძისა და ვარლამ თოფურიას საფუძვლზე, ათეული წლობით ნაშენებ ახალი ქართული ენისა და ძველი ქართული ენის კათედრებს: გადაჯგუფდა საგნები, „ახალი ქართული ენის კათედრას“ „ქართველური ენათმეცნიერების“ დეპარტამენტი ჩაენაცვლა; „ძველი ქართული ენის კათედრას“ მიემატა — „ტექსტოლოგიური კვლევები“... ვერსად მოვიძიე ოფიციალური დოკუმენტი ამ ცვლილებების დასაბუთებისა. განმიმარტეს: ასე მოისურვეს „ყოველსაშემდეგ რეფორმატორებმა“ და შეუცვალეს სახელი... ისევ დაირღვა ლოგიკური მიმართებები: ძველი ქართულიც ქართველური ენათმეცნიერებაა, თუმცა... ორი კათედრა გააერთიანეს „ქართული ენის ინსტიტუტად“... და შედეგად მივიღეთ: ცვლილებათა თვითმიზნურმა ინტერესმა მთელისა და ნაწილის ლოგიკური მიმართების საკითხი დაარღვია: თითქოს ქართული ენის ნაწილი არის ქართველური ენები!... ისევ კურორტი და შეუფერებელი ცვლილება ისეთი რანგის უმაღლესი სასწავლებლისათვის, როგორც ჩვენი უნივერსიტეტია...

ძველი ქართული ენის კათედრისათვის „ტექსტოლოგიური კვლევების“ მიმატება პიროვნული ინტერესებით იყო ნაკარნახები და არა ლოგიკური აუცილებლობით (აქ სხვა პრობლემებიც იჩენს თავს...). მოხდა სპეციალობათა „მორგება“ პიროვნებებზე და არა პიროვნებათა შერჩევა სპეციალობების მიხედვით...

მეტყვიან, მერე რაო... რა და ის, რომ: ვებრძვით ტრადიციებს და ვახდენთ პირველი უმაღლესი სასწავლებლისათვის შეუფერებელ, ალოგიკურ, კურორტულ ცვლილებებს... ვამკვიდრებთ არაპროფესიონალიზმსა და არაკომპეტენტურობას... საგაზეთო წერილში ამ თემაზე საუბარს ალარ გავაგრძელებთ... საერთოდ, სერიოზული შესწავლის საგანი უნდა გახდეს სავალდებულო და არასავალდებულო საგანთა მიმართება. ზოგჯერ ისეთი შთაბეჭდილება რჩება, ესა თუ ის საგანი ჩნდება არა სპეციალობის ინტერესებიდან გამომდინარე, არამედ კონკრეტული პიროვნების ინტერესის გათვალისწინებით... და სხვა... და სხვა...

არსებობს უფრო ზოგადი პრობლემა: ქართული ენა პირველ ქართულ უნივერსიტეტში ალარ არს პრიორიტეტული! გავიხსენოთ: 1918 წელს გახსნილ უმაღლეს სასწავლებელს ივანე ჯავახიშვილის წინადადებით ეწოდა „ქართული უნივერსიტეტი“ და მას ქართველოლოგიური მეცნიერებების განვითარება დაუსახეს უპირველეს მიზნად (იხ. პეტრე მელიქიშვილის სიტყვა, თქმული უნივერსიტეტის გახსნის დღეს)... ისიც გავიხსენოთ, რომ ქართული საქართველოს სახელმწიფო ენაა და მერე ჩავიკითხოთ ამონარიდი თსუ-ის პუბლიცისტურ მეცნიერებათა ფაკულტეტის ცნობარიდან:

„ფაკულტეტზე პრიორიტეტულია უცხოური ენების სწავლება. ფაკულტეტი სტუდენტებს სთავაზობს:

– ევროპულ ენებს (ინგლისური, გერმანული, ფრანგული, ესპანური, იტალიური, ახალი ბერძნული, ნორვეგიული, შვედური).

– სლავურ ენებს (რუსული, პოლონური, ჩეხური, ბულგარული).

– აღმოსავლურ ენებს (არაბული, სპარსული, თურქული, ებრაული, იაპონური, ჩინური).

– კლასიკურ ენებს (ლათინური, ძველი ბერძნული).

– კავკასიურ და კავკასიაში გავრცელებულ ენებს (აფხაზური, ადიღური, ჩეჩნური, სომხური, ოსური, აზერბაიჯანული).

ქართველურ ენებს (ქართული, სვანური, მეგრული, ლაზური)“.

შეიძლება სიმწრით გაგვეღიბოს: კარგია, რომ ქართული ენა საერთოდ გაახსენდათ და უცხოური ენების „და სხვაში“ არ მოხვდა... ამ სქემაში სხვა რამეც არის პრობლემა, მაგრამ ამის თაობაზე სხვა დროს...

სამწუხაროდ ჩვენდა და საუბედუროდ ქართული ენისა, „რეფორმამ“ და „რეფორმატორებმა“ სასაუბრო მასალა მრავლად მოგვცა... ესეც თემაა: ვინ ასწავლის, რას და როგორ... ვიყენებთ თუ არა სრულად იმ ინტელექტუალურ რესურსს, რაც ამ სფეროში გვაქვს... თუმცა ამჯერად აქ შევწყვეტთ საუბარს. ფაქტია: პირველ ქართულ უნივერსიტეტში, დედა უნივერსიტეტში, ქართული ენის ბედის ბორბალი უკუღმა დაბრუნდა. ვითარება უნდა შეიცვალოს, გამოსწორების გზები დაისახოს...

მივმართავთ ივანე ჯავახიშვილის სახელობის თბილისის სახელმწიფო უნივერსიტეტის რექტორატსა და აკადემიურ საბჭოს:

შეიქმნეს კომპეტენტური კომისია მიუკერძოებელი პირებისაგან, რათა შესწავლილ იქნეს სახელმწიფო ენის სწავლების მდგომარეობა ჩვენს უნივერსიტეტში; შეფასდეს ჩატარებული „რეფორმების“ შედეგები და დაისახოს შექმნილი მდგომარეობის გამოსწორების ღონისძიებები.

გიორგი გომოლაშვილი

პროფესორის გვარდი

თსუ-ის ჰუმანიტარულ მეცნიერებათა ფაკულტეტის
სამეცნიერო ჟურნალ „ნელინდეულის“ სარედაქციო კოლეგიას

2015 წლის ნოემბერში თბილისში გაიმართა საერთაშორისო კონგრესი „ქართველოლოგიის პრობლემები და პერსპექტივები“, რომელიც საქართველოს მეცნიერებათა ეროვნული აკადემიის, საქართველოს საპატრიარქოსა და ივანე ჯავახიშვილის სახელობის თბილისის სახელმწიფო უნივერსიტეტის მიერ იყო ორგანიზებული. გავითვალისწინებ კონგრესის ორგანიზატორების სურვილი და მოვამზადებ მოხსენება „თანამედროვე ქართული ორენოვანი ლექსიკოგრაფიის ამოცანები“. მოხსენებამ დიდი ინტერესი გამოიწვია კონგრესის მონაწილე უცხოელ ქართველოლოგებში, რის გამოც მიზანშეწონილად მივიჩნიე მისი სტატიის სახით გამოქვეყნება თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტის „ნელინდეულში“.

სტატიაში ლექსიკოგრაფიული ცენტრის მრავალწლიან გამოცდილებაზე და კვლევებზე დაყრდნობით (რომლებიც ჩატარდა ინგლისური, გერმანული, შვედური, იტალიური, ფრანგული და სხვა ენების მასალაზე), ჩამოყალიბებულია თანამედროვე ქართული აკადემიური ორენოვანი ლექსიკოგრაფიის ამოცანები, როგორც ზოგადი ლექსიკოგრაფიის, ისე დარგობრივი ლექსიკოგრაფიის თვალსაზრისით. ზემოხსენებული საკითხები სტატიაში ზოგადდაა მიმოხილული, რადგან სტატია დარგის განვითარების ამოცანებს ეხება და არა ერთ რომელიმე კონკრეტულ ლინგვისტურ პრობლემას. ლექსიკონების შედგენასთან დაკავშირებული კონკრეტული მეთოდოლოგიური საკითხები კი დეტალურადაა გაანალიზებული ჩემს სხვა პუბლიკაციებში, რომლებიც მითითებულია სტატიის ტექსტში და რომელთა სია დართული აქვს აღნიშნულ სტატიას.

„ნელინდეულის“ სარედაქციო კოლეგიამ გამომიგზავნა ორი უარყოფითი რეცენზია ჩემს სტატიაზე და უარი მითხრა სტატიის დაბეჭდვაზე. იმ პერიოდში, როდესაც აღნიშნული უარყოფითი რეცენზიები მივიღე, უკიდურესად დაძაბული სამუშაო რეჟიმი მქონდა, ვმუშაობდი ევროპის ლექსიკოგრაფია ასოციაციის მე-17 საერთაშორისო კონგრესის მასალებზე რედაქციაზე და რეცენზიებზე, პასუხის გაცემის საკითხი დროებით გადავდე. კონგრესის დასრულების შემდეგ მივუბრუნდი რეცენზიებს და მივხვდი, რომ მათი უპასუხოდ დატოვება არ იქნებოდა სწორი.

ორივე რეცენზენტს გავუგზავნე პასუხები, რომლებიც ასევე გამოქვეყნებულია დიდი ინგლისურ-ქართული ონლაინ-ლექსიკონის ბლოგზე და ხელმისაწვდომია ყველა დაინტერესებული პირისთვის (პასუხი პირველ რეცენზენტს — <http://blog.dictionary.ge/archives/570>; პასუხი მეორე რეცენზენტს — <http://blog.dictionary.ge/archives/575>). იმედაა, ამ პასუხებს სარედაქციო კოლეგიაც გაეცნობა, რათა მომავალში თავიდან ავიცილოთ ის უხერხულობები, რაც „ნელინდეულის“ აღნიშნულ ნომერზე მუშაობისას შეიქმნა.

უპირველეს ყოვლისა უნდა აღინიშნოს, რომ რეცენზენტებისათვის სარეცენზიო სტატია არ იყო ანონიმური, მათ იცოდნენ — ვინ იყო სტატიის ავტორი, რადგან ეს სტატიაში კარგად ჩანს. ამდენად, დაირღვა ანონიმურობის პრინციპი, რეცენზენტები ანონიმური იყვნენ ავტორისთვის, ავტორი კი არ იყო ანონიმური რეცენზენტებისთვის.

რეცენზიები ზერეღედ, არაკვალიფიციურადაა დანერგილი და შეიცავს შეურაცხმყოფელ, ცინიკურ განცხადებებს (იხ. ჩემი პასუხები). რეცენზიების გაცნობის შემდეგ რჩება შთაბეჭდილება, რომ რეცენზენტებმა სტატია ვერ გაიგეს, ან ზერეღედ გადაიკითხეს, ან პირადი ანტიპათია აქვთ ავტორის მიმართ.

რეცენზიებში არის ისეთი წინადადებები, რომლებიც საერთოდ ეჭვქვეშ აყენებს იმას, რომ ეს რეცენზიები ენათმეცნიერის დანერგილია. მაგ. „უპირველეს პრობლემად სტატიაში წარმოდგენილია ორენოვანი ლექსიკონებში რუსული ენის გავლენის შედეგები და რუსულიდან თარგმნის უარყოფა“; „არ შეიძლება არ აღინიშნოს ის სტილისტიკური გაუმართაობა, რაც სტატიაში შეინიშნება. ხშირად წინადადებები სტილისტიკურად დაუხვეწავია“; „ავტორი მსჯელობს ევროპული ენებისა და ქართული ენის სინონიმებზე, რომლებიც ხშირად ვერ ფარავენ სემანტიკას“ და სხვა.

სამეცნიერო სტატიების რეცენზირება არ არის მექანიკური და მარტივი პროცესი. ევროპის ლექსიკოგრაფია ასოციაციის მე-17 საერთაშორისო კონგრესის სტატიების სარეცენზიოდ გავზავნამდე, კრებულის რედაქტორები მთელი კვირა ვსწავლობდით პოტენციური რეცენზენტების შრომებს, რათა თითოეული სტატიისათვის კვალიფიციური რეცენზენტი შეგვერჩია. აღარაფერს ვამბობ მიღებული რეცენზიების ანალიზსა და შემდგომ ნა-



თინათინ მარგალიძაძე

ბიჯებზე. სამეცნიერო კრებულის მომზადება, უდავოდ, დიდ დროსა და შრომას მოითხოვს.

ერთ-ერთი რეცენზენტი ბევრს საუბრობს იმაზე, რომ სტატია არ არის კვლევაზე ორიენტირებული და „კვლევაზე ორიენტირებული“ სტატიის სტრუქტურასა და პრინციპებს მასწავლის, თითქოს ბაკალავრიატის პირველი კურსის სტუდენტი ვიყო და აკადემიური წერის ლექციას მიკითხავდეს.

რას ნიშნავს „კვლევაზე ორიენტირება“? შეიძლება დარგის განვითარების ამოცანების განსაზღვრა კვლევის გარეშე? რა არის ეს „კვლევაზე ორიენტირებული“? ესე იგი თუ ნაშრომი არ ჯდება იმ სტერეოტიპში, რაც მრავალი წლის წინ გვასწავლეს, ის არ არის კვლევა? ლექსიკოგრაფიულ ცენტრში მრავალწლიანი მუშაობისა და კვლევის შედეგად შეიქმნა ახალი ევროპულ-ქართული აკადემიური ლექსიკონების შედგენის მეთოდოლოგია და ეს არ არის „კვლევაზე ორიენტაცია“?

ერთ-ერთი რეცენზენტი წერს, რომ ეს სტატია საინტერესოა მხოლოდ „ლექსიკოგრაფიული ცენტრის მუშაობით დაინტერესებულ პირთათვის“.

ამ ცინიკურ განცხადებაში იკითხება ის საერთო დამოკიდებულება ლექსიკოგრაფიის მიმართ, რაც, სამწუხაროდ, ყველაზე ძნელი დასაძლევია სწორედ აკადემიურ წრეებში აღმოჩნდა. ამ ცინიკური დამო-

კიდებულების შედეგი იყო ის, რომ წლების წინ, რეფორმების შემდგომ უნივერსიტეტში, კონკურსების დროს, ტესტების კრებული ითვლებოდა სამეცნიერო შრომად, ხოლო ლექსიკონი ავტორს შრომად არ ეთვლებოდა. ქართველი ლექსიკოგრაფების დიდი ძალისხმევითა და ორი საერთაშორისო სიმპოზიუმის წყალობით, რომლებიც ბათუმში გაიმართა 2010 და 2012 წლებში, ეს ველური დამოკიდებულება ლექსიკოგრაფიისა და ლექსიკოგრაფების მიმართ შეიცვალა. დიდი იმედი მაქვს, რომ ლექსიკოგრაფიული ცენტრის ორგანიზებით, მიმდინარე წლის სექტემბერში, დიდი წარმატებით ჩატარებული ევროპის ლექსიკოგრაფია ასოციაციის მე-17 საერთაშორისო კონგრესი და კონგრესზე მიღებული რეზოლუცია ლექსიკოგრაფიის სამეცნიერო სტატუსის შესახებ რადიკალურად შეცვლის ლექსიკოგრაფიის მნიშვნელობის გააზრებას ჩვენს ქვეყანაში.

პატივცემული რეცენზენტების მიერ დანუხებული სტატია იბეჭდება სხვა უნივერსიტეტის რეფერირებად სამეცნიერო ჟურნალში. გულდასაწყვეტი ისაა, რომ ლექსიკოგრაფიული ცენტრი ივანე ჯავახიშვილის სახელობის თბილისის სახელმწიფო უნივერსიტეტში დაარსდა, ორენოვანი ლექსიკოგრაფიის სკოლა ამ უნივერსიტეტში შეიქმნა და უკვე მოიპოვა საერთაშორისო აღიარება, ამ სკოლაში ჩამოყალიბებული დარგის განვითარების ამოცანების შესახებ სტატია კი სხვა უნივერსიტეტის სამეცნიერო ჟურნალში იბეჭდება.

ბოლომთაჰ

კიდევ ერთმა ჩემმა კოლეგა-ანგლისტმა მიიღო უარყოფითი რეცენზია სტატიაზე, რომელიც „ნელინდეულის“ იმავე ნომერში დასაბეჭდად გაუგზავნა სარედაქციო კოლეგიას. მან მკაცრად და არაუმეტეს იმეტირებულად მოსთხოვა პასუხი ურუნალის რედაქციას იმის გამო, რომ მისი სტატია არაკომპეტენტურ პირს გადაუგზავნეს სარეცენზიოდ.

შედეგად, სტატია უცვლელი სახით იბეჭდება „ნელინდეულის“ იმავე ნომერში.

როგორც იტყვიან NO COMMENT

პატივისცემით
თინათინ მარგალიძაძე

საქველმოქმედო ტურნირი გიორგი ბაროვილის დასახმარებლად

თბილისის სახელმწიფო უნივერსიტეტში თსუ-ის სპორტისა და კულტურის დეპარტამენტის ინიციატივითა და ორგანიზებით ძალისმიერ სამჭიდში (ყველა ასაკობრივ კატეგორიაში) საერთაშორისო საქველმოქმედო ტურნირი გაიმართა, რომელიც მსოფლიო ჩემპიონისა და რეკორდსმენის გიორგი ბეროშვილის დასახმარებლად მოეწყო. ტურნირის ორგანიზატორმა, ძალისმიერი სამჭიდის ნაკრების მთავარმა მწვრთნელმა, ვეტერანებს შორის მსოფლიოს მრავალჯერ ჩემპიონმა ზურაბ ჭავჭავაძემ აღნიშნა, რომ შეჯიბრიდან შემოსული თანხა დაშავებული სპორტსმენის რეაბილიტაციას მოხმარდება.

ტურნირში მონაწილეობა მიიღეს ქართველმა, თურქმა და სომეხმა სპორტსმენებმა.

როგორც პარაოლიმპიური კომიტეტის დამფუძნებელმა გიორგი ნასიძემ აღნიშნა, საქართველოდან ტურნირში მონაწილეობა მიიღო პარასპორტსმენთა კლუბის წევრმა აკაკი ჯინჭარაძემ (28 წლის), რომელიც 100 კილოგრამამდე წონით კატეგორიაში გამოვიდა. გიორგიმ წელს რიოს პარაოლიმპიადაზე წარმატებით იასპარეზა. იგი აქტიურად ემზადება შემ-

დეგი პარაოლიმპიადისთვისაც, რომელიც 2020 წელს ტოკიოში გაიმართება. მონაწილეობა მიიღეს, ასევე, თურქეთიდან წარმოდგენილმა პარაოლიმპიური გუნდის წევრებმა.

ძალისმიერი სამჭიდის საერთაშორისო ტურნირში მონაწილეობდნენ ქალებიც: ლილე შენგელია და მაიკო ბურნაძე.

ტურნირი იმითაც იყო მნიშვნელოვანი, რომ თბილისის სახელმწიფო უნივერსიტეტის წარმომადგენლებმა 3 მსოფლიო რეკორდი დაამყარეს — 67 კგ-მდე წონით კატეგორიაში ჭაბუკებს შორის მსოფლიო რეკორდსმენი გახდა არკადი ჩაპანიანი, რომელმაც 200კგ. ასწია; 100კგ-მდე წონით კატეგორიაში ჭაბუკებს შორის მსოფლიო რეკორდი დაამყარა ლუკა გაბუნია, რომელმაც 225კგ. ასწია; ვეტერანებში 75კგ-მდე წონით კატეგორიაში წარმატებით იასპარეზა თსუ-ის თანამშრომელმა გენადი სიგუამ, რომელმაც შტანგის ამონევაში მსოფლიო რეკორდი მოხსნა — 150კგ.

„საქველმოქმედო ტურნირში მონაწილეობა ჩემთვის მეტი მონდომების მიზეზი გახდა, ვინაიდან ის მეგობრის, მსოფლიო ჩემპიონის გიორგი ბეროშვილის დასახმარებლად მოეწყო. მიხარია, რომ მსოფლიო რეკორდსმენი გავხდი და ვიცი, ეს წარ-

მატება გიორგისაც ძალიან გაახარებს და გააძლიერებს. იმედი მაქვს, იგი მალე ჯანმრთელი და ახალი გამარჯვებების სურვილით დაგვიბრუნდება!“ — აღნიშნა ლუკა გაბუნია.

პარასპორტსმენმა აკაკი ჯინჭარაძემ ფიზიკური მომზადების საუკეთესო მაგალითი აჩვენა, თავისი წარმატებული ასპარეზობით გიორგი ბეროშვილი გაამხნევა და მას, გულშემატკივრების სახელით, სპორტულ ასპარეზზე მალე დაბრუნება უსურვა.

შეჯიბრის დასასრულს, ყველასთვის სასიხარულოდ, მედპერსონალის დახმარებით, თავად გიორგი ბეროშვილი მოიყვანეს, რომელმაც მადლობა გადაუხადა თსუ-ის სპორტისა და კულტურის დეპარტამენტს და სპორტსმენებს თანადგომისთვის და მათთან ერთად სამახსოვრო ფოტო გადაიღო.

ტურნირის ბოლოს ყველა მონაწილეს სერტიფიკატი გადაეცა.

თამარ დალიანი



სამაგიდო თამაში „ვეფხისტყაოსანი“ და პოემის კორეული თარგმანი



სტარტზე დაბრუნებას ნიშნავს. აზარტი ძალიან დიდა, იმ გაგებით, რომ ბოლო სვლამდე გამარჯვებულის ვინაობა უცნობი რჩება... თამაში იმაზე არის ორიენტირებული, რომ ისწავლო. ერთხელ თუ ვერ გამოიცინო აფორიზმს, ჩახედავ პასუხების ფურცელს და, რამდენიმე ასეთი ქმედების შედეგად, დაგამახსოვრდება. თუ არ იცი, ეს ტრადიცია სულაც არ არის, პირიქით, თამაში სწავლის ხალისს აძლიერებს“.

სამაგიდო თამაშის შექმნა თბილისის სხვადასხვა წიგნის მალაზიაშია შესაძლებელი. შოთა რუსთაველის „ვეფხისტყაოსნის“ უძველესი გამოცემები კი თბილისის სახელმწიფო უნივერსიტეტის ცენტრალური ბიბლიოთეკის შენობაში რუსთაველის საიუბილეო წლის ბოლომდე დარჩება.

3 ვეფხისტყაოსნის“ თარგმანებს პოემის კორეული თარგმანიც შეემატა. მისი ასლი ივანე ჯავახიშვილის სახელობის თბილისის სახელმწიფო უნივერსიტეტის ბიბლიოთეკას კორეის საელჩოს საკმეოთა დროებითა რწმუნებულმა საქართველოში კიმ ინ მუნნიმ გადასცა. 22 ნოემბერს საზოგადოებამ „ვეფხისტყაოსნის“ თემაზე შექმნილი სამაგიდო თამაშიც იხილა, რომელიც პოემას კიდევ უფრო მარტივად დასამახსოვრებელსა და გასაგებს ხდის.

„ვეფხისტყაოსნის“ თარგმანისათვის კორეულ ქართველოლოგს, პროფესორ ჩო ჯუ-კვანს 10 წელი დასჭირდა. მუშაობის პროცესში მას აღმოსავლეთმცოდნე ივანე ჩიქოვანი და სეულის უნივერსიტეტის უცხო ენების მაგისტრანტი რუსუდან ფირცხალავა ეხმარებოდნენ. თარგმანი თბილისის სახელმწიფო უნივერსიტეტს საზეიმოდ გადაეცა შოთა რუსთაველის 850 წლისთავისადმი მიძღვნილ ღონისძიებაზე. ელჩის მოვალეობის შემსრულებელმა თქვა, რომ კორეის უმაღლეს სასწავლებლებში შოთა რუსთაველისა და მისი პოემის მიმართ ძალიან დიდი ინტერესი არსებობს: „განსაკუთრებულად მინდა მიველოცო თბილისის სახელმწიფო უნივერსიტეტს დიდი პოეტის შოთა რუსთაველის 850 წლისთავისადმი მიძღვნილი გამოფენის გახსნა. კორეაში ბევრი პროფესორი და მკვლევარია დაინტერესებული შოთა რუსთაველის შემოქმედებით. „ვეფხისტყაოსანი“ კორეულად სწორედ კორეის უნივერსიტეტის პროფესორმა თარგმნა. კიდევ ერთ პროფესორს ჰქონდა ამავე პოემის თარგმნის მცდელობა. იყო შემთხვევები, როდესაც მკვლევრები გარკვეულ ტაქებს თარგმნიდნენ და თავიანთ ნაშრომებში ციტატების სახით იყენებდნენ. ვფიქრობ, ეს იმგვარი კულტურული საქმიანობაა, რომელიც ორ ქვეყანას და ორ უნივერსიტეტს კიდევ უფრო დაახლოებს“.

„ვეფხისტყაოსნის“ კორეულ თარგმანთან ერთად, თბილისის სახელმწიფო უნივერსიტეტის ბიბლიოთეკის საგამოფენო დარბაზში სხვა ენაზე შესრულებული თარგმანები და პოემის 120-ზე მეტი გამოცემა გამოფინეს. დაცული იყო თარგმანისა და გამოცემის ქრონოლოგია 1720 წლიდან დაწყებული, როდესაც, ვახტანგ VI-ის ინიციატივით, „ვეფხისტყაოსნის“ პირველი ბეჭდური ვერსია გამოვიდა, დღემდე. წარმოდგენილი იყო რამდენიმე ხელნაწერი და გამორჩეული ილუსტრაციები. თბილისის სახელმწიფო უნივერსიტეტის სივრცეში რუსთაველის საიუბილეო თარიღის აღნიშვნას ბიბლიოთეკის დირექტორი ზურაბ გაიპარაშვილი შემდეგ მომენტებს უკავშირებს: „უპირველეს ყოვლისა, პოემისა და, ზოგადად, რუსთაველის ყველაზე სიღრმისეული და მასშტაბური კვლევა ჩვენს უნივერსიტეტთან არის დაკავშირებული. სახელების ჩამოთვლაც საკმარისია, რომელთა ნაშრომებმაც, ფაქტობრივად, რუსთაველოლოგიის დარგი შექმნეს: ივანე ჯავახიშვილი, კორნელი კეკელიძე, აკაკი შანიძე, იუსტინე აბულაძე და შალვა ნუცუბიძე. მეორე მიზეზი ისაა, რომ საჯარო ბიბლიოთეკის შემდეგ, უნივერსიტეტის ბიბლიოთეკა ის ადგილია, სადაც პოემის ყველაზე დიდი კოლექციები ინახება“.

2016 წელი „ვეფხისტყაოსნის“ წლად გამოცხადდა და თსუ განსაკუთრებით აღნიშნავს ამ მოვლენას. თბილისის სახელმწიფო უნივერსიტეტში რუსთაველის უკვდავი პოემის კვლევა დაარსებისთანავე დაიწყო და დღემდე გრძელდება.

„დღეს გამოფენაზე წარმოდგენილია უნიკალური გამოცემები, განსაკუთრებით მნიშვნელოვანია 1712 წელს ვახტანგ VI-ის დროინდელი პირველი ნაბეჭდი „ვეფხისტყაოსანი“, რომელსაც ახლავს სერიოზული გამოკვლევა. შეიძლება ითქვას, რომ ეს არის პირველი მცდელობა მისი აკადემიური გამოცემისა. თსუ-ის ბიბლიოთეკაში, ასევე, ინახება ორი ხელნაწერი „ვეფხისტყაოსანი“ — 1834 წელს ავეტიკ გორგიჯანოვის და 1849 წელს სვიმონ ტერ სიმონოვის მიერ გადაწერილი ხელნაწერები, რაც ძალიან მნიშ-

ვნელოვანია ჩვენი კოლექციისთვის. დღეს კი საინტერესო საჩუქრები მივიღეთ და ჩვენი ბიბლიოთეკა კიდევ უფრო გამდიდრდა „ვეფხისტყაოსნის“ ახალი გამოცემებით“, — აღნიშნა ზურაბ გაიპარაშვილმა.

ღონისძიებას თსუ-ის რექტორი გიორგი შარვაშიძე, რექტორის მოადგილე მიხეილ ჩხეკელი, თბილისის მუნიციპალიტეტის საკრებულოს თავმჯდომარე გიორგი ალიბეგაშვილი, სტუდენტები და მონაწილე სტუმრები ესწრებოდნენ.



* * *

გამორჩეული ინტერესი იგრძნობოდა ახალგაზრდა ფილოლოგისა და კინომცოდნის, ლევან გელაშვილის ნამუშევრის მიმართ, რომელმაც „ვეფხისტყაოსნის“ თემაზე სამაგიდო თამაში შექმნა. ავტორის თქმით, თამაშში მონაწილეობს ლიტერატურული რუკა, რომელიც პოემის გეოგრაფიას ეფუძნება; ასევე ფიგურები, რომლებიც ტარიელსა და ავთანდილს განასახიერებენ; კამათელი, ბარათები, რომლებზეც აფორიზმები წერია, და ვეფხისტყაოსნის ქსოვილისგან შეკერილი ქისა; ასევე წიგნი, სადაც თამაშის ნესებზეა საუბარი და იქვე წერია პასუხები იმ შემთხვევისთვის, თუკი მოთამაშე აფორიზმის გამოცნობას ვერ შეძლებს. თამაშის მონაწილეთა რიცხვი 2-დან 10 მსურველამდეა. თამაშის ნესებს მისი ავტორი, ლევან გელაშვილი, განმარტავს: „მოთამაშეები რიგრიგობით აგორებენ კამათელს და აკეთებენ შესაბამის სვლებს. ყველა სვლა გარკვეულ დავალებასთან არის დაკავშირებული. მაგალითად, თუ კამათელი ოთხიანზე გაგორდა, ოთხიანი კი გრაგინის ნიშანია, ე.ი. ბარათი უნდა ავიღოთ, რომელზეც აფორიზმის პირველი ნაწილი წერია. ყველა აფორიზმი „ოქროს კვეთის“ პრინციპით არის შექმნილი, რაც იმას ნიშნავს, რომ აფორიზმის პირველი ნაწილი ბარათზე წერია, მეორე ნაწილი კი შენ უნდა გამოიცილო. თუ გამოიცილო, წინ მიიწევი, წინააღმდეგ შემთხვევაში, ადგილზე რჩები. ქვიშის საათი ამბობს, რომ „გამოტოვე სვლა“. თუ მშვილდისარი ამოვიდა, ეს ნიშნავს, რომ ისრის მიმართულებით ერთი სვლა უნდა განახორციელო. თეთრი წრე

„ვეფხისტყაოსანი“ და სამაგიდო თამაშის კულტურა საქართველოში

ლევან გელაშვილი, „ვეფხისტყაოსნის“ თემაზე სამაგიდო თამაშის ავტორი:

„ვეფხისტყაოსნის“ პირველი სამაგიდო თამაშები XIX საუკუნეში გამოჩნდა. საქართველოში პირველი ასეთი ლიტერატურული თამაში ილია ჭავჭავაძის დროს დაიბეჭდა. 1892 წელს 24 ივნისის გაზეთ „ივერიის“ 131-ე ნომერში გამოქვეყნებული იყო ვრცელი ინფორმაციული ცნობა, რომ ოზურგეთიდან მიუღიათ კ. თავართქილაძის მიერ დაბეჭდილი ლოტო, რომელიც ეფუძნებოდა პოემის აფორიზმებს. იქვე ახლდა ვრცელი განმარტება თამაშის ნესების შესახებ. დასასულს ავტორი ასკვნიდა, რომ ეს თამაში დაეხმარებოდა მკითხველს „ვეფხისტყაოსნის“ ზეპირად შესწავლაში. ამ პერიოდში გავრცელებული იყო ვეფხისტყაოსნის და სხვა ლიტერატურული თამაშების შექმნა, რომელსაც ილია ჭავჭავაძეც ხელს უწყობდა. ლიტერატურული დაფის თამაშები ინტერაქტიური მოვლენაა, სადაც, ტექსტთან ერთად, ფსევდოგრაფიული დეკორაცია და მკითხველის მაქსიმალური ჩართულობა ნამყვანი სათამაშო სტრატეგიაა.

1938 წელს გამოცემულმა „ტექნიკა და შრომა“ გამოსცა ალექსანდრე ინაშვილის მიერ შედგენილი „ვეფხისტყაოსნის“ და სხვა მწერლების ნაწარმოებებიდან შემდგარი ლოტო. სათამაშო ლოტო შედგებოდა ე.წ. ქარდების, წიგნაკისა (თამაშის ნესები) და მუყაოს ფირფიტებისგან. თითქმის ანალოგიურ პრინციპს ეყრდნობოდა 1986 წელს გამოცემული სახალისო ლოტო: „გონებანი გონიერსა“ (გამომცემლობა განათლება). ეს თამაში ეყრდნობოდა 1951 წლის საიუბილეო გამოცემას (სარედაქციო კოლეგია: ბარამიძე, კეკელიძე). თამაშში 110 აფორიზმი გამოყენებული, რომელიც 24 ქარდზეა განლაგებული.

XX საუკუნეში, დროთა ფორმაციის შედეგად, საქართველოში პოემის ხალხთან ურთიერთობის ახალი ინტერაქტიური ფორმა. „ვეფხისტყაოსნის“ ლოტო სწორედ ასეთი მოვლენა იყო. მიუხედავად მრავალსაუკუნოვანი პოპულარობისა, დღეს თანამედროვე სამყაროში მაინც საჭიროა „ვეფხისტყაოსნის“ პოპულარიზაცია და თანამედროვე ინტერაქტიურ გარემოში დაბრუნება.

სამაგიდო თამაშები ტექსტის სიღრმისეულად გაგების და გაათავისების ძალიან კარგი საშუალებაა მთელ მსოფლიოში. ლიტერატურული სამაგიდო თამაში უნიკალურ შესაძლებლობებს იძლევა, რადგან უშუალოდ რუსთაველის სიტყვიერ სამყაროში ამოგზავრებს მოთამაშეს და მისი ბუნებრივი ნაწილი ხდება. ტექსტის შეცნობისთვის აუცილებელია მკითხველის იდენტიფიკაცია მის რომელიმე გმირთან ან მთლიანად ამბავთან. ამ მხრივ დაფის თამაშებს დიდი შესაძლებლობები გააჩნია. გრაფიკულ-გამომსახველობითი და ტექსტური მხარე ახალი სინთეზური ვარიაციებით არის წარმოდგენილი. თამაშობ, ესე იგი მონაწილეობ ამბავში — მოგზაურობ ხელშეასებ სიტყვიერ გარემოში და აფორიზმებით იხსნება იმ სამყაროს კარი, რომელშიც ორგანულ ნაწილად იგრძნობ თავს.

მთავარი რედაქტორი	ნინო კაკულია	რედაქციის მმართველი:	მისამართი:
მთავარი სამხარეთისტი	მაია ტორაძე	რისმაგ გორდენიანი, იაგო კაჭკაჭიშვილი, ეთერ ხარაიშვილი, ლადო პაპავა, მანანა შამილიშვილი, თემურ ნადარეიშვილი, ლადო მინაშვილი, მორის შალიკაშვილი, ნინო ჩიხლაძე, გიორგი ჯაიანი, არსენ გვენეტაძე, მარიამ ცისკაძე, ნინო ჭალაგანიძე, ირმა რუსაძე	ილია ჭავჭავაძის გამზ. 13
ტექნიკური რედაქტორი	მანანა ჯურხაძე		(თსუ-ის მე-8 კორპუსი)
ფოტოკორექციონერი	ანა ბოლქვაძე		tsunewspaper@tsu.ge
კომპ. უზრუნველყოფა	ზაზა გულაშვილი		2 22 36 62